

ዒዮቤ ማፃኣፖ ዒይያ ካሮ

ዒዮቤ ማፃኣፖይዳ ኑ ዛጋ ሃይሳ ጳጳሪ ሜቶና ባይሲንታና ሄሌ ፔቲ ኮሺ ዓሲሰኬያ ዛላ ከኤዛያኬ፤ ዩይ ዓሢ ፔኤኮ ናኣቶና ቆሎ ቢያናፓ ዓቲያ ማዒያ ሌሊቱዋንቲ ቶኦሶ ከሢና ሜታጴኔ፤ ካላሊ ጎይሢ ሃይሣ ፓቂ ፓቂ ጌሰቶና ጌኤሲና ዒዮቤንታ ዒዛኮ ላጎንታ ዩይ ሜታ ዒያቶ ማሊሼሢ ከኤዛኔ፤ ጋፒንፃ ያኦሲ ፔኤሮ ዒዮቤም ፔጋዲ ጴጴ።

ዒዮቤኮ ላጎንሢ ዒማና ዒዮቤይዳ ሄሌ ሜቶ ዛሎ ጌሰቲ ሃይሳ ያኦሲ ካኣሽካኔ ጋዓ ዓሳ ጌሰታ ዒርቲ ማሊያ ጎይያኬ፤ ዩያሮ ዒያታ፡- «ያኦሲ ኮሺ ዓሲም ኮሺ ባኣዚ ዒንጋያ ፑርታ ዓሲ ሜታሳኔ፤ ዩያ ጎይያና ዩይ ቢያ ሜታ ዒዮቤ ሄሌሢ ዒ ጎሜ ማጴሢሮ ናጎዳኔ» ጋዓኔ፤ ጋዓንቲ ዒዮቤ ያሎ፤ ሃሣ ኮሺ ዓሲያኣ ማዕሢሮ ዩያጉዴ ዴኤሢ ሜታ ዒዛም ኮይሳያቱዋንቲኬ፤ ባሺ ዒርቱዋያ ዓኣቺሢ ማዕ ባካ ዒዛጉዴ ኮሺ ዓሲዳ ዩያጉዴ ዴኤያ ሜታ ሄሊያኬ፤ ዋዚ ዒዮቤኮ ያኦሲ ጉሙርቂያ ዓገፂባኣያታቲያ ያኦሲ ፒዜ ዋጌ ዋጌ ዩያይዳፓ ዒዛ ከሲ ቤርታ ዒ ዓኣ ጎይያ ዒዛ ማሃንዳጉዲ ያኦሲ ዶዲ ያኦጨሢዳፓ ዒ ገንሢም ጌይባኣሴ።

ዒዮቤ ያኦጮ ባኮ ዛሎ ቢያ ያኦሲ ፓይዲ ፓይዲ ማሂባኣቲያ ዒዮቤኮ ዒዛ ጉሙርቂያ ዶዲም ሄርሺ ሄርሺ ፔኤኮ ያኦሱም ዋልቆና ቢታንቶና ዲቃሢ ሄርሺሳያ ማዓ ካላሊ ጎይሢና ፔጋሲ ዒርዜኔ፤ ዩካፓ ዒዮቤ ያኦሲ ጴጳ፤ ሃሣ ቢታንቶ ዓኣያ ማዕሢ ዒራያ ጫርቂ ሚርጌ ጎሪንቲ ጎሪንቲሢሮ ጳቢንቶ ዒሪ ጎም ፔኤኮ ቡኡፃኔ።

ጋፒንፃይዳ ካላሊቱዋ ጎይሢና ፃኣፒንቲ ባካ፡- ዒዮቤ ሚና ቤርታ ዓኣ ጎይያ ማዕሢና ቆሎዋ ቤርታኣሰካፓ ባሺ ዴንቄሢኬ፤ ዩያሮ ዒዮቤኮ ላጎንሢ ዒዛይዳ ሄሌ ሜታሢ ዓይጎ ዛላናታቲያ ዒያቶም ዒርቲባኣሢሮ ያኦሲ ዒያቶ ኮሺ ዶዲና ጎሬኔ፤ ሚሌ ያኦዚ ካኣሽካ ዓሶ ማሊያይዳፓ ያኦሲ ባሺ ማዕሢ ዒሬሢ ዒማና ዒዮቤ ሌሊኬ።

ማፃኣፔላ ዲማ ዲማ ዓርቂ ባኮ

ዒዮቤ ቆልሞንታ ማኣሮ ዓሶንታ ባይዚ ፔኤሮዋ ሃርጌሢ (1:1—2:13)

ዒዮቤ ፔኤኮ ሾይንቲ ከሎ ጋዳንቄሢ (3:1-26)

ቤርታሲ ጌሰቲንቲ ጌኤዞ (4:1—14:22)

ላምዓሲ ገሰቲንቲ ጌኤዞ (15:1—21:34)
 ሃይሣሲ ገሰቶና ጌኤዞ (22:1—26:14)
 ዒዮቤኮ ጋፒንያ ሃይሶ (27:1—30:31)
 ዒዮቤ ፔኤኮ ዳቢንቲ ባላሢ ዔርዚ ኬኤዘሢ (31:1-40)
 ዔሊሁ ጎዖሢ ገሰቲ ጌኤዞ (32:1—37:24)
 ያኦሲ ቤርታሲ ገሰቲ ጌኤዞ (38:1—39:30)
 ያኦሲ ላምዓሲ ገሰቲ ጌኤዞና ዒዮቤኮዋ ማሂያ (40:1—42:6)
 ያኦሲ ዒዮቤኮ ናንጎንታ ቆሎንታ ማኣር ዓሶንታ ጊንሣ ዓንጄሢ
 (42:7-17)

ፃላሄ ዒዮቤ ዋይታቲያ ዛጋኒ ጌሼሢ

1 ያኦፄ ጌይንታ ዓጫ ናንጋ፡ ፔቲ ዒዮቤ ጎዖ ዓሲ ዓኣኔ፤ ዬይ ዓሢ ፑርታ ባኣዚፓ ቢያ ሃኪ ያኦሲ ዒጊጫያ፡ ደንኪሳ ባኣዚ ባኣያ፡ ፒዜ ዓሲኬ።

2 ዒዛኮ ለንካይ ዓቲንቁና ሃይሦ ወዲር ናይና ዓኣኔ።

3 ቆሎ ዛሎናታቲያ፡- ለንካይ ሺያ ማራይ፡ ሃይሦ ሺያ ጋኣሎ፡ ደንጎ ፄኤታ ዋኣፃ ጌማይና ደንጎ ፄኤታ ሃሬያ ዒዛኮ ዓኣኔ፤ ዬያጉዲ ሃሣ ዒዛኮ ማዶ ማዳ ሚርጌ ዓሲያኣ ዓኣኔ፤ ዬይ ዓሢ ዓባ ኬሰካ ባንዖና ዓኣ ዓጫ ናንጋ ዓሶይዳፓ ቢያ ዒዛጉዴ ዖርጎቹንታ ዴኤፒ ዓሲያ ባኣያኬ።

4 ዬዳ ዋዶና ዒዛኮ ዓቲንቆ ናኣታ ፔቲ ፔቲሢ ፔ ማኣራ ማኣራ ሙኡዚ ጊኢጊሺ ዋሊ ዑፃ ቡኪንቲ ዋዛዳኔ፤ ዒማና ዔያቶኮ ሃይሦ ጌርንሢያኣ ዔያታ ዔኤሊሲ ዔኤሊሲ ዔያቶና ዋላ ሙይ ዑሽካኔ።

5 ዬይ ሙዖ ኬላ ጋፒሰካፓ ዒዮቤ ጉቶማ ኬሰኪ ፔቲ ፔቲ ዒዛኮ ናኣቶ ዔኤሊሲ ዔኪ ሙኪ ዔያቶኮ ሱንዖና ያኦሲም ዒንጎ ባኣዚ ሸኢሻኔ፤ ዬያ ዒማዳሢ «ጎዖንቲ ታኣኮ ናኣታፓ ያኦሲ ጫሽኪ ዳቤይ ናንዳኔ!» ጋዓ ዒጊቹዋና ፔኤኮ ናኣቶ ጎሜፓ ጌኤሻኒ ጌይኬ፤ ዒዮቤ ዬያ ዳምቦ ሃሹዋዖ ቢያ ዋዴ ማዳ ኩንሣኔ።

6 ፔቲ ዓቢና ጫሪንጮ ኪኢታንቻ ናንጊና ናንጋ ጎዳ ቤርቶ ሸኢካኣና ፃላሂያኣ ዔያቶና ዋላ ሸኢኬኔ።

7 ናንጊና ናንጋ ጎዳ ዒማና ፃላሃሢ ኮይላ፡ «ዓንካፓ ኔ ሙኬይ?» ጌይ ያኦጩኔ።

ፃላሃሢ ማሃዖ፡- «ዓጫ ማዔ ካርና ቢያ ሴካ ሃንጋ ታ ሃንቲኔ» ጌዔኔ።

8 ናንጊና ናንጋ ጎዳ፡- «ታ ዓይላሢ ዒዮቤ ኮሺ ኔ ዛጊያ? ዒዛጉዳ ጉሙርቁንታያና ኮሺ ዓሲና ሳያይዳ ባኣሴ፤ ዒዚ ፑርታ ባኣዚ ቢያይዳፓ ሃኪ፥ ታና ዒጊጫ ፒዜ ዓሲኬ» ጌዔ።

9 ፃላሄ ገንሣ፡- «ዒዮቤ ኔና፥ ፆኦሲ ዒጊጫሢ ጉሪ ኔኤም ማላ?

10 ዒዚ ኔና ዒጊጫሢ ዒዛንታ ናኣቶንታ ሃሣ ዒዛኮ ዓኣ ባኮዋ ቢያ ኮሺና ኔ ዒዛም ካፒ፥ ገንሣ ዒ ማዳ ባኮዋ ቢያ ኔ ዒዛም ዓንጃሢሮና ሜርጌ ባይ ቆሎዋ ኔ ዒዛም ዒንጌሢሮቱዋዓዳ?

11 ጋዓንቱ ኔ ኩጮና ኔ ካኣሚ ዒዛኮ ዓኣ ባኮ ቢያ ባይዜቱ ኔና ዒዚ ዒጊጫዋ ጫሽካንዳ፤» ጌዔ።

12 ናንጊና ናንጋ ጎዳ ፃላሃሢም፡- «ዒኤዔ፤ ያኣዳ ማዔቴ ዒዮቤይዳ ሌሊ ፔቱ ሜቶዋ ሄሊሲፖ፥ ጋዓንቱ ዒዛኮ ዓኣ ቆሎ ቢያይዳ ኔ ኮዔ ባኣዚ ማዳኒ ዳንዳዓ፤» ጋዓዛ፥ ፃላሃሢ ፆኦሲ ቤርታፓ ኬሰኪ ዳንዳ።

ዒዮቤኮ ናኣታ ሃይቁሢና ቆላኣ ቢያ ጋፔሢ

13 ዬካፓ ፔቱ ኬሊ ዒዮቤኮ ናኣታ ዔያቶኮ ቶይዲ ማኣራ ቡኪንቲ ሙኡዚ ሙይ፥ ዋይኔ ዑሺያ ዑሽኪ ዋዛዳ።

14 ዬኖ ኬሎና ፔቱ ኪኢታ ዓሲ ጳሽኪ ጳሽኪ ዒዮቤ ኮራ ሙካዖ፡- «ኦኡኒ ጌማቶ ዋኣዲ ጎሽካንቱ፥ ሃራ ዒማና ኦ ኮራ ሄንቃ፤

15 ኦ ማሊያ ማሊባኣንቱ ሳኣባ ዓጪ ዓሲ ሙኪ ኦና ያላየ ቢያ ባኮ ዔኬኔ፤ ሃሣ ኔኤኮ ዓይሎዋ ጨንቾ ዓፓሮና ዋዳም፥ ዔያቶ ባኣካፓ ታኣኒ ሌሊ ቶሊ ዬያ ባኮ ኔኤም ኬኤዛኒ ሙኬኔ» ጌዔ።

16 ዬይ ኪኢቶ ዓሢ ሃይሶ ሃጊ ኬኤዚ ጋፑዋንቱ ሜሌ ኪኢታ ዓሲ ጳሽኪ ሙካዖ፡- «ኔኤኮ ማራቶና ሄንቃ ዓሶና ጉቤ ጉጉንሢ ጫሪንጫፓ ዲኪ ዋዳም፥ ዬያቶይዳፓ ታኣኒ ሌሊ ቶሊ ዬያ ባኮ ኔኤም ኬኤዛኒ ሙኬኔ» ጌዔ።

17 ዬይያኣ ኬኤዚ ጋፑዋንቱ ሜሌ ኪኢታ ዓሲ ሙካዖ፡- «ካላዳ ዓጮ ዓሲታዖ ቡራ ዓሳ ሃይሆ ቤሲ ፓቂንቲ ኦ ዔሪባኣንቱ ኦና ያሊ፥ ኔኤኮ ጋኣላሢ ቢያ ዔካዖ፥ ኔኤኮ ዓይሎዋ ቢያ ጨንቾ ዓፓሮና ዋዳም ታኣኒ ሌሊ ቶሊ ዬያ ባኮ ኔኤም ኬኤዛኒ ሙኬኔ» ጌዔ።

18 ዬይ ኪኢቶ ዓሢያ ሃጊ ኬኤዚ ጋፑዋንቱ ሜሌ ኪኢታ ዓሲ ሙካዖ፡- «ናኣታ ኔኤኮ ዔያቶኮ ቶይዲ ማኣራ ቡኪንቲ ሙዖ ሙይ፥ ዋይኖ ዑዠዋ ዑሽኪ ዋዛዳንቱ፥

19 ዓሲ ናንጉዋ ዳውላፓ ዔሩዋንቱ ዓልጋ ሙካዖ ማኣሮ ጉቤ ደይሳዛ ማኣራ ዔያቶ ዑፃ ደዔሢሮ ዔያታ ሃይቁ፤ ታኣኒ ሌሊ ዔያቶ ባኣካፓ ቶሊ ዬያ ባኮ ኔኤም ኬኤዛኒ ሙኬኔ» ጌዔ።

20 ዬያ ቢያ ባኮኮ ጊንፃፓ ዒዮቤ ዔቃፖ ፆደሢና ፔኤኮ ማኣዓሢ ዳርዚ፥ ቶኦኮዋ ፔኤኮ ጉኡሊንቴኔ፤ ባሊቶናኣ ሳፖ ሄሊሲ ዚጋፖ፡-

21 «ታ ዒንዶ ጎጳፓ ካሎ ታ ሾይንቴኔ፤ ሃይቃፖዋ ካሎ ታ ዓኣዳንዳኔ፤ ናንጊና ናንጋ ጎዳ ታኣም ዒንጌኔ፤ ዒዚ ሃሣ ማሂ ዔኬኔ፤ ዬያሮ ዒዛ ሱንፃ ጋላቲንቴያ ማፖንጎ!» ጌዔኔ።

22 ዬያ ቢያና ዒዮቤ ዳቢንቲ ጎሜ ማዲባኣሴ፤ ፆኦሲዳኣ ፑርታ ባኣዚ ጌሰቲባኣሴ።

2

ፃላሄ ዒዮቤ ዛጋኒ ላሚ ጌሼሢ

1 ማሌ ዓቢና ሃሣ ጫሪንጮ ኪኢታንቻ ናንጊና ናንጋ ጎዳ ቤርቶ ሺኢካዛ፥ ፃላሄያኣ ዔያቶና ዋላ ሺኢኬኔ።

2 ናንጊና ናንጋ ጎዳ ፃላሃሢ ኮይላ፡- «ዓንካፓ ኔ ሙኬይ?» ጌይ ፆኦጩኔ።

ፃላሃሢ ማሃፖ፡- «ዓጫ ማዔ ካሮና ቢያ ሴካ ሃንጋ ታ ሃንቴኔ» ጌዔኔ።

3 ናንጊና ናንጋ ጎዳ ፃላሃሢም፡- «ታ ዓይላሢ፥ ዒዮቤ ኮሺ ኔ ዛጊያ? ዒዛጉዴ ጉሙርቂንታያና ኮሺ ዓሲ ሳፖይዳ ባኣሴ፤ ዒዚ ፑርታ ባኣዚ ቢያፓ ሃኪ፥ ታና ዒጊጫ ፒዜ ዓሲኬ፤ ዒዛ ኔ ባይዛንዳጉዲ ታ ኔና ዓይሃም ኔ ታና ዒዛይዳ ዔቂሴሢ ጉሪኬ፤ ሃኣዛጌ፤ ዒዮቤ ሃሢያ ጉሙርቂንቲፆና ዶዴ ጎይሃኬ» ጌዔኔ።

4 ዬካፓ ፃላሃሢ፡- «ዓሲ ታልዔ ባኣዚ፤ ጊንሣ ሃሣ ኮሺ ባኣዚ ማዴ ዛላ ማሂ ዔኤቢ ዒንጋሢጉዲ ዓሲ ፔኤኮ ሸምፓሢ ዓይሳኒ ጋዓፖ ዓኣ ባኮ ቢያ ዒዒንጋሰካይ።

5 ጋዓንቲ ሃሢ ኔኤኒ ኔ ኩጮና ዒዛኮ ዑፆ ካኣሚ ፔቲ ሜቶ ዒዛይዳ ሄሊሴቲ ጎኔና ኔና ዒ ዒጊጩዋፖ ጫሸካንዳኔ!» ጌዔኔ።

6 ናንጊና ናንጋ ጎዳ ጊንሣ፡- «ኮሺኬ፤ ዋዲ ዒዛ ዋዲፖ፥ ጋዓንቲ ኔ ኮዔ ባኣዚ ዒዛይዳ ማዳኒ ዳንዳዓኔ» ጌዔኔ።

7 ዬካፓ ፃላሄ ናንጊና ናንጋ ጎዳ ቤርታፓ ኬሰኪ ዒዮቤኮ ቶኦኮ ጋፓናፓ ዴንዲ ቶኮ ፀንጎ ሄላንዳኣና ቶኦኮ ኪሢና ሜታዳንዳጉዲ ዶርፖ ዓጌኔ።

8 ዬያይዳፓ ዔቂያና ዒዮቤ ፔኤኮ ዴማ ቢዲንሢ ኩሊ ዑፃ ዴይ፥ ዑፃ ፔኤኮ ቦኦቆ ሜቂሢና ዋኣጪሢ ዓርቂኔ።

9 ዒሚና ማቻ ዒዛኮ ዒዛ ኮራ፡- «ሃይማ ሄላንዳኣና ኔኤኮ ፆኦሲዳ ዓኣ ጉሙርቂፃ ዶዴ ጎይሃዳ? ሃያይዳፓ ፆኦሲ ጉሙርቂፃ ሃሺጋፓ ሃይቄ!» ጌዔኔ።

10 ዒዮቤ ዒዛም፦ «ወይቲ ኔኤኒ ዔኤያ ላኣሊ ጌኤሲ ጌሰታይ? ፆኦሲ ኑም ኮሺ ባኣዚ ዒንጋኣና ወዛና ኑ ዔካኔ፤ ሃሢ ሜቶ ኑም ዒ ዔኪ ሙካዛ ዒዛይዳ ጉንዲማንዲያ ኑም ኮይሳ?» ጌዔኔ።

ዒዮቤይዳ ወዚ ዬያ ቢያ ሜታሢና ዋኣዪፃ ሄሌቴያ ፆኦሲ ዑፃ ፑርታ ጌሰቲ ዒ ጎሜ ማዲባኣሴ።

ዒዮቤኮ ሃይሣ ላጎንሢ ዒዛ ፆኦጫኒ ሙከሢ

11 ቲማኔ ዓጮ ዓሢ ዔልፓዜንታ ሹሃ ዓጮ ዓሢ ቢልዳዴናናዒማ ዓጮ ዓሢ ፆፓሬና፤ ዬንሢ ሃይሣንሢ ዒዮቤኮ ላጎንሢኬ። ዔያታ ዒዮቤይዳ ሄሌ ዋኣዪሳ ሜታሢ ዋይዛፆ ዒዛ ዛሎ ዔያታ ፆዬያ ማዔሢና ዒዛ ደዲሻኒ ፔኤኮ ዓጫፓ ዓጫፓ ዋሊ ዔኤሊ ዔኪ ዋላ ዒዮቤ ኮይላ ሙከኔ።

12 ዔያታ ሙኮ ሙኪ ሃጊ ሃኬ ዓኣፆ ዒዮቤ ዴንቄኔ፤ ጋዓንቲ ዬይ ዒዛታሢ ቤዘና ዴማሲ ዔራኒ ዔያታ ዴንዳዒባኣሴ። ጌንፃፓ ዒዛ ማዔሢ ዔራፆ ፆዬ ፔኤኮ ማኣዓሢ ዔያታ ዳርዜኔ፤ ሲላሊያ ለካ ጫሪንጮ ባንሢ ላኣሊ ላኣሊ፥ ጌንሣ ፔኤኮ ቶኦኮይዳ ሲላሎ ዋሂ ዋሂ ዒላቲ ዬኤኪሢ ዓርቄኔ።

13 ዒዛና ዋላ ዔያታ ላንካይ ርኦሪና ላንካይ ዋንቲና ሳዓይዳ ዴዔኔ፤ ዒዛኮ ዋኣዪፃ ዴኤሢ ማዔሢያ ዔያታ ዔሬኔ፤ ዬያር ዔያቶይዳፓ ፔቲ ባኣዚያ ዒዛም ጌዔይ ባኣሴ።

3

ዒዮቤ ፔ ሾይንቲ ኬሎ ጋዳንቄሢ

ዒዮቤ

1 ዬካፓ ዒዮቤ ጌሰቲፆ ዓርቃፆ ፔ ሾይንቲ ኬሎ ሂዚ ጌይ ጋዳንቄኔ፦

2-3 «ታ ዒንዶኮ ዑፃ ታ ዓቲ ዋንቲላ

ታ ሾይንቲ ኬሌላኣ ጋዳንቄንቲያ ማፆም!

4 ዬና ኬሌላ ዴሚ ባንሢ ላኣሚንቶም፤

ጫሪንጮ ፆኦዛሢ ዒዛም ማሎፓ፤

ፖዒ ፔቲታፆ ዒዛይዳ ጴዶፓ።

5 ቃኣዮና ሻኔ ዴሚና ዒዛ ካንቄንቲያ ማፆም፤

ዒዛ ኬሌሎኮ ፖዓ ሻኣሬ ዴሚና ካንቄንቲያ ማፆም፤

6 ዬኖ ኬሌሎ ሻኔ ዴሚ ካንቆንጎ፤

ሌፆ ጋራ ዓኣ ኬሎና ዋላ ፓይዲንቶፓ፤

ዓጊኖ ባኣኮዋ ጌሊ ዒዛ ዒዲንቶፓ።

7 ዬኖ ኬላ ዓሲ ሾይንቲዋ ኬሊ ማፆንጎ፤

ዋዛ ዑኡሲያ ዒዛይዳ ዋይዚንቶፓ።

- 8 ሌዋታኔ* ጌይነታ ቦዖ ጴቻኒ ዳንዳዓዘንሢና
ኬሎ ጋዳንቃ ማርሾ ዓሳ ዬኖ ኬሎ ጋዳንቆንሳ።
- 9 ዬኖ ዋንቶኮ ካሪዖ ዠኦጋሢ ዲሞንሳ፤
ፖዒኮ ሃጊ ማዓንዳ ዋዛኣ ዒኢካ ጴዶፓ፤
ካሪሢ ዓቢያ ዒዘይዳ ዖርቆፓ።
- 10 ዬና ዋንቴላ ታኣኒ ታ ዒንዶ ጎጳፓ ኬሰኩዋጉዲ
ሃሣ ሜቶዋ ታ ዓኣፓፓ ዓኣቻኒ
ሾይዖ ካሮ ታ ጌዳ ዎዲባኣሢሮ ጋዳንቂንቴያ ማዖንሳ።»
- 11 «ዎንዴ ታ ዒንዶ ጎጳ ዓኣዖ
ሃሣ ዒንዶ ጎጳፓ ታ ኬኬሰካዖ ሃይቄቴ ዓይሳ?
- 12 ታ ዒንዳ ፔ ጉባዛ ዓይጋ ታና ጎዴይ?
ዓይጋ ታና ዒዛ ፔ ዳንዖ ዳንሢሢይ?
- 13 ዒማና ታ ሄኤዶ ሃይቄ ላሄያታቶ
ሄኤዶ ታ ሃውሼያ ናንዳንቴኬ።
- 14 ሃሢ ሻሂንቲ ዓኣ ቤዘ ፔኤም ጌዒ ኮሼ
ዓጮ ካኣቶንታ ዔያቶኮ ዘራ ዓሰንታ ዋላ
ሄኤዶ ታ ላሂ ሃውሼ ዴንቄያ ናንዳንቴኬ።
- 15 ፔኤኮ ማእሮ ዎርቄና ቢራና ኩንሢ ሱኡጎና ዋላ
ታ ሄኤዶ ላሄያ ናንዳንቴኬ፤
- 16 ሃጊ ዓጊኒ ሄለባኣንቴ ሾይንቲ ዱኡቴያ
ፖዒያ ፔቴታዖ ዛጊባኣ ናይጉዲ ታ ማዔቴ ዓይሳ?
- 17 ፑርታ ዓሲ ዱኡከንቲና ፔኤኮ ፑርቶ ማዶ ሃሻኔ፤
ማዶ ማዲ ላቤ ዓሳኣ ዱኡፖይዳ ሃውሻኔ።
- 18 ቱኡዘ ዓሳታዖ ዒኢካ ኮሹሞ ዴንቃኔ፤
ዔያቶ ማዲሻ ዓሰ ጎሪንታፓ ዔያታ ዳቃኔ።
- 19 ዳኮንታ ዴኤፖ ዴኤፖ ዓሰንታ ዒኢካ ፔቴይዳ ዓኣኔ፤
ሃሣ ካራማኣ ዒኢካ ዔያቶ ዎይሣ ዓሰ ዓይላታፓ ኬሰካኔ።»
- 20 «ዋኣዪሢዳ ዓኣዘንሢሢ ፖዒ
ናንጋ ጫንቄ ዖዪሢና ኩሜ ዓሰሞ
ሼምፔ ዓይጋ ዒንጊንታይ?
- 21 ዲቢ ቆሎፓ ባሼ
ሃይቢ ኮዒ ዴንቄዋኣዘንሢሢ
ሼምፔ ዓይጋ ዒንጊንታይ?

* 3:8 ሌዋታኔ ጌይዖ፡- ሚናኣ ዎዴና ዓኣኔ ጌይነታያ ጉርጉሮ ማላ ዴኤፒ ቦዖኬ። 3:9
ዒር. 20:14-18። 3:21 ዮሃ. ያፔዳ 9:6።

- 22 ዱኡኪንታ ዎደና ዎዛዳዘንሢም
 ሹምፓ ዓይጋ ዒንጊንታይ?
 23 ጎይፃ ባይቄሢም
 ፆኦሲ ካራ ዎዴ ዓሢም
 ፖራ ዓይጋ ዒንጊንታይ?
 24 ሙዎ ሙዎንዶ ቤዘ ታ ያዪሢና ሜታዳኔ፤
 ዒላታ ታኣኮ ዓልቂ ጋፑዋ ዋኣሢጉዲኬ።
 25 ታ ዒጊጨፍ ባካ ታ ኮይላ ሙኬኔ፤
 ዓልቲ ታ ማሌ ባካ ታና ሄሌኔ።
 26 ኮሹሞና ሃውሺሢና ታኣኮ ባኣሴ፤
 ታ ሜቶኮዋ ጋፒንሢ ባኣሴ።»

ቤርታሲ ጌሰቲንቴ ጌኤዞ

4

(4:1—14:22)

ዒልፓዜ

- 1 ቲማኔ ዓጮ ዓሢ ዒልፓዜ ሂዚ ጌይ ማሄኔ፡-
 2 «ዒዮቤ! ፔቴ ዓሲ ጫርቂ ኔኤም ከኤዘቴ
 ጊቢ ኔ ዋይዘንዳ?
 ጋዓንቴ ከኤዚሢዳፓ ያኣኒ ጊንሢም ጋዓንዳይ?
 3 ሚርጌ ዓሲ ኔ ዒርዜኔ፤
 ላቤ ኩጮዋ ኔ ደዲሹኔ።
 4 ኔ ጌኤዛ ዱቂንታ ዓሶዋ ማኣዳኔ፤
 ጎጋይቃ ጉኡዞዋ ኔ ደዲሻኔ።
 5 ሃሢ ሜታ ኔና ሄሌሢር
 ሃጊ ማዓ ዎዛ ባኣ ዓሲ ኔ ማዒኔ፤
 ሜታ ኔኤኮ ዴኤፃሢር
 ሃጋኣ ማዓ ዎዘ ኔ ቲቄኔ።
 6 ፆኦሲ ዒጊቹማ ኔኤኮ ጌኤቂንቶ ባኮ
 ፒዜ ጎይፃ ኔኤኮ
 ሃጊ ማዓ ዎዘቱዋዓዳ?
 7 ጌኤሺ ዓሲታንቴ ፆኦሲ ፑርታ ሜቶ ዓጌ ዓሲ
 ፂሎ ዓሲታንቴ ፆኦሲ ባይዜ ዓሲ
 ዓኣቴ ሂንዳ ማሌ።
 8 ታ ዒራ ጎይፆና
 ፑርቱሞ ጎሽካዘንሢና ሜቶ ዜርቃዘንሢና
 ጊንሢ ዒንሢ ዒካኔ።
 9 ዒያታ ፆኦሲ ዑኡዞና ባይቃኔ፤

- ዒዛኮ ደኅ ዋኣዖ ጉዳሢና ሙይንታኔ።
- 10 ጥርቶ ዓሳ ዓዳ ዘቢጉዲ ጉዳኔ፤
 ዑኡዘዋ ፔኤኮ ዔያታ ዳጊዲ ዒላታኔ፤
 ዖኦሲ ዔያቶኮ ጋዓንቴ ዓጮ ማንህኔ።
- 11 ዘቢ ኬሚ ሙዓ ባኣዚ ባይዛዖ
 ሃይቃሢጉዲ ዔያታ ሃይቃኔ፤
 ዘቤሎኮ ናኣታ ዣኣላሢጉዲ ዔያቶ ናኣታኣ ዣኣላኔ፤»
- 12 «ፔቴ ዓቢና ዓኣሺንቴ ኪኢታ ታና ሄሌኔ፤
 ዬያ ኪኢቶ ካሽካሺና ታ ዋይዘኔ።
- 13 ዓሶ ዴኡፒ ጊንዓ ዓርቂ
 ሜታሲ ዲማ ባልባሣ ዋዶና
- 14 ዒጊቹሞና ጎጋይቂሢና ታና ዓርቂኔ፤
 ታኣኮ ሜጌዖ ቢያ ጎቃይሴ።
- 15 ዢባሬ ታ ቤርቲና ዢባርሺ ዓኣዴኔ፤
 ዲቃቲሢና ቶኣኮ ጋማ ታኣኮ ጋማሽኬ።
- 16 ዒኢካ ፔቴ ባኣዚ ዔቂ ዓኣንቴ ታ ዛጌኔ፤
 ጊቶ ጌይ ታ ዛጌቴያ
 ዓይጎሞ ዔራኒ ታ ዳንዳዒባኣሴ።
 ዓማና ዔዌ ቤሰካፓ
- ሂዚ ጋዓ ዑኡሲ ታ ዋይዘኔ፡-
- 17 «ዖኦሲ ቤርቲዳ
 ዒሎ ማዒ ጴዳኒ ዳንዳዓ ዓሲ ዓኣ?
 ሃሣ ማዢሢ ቤርቶይዳ
 ጌኤሺ ማዓንዳ ዓሲ ጴዳንዳኣ ናንዳ?
 18 ዖኦሲ ፔኤኮ ማዳዘንሢ ጉሙርቁዋያ ማዔቴ
 ዒዛኮ ኪኢታንቸይዳታዖ ዳቢንቴ ዒ ዴንቃቴ
- 19 ዓካሪ ራዔ ሙዑዋንቴ ሻሂንታዘንሢ
 ዖጳ ዔያቶኮ ዓጪና
 ዢኢጮ ዓጪና ኮሺንቴ ማኣሪዳ ናንጋዘንሢ
 ዋይቲ ዒ ጉሙርቃንዳይ?
 20 ዋንቴና ጉቴናኮ ባኣካ ዔያታ ሜቃኔ፤
 ዔርቱዋንቴ ናንጊና ዔያታ ባይቂ ዋለንታኔ።
- 21 ፃውና ቱጊንቴ ዓፒሎና ኮሻና ማኣሪጉዲ
 ዔራቶ ባኣያ ዔያታ ሃይቃኔ።» »

5

1 «ዒዮቤ! ማሂ ኔኤም ኬኤዛንዳ ዓሲ ኔ ዴንቄቴ
ሂንዳ ዔኤሊንቴ፤
ኔና ማኣዳንዳጉዲ

ፆኦሲ ኪኢታንቸፓ ዋያ ባንሢ ኔ ዛጋይ?

2 ዔኤያ ዓሲ ዳጋ ዋዋዳኔ፤
ቂኢሩዋዋ ዒኔባኣ ዓሲ ባባይዛኔ።

3 ዔኤያ ዓሲ ፃጺ ዳኪ ናንጋንቴ ታ ዛጌኔ፤
ፆኦሲ ጎሪንቲና ማኣራ ዒዛኮ ዔሩዋንቴ ሻሂንቴ።

4 ናኣታ ዒዛኮ ኮሺ ናንጊ ዴንቃዓኬ፤
ዓሳ ቡካ ጳኦኮይዳ ዔያቶ ዛሎ ጌሰታንዳ ዓሲ
ዔያታ ዴንቄንዲዋኣሢሮ ፑርታ ባኣዚ ዔያቶ ሄላኔ።

5 ዒዛኮ ሃኣኮ ናይዲንቴ ዓሲ ሙዓኔ፤
ዓንጊያ ባኣካ ባቃሌ ሃኣኮታዖ ዒዛም ሃሺንዲዋኣሴ፤
ዴኤበንቴ ዓሳኣ ዒዛኮ ቆሎ ዔካኒ ዓፃዳኔ።

6 ሜታ ዓጨዳፓ ኬሰኩዋኣሴ፤
ሜታ ሃሣ ሳዓይዳፓ ባቃሉዋኣሴ።

7 ታሚ ቄንሢዳፓ ዪንቂ ዓኣዳሢጉዲ
ዓሲያኣ ሜቶም ሾይንታኔ።»

8 «ዋንዴ ታኣኒ ኔናታቴ ፆኦሲ ባንሢ ሸኢኪ
ሜታሢ ታኣኮ ቢያ ዒዛም ታ ኬኤዜያ ናንዳኔ።

9 ዒዚ ፓይዲንቴዋያ ማዔ ዒዛ ዋልቆና ማዲንታ ማደ
ሃይማኬ ጌይ ዔርቱዋ ዴኤፒ ባኣዚ ማዳኔ።

10 ሳዖይዳ ዒርዚ ዋርቂሳኔ፤
ጎዡዋ ዋኣሢና ሎጨሳኔ።

11 ቶኦቹንቴዘንሢ ቦንቹሲ ዴጊዳኔ፤
ዖዬዘንሢያ ዶዲሺ ዋዛሳኔ።

12 ዔያቶኮ ማደ ጊኢጉዋጉዲ ጌኖ ዓሶኮ ማሊያ ጉሪ ማሃኔ።
13 ዔር ዓሶ ዔያቶኮ ጌና ፒሮጉዲ ዓርቃንዳጉዲ ዒ ማሃኔ፤
ጌኖ ዓሶኮ ማሊያኣ ሩኡሪና ባይቃኔ።

14 ሮኦራ ዔያቶም ዲሚ ማዓኔ፤
ሃጊ ዓባ ሳዛ ዓኣንቴ፥ ዋንቶ ዲሞይዳ ዓኣያጉዲ ዔያታ
ዲቃዳኔ።

15 ማንቆ ዓሶ ዔያቶ ሞርኮኮ ጨንቾ ዓፓራፓ ፆኦሲ ዓውሳኔ፤
ሜታዴ ዓሶዋ ሄርቂ ሜታሳ ዓሶ ዴማፓ ዒ ኬሳኔ።

- 16 ማንቆ ዓሶሞ ሃጊ ማዓንዳ ዋዛ ዒንጋኔ፤
ዋይዚ ዒዳሢያ ዒዚ ዓጨፓ ጋፒሲ ባይዛኔ።»
- 17 «ፆኦሲ ዙሪ ጎራ ዓሲ ዓንጂንቴያኬ!
ዬያሮ ጴኤፖ ፆኦዛሢኮ ጎሮ ቦሂፖ።
- 18 ፆኦሲ ኔና ሜንሢቶ ማሂ ዒ ኔና ኮኦላኔ፤
ፔቴ ኩጮና ኔና ዒ ሜንሢቶ ባጎ ኩጮና ኔና ፓሣኔ።
- 19 ባይዛ ሜቶ ላሆይዳፓ ዒ ኔና ዓውሳንዳኔ፤
ላንካሳሢናኦ ዓይጎ ሜታኦ ኔና ሄላዓኬ።
- 20 ናዮ ዋዶና ሸሞፔና ኔና ዒ ጌሣኔ፤
ፆሎ ዋዶናኦ ሃይቢፓ ኔና ዒ ዓውሳኔ።
- 21 ፆኦሲ ፑርታ ዒንዲርሲዳፓ ኔና ካፓኔ፤
ባይሲንታ ሙኬቴያ ኔ ዒጊጫዓኬ።
- 22 ፑርታ ፆልዚና ናይዚና ሙኬ ዋዶና ኔኤኒ ሚሚኢጫንዳኔ፤
ካዮ ቦዎቀ ኔ ዒጊጫዓኬ።
- 23 ኔ ጎሽካ ጎዡ ሹቺ ማዒ ኔና ሜታሳዓኬ፤
ካዮ ቦዎና ዋላ ኔ ኮሺና ናንጋንዳኔ።
- 24 ማኦርይዳ ኔኤኮ ኮሹሞ ኩማንዳሢ ኔ ዒራንዳኔ፤
ማራቶኮ ባርቶ ኔ ዛጋኦና ቢያሢ ኮሺ ዓኦንቴ ኔ ጴንቃንዳኔ።
- 25 ኔኤኮ ሾይንታ ሚርጋንዳሢያ ኔ ዒራንዳኔ፤
ዜርፃ ኔኤኮ ቦኦሎ ማኦቶጉዲ ሚርጋንዳኔ።
- 26 ዛርጎ ቲሻሢ ካፃንዳኦና ጎዡ ኔጋሢጉዲ
ኔኤኒያ ጋርቻንዳያ ሄላንዳኦና ሚርጌ ለዒ ናንጋንዳኔ።
- 27 ኦኤኒ ዬይ ቢያ ጎኔ ማዒሢ ዛጊ ዒሬኔ፤
ዬያሮ ኔኤኒ ማሊ ጳቂሢጋፓ ማዶይዳ ፔኤሹ።»

6

ዒዮቤ

- ¹ ዬካፓ ዒዮቤ ሂዚ ጌይ ማሄኔ፡-
- 2 «ፆዪፃ ታኦኮ ጴኤሡሞ ዒሮ ባኮይዳ ጌሢንቴያታቴ ዓይጎ!
ሜታሢያ ቢያ ታኦኮ ጴኤሡሞ ዒሮ ባኮና ዛጊንቴያታቴ ዓይጎ!
- 3 ባዞ ማኦሻሎይዳፓ ባሺ ጴኤፃንዳንቴኬ።
ዬያሮ ዳንዳዒፃ ፓጨ ታኦኮ ጌኤዛ ኔና ዲቃሢ ሄርሺሳንዳያ
ኮይሱዋሴ።
- 4 ቢያ ባኮ ዳንዳዒ ጎዳሢ ፔ ሂኢዢና ታና ዲኬኔ፤
ዬያ ሂኢዢኮ ዳኦና ዑፆ ታኦኮ ዓኦዲ ሃሼኔ፤

- 5 ጸኣሲኮ ዲቃሣያ ማዕ ባይዛ ባካ ኮይሎ ታኣኮ ማንጌኔ።
 ኪርሞሌ ማኣቲ ዋዲ ዴንቄቴ
 ጌማይያኣ ሃሃ ዴንቄቴ ጉዲዋሴ፤
 6 ሶኣጌ ዋሂንቲባኣ፥ ዓኣፁዋ ካሣ ሙይንታ?
 ጴሎላኮ ሃሎ ዋኣፃ ዓኣፃ?
 7 ታኣኒ ታ ዛሎና ዬያጉዴ ሙያ ሻሻኣኪንታኔ፤
 ታ ሙዒታቴያ ታኣሞ ኮሽኩዋሴ።»
 8 «ጸኣሲ ታ ኮዓ ባኮ ታኣሞ ዒንጋቴ ዓይኅ!
 ታኣኮ ሺኢጲያዋ ዒ ዋይዛቴ ዓይኅ!
 9 ሃያ ቢያይዳፓ ዒ ታና ዋዴቴ ኮሺቱዋኣዓዳ?
 ፔ ኩጮ ዒቁሲ ዒ ታና ባይዜቴ!
 ዬይ ታኣሞ ደዲሢ ዒንጋንዳንቴኬ።
 10 ዓይዲ ማዕቴያ ደማዴ ጸኣዛሢኮ ቃኣሎ ታ ሃሺባኣሢር
 ዋዚ ታኣኮ ሜታሢ ሚርጌቴያ
 ዋዛና ታ ኮኣማንዳንቴኬ።
 11 ሼሞፔና ናንጋኒ ታና ማሃ ዓይኅ ደዲሞ ታኣኮ ዓኣይ?
 ሃጊ ማዓ ዋዛ ታኣኮ ባኣያ ማዕቴ ታ ዓይጋ ናንጋይ?
 12 ታኣኒ ሹቺጉዲ ደዳያዳ?
 ታኣኮ ዑፃኣ ሞኦና ዓንጊጉዲ ጨኢሊዳ?
 13 ታኣኒ ታና ማኣዳኒ ዋልቄ ታኣኮ ፔቴታፃ ባኣሴ፤
 ታኣኮ ዓኣ ዋልቃ ቢያ ዒውቴኔ።»
 14 «ፔ ላጋሢሞ ዓኣ ጉሙርቂንቲፃ ፓጪሳ ዓሲ
 ጸኣሲ ዒጊቹሞ ሃሼ ዓሲኬ።
 15 ታ ላኅንሢ ጋዓንቴ ዲጲ ዴንዴሰካፓ ሚጫያና
 ጉሙርሱዋኣ ዋሮጉዲ ጌጌሻያኬ።
 16 ዋሮይዳ ባርኅ ዋዶና
 ሻጫ ኩሊንታኔ።
 17 ጸኅያና ጋዓንቴ ዓልቂ ዴንዲ ባይቃኔ፤
 ዋራኣ ሚጪ ጉሪ ማዓኔ።
 18 ጫኣና ጫኣና ቆልሞ ዒሺ ዒሺ ጎይፃ ዓኣዳ ዓሳ
 ጎይፃፓ ኬሰኪ ዋኣፃ ኮይፃ ዓሳ ናንጉዋ ዳውሎ ጌሊ ዒኢካ
 ሃይቃኔ።
 19 ቲማ ዓጫፓ ሃንቲፃ ዴንዳ ዓሳ ዋኣሢ ኮዓኔ፤
 ሳኣባ ዓጮኮ ኮርሞ ኮርማ ዓሳኣ ዋኣሢ ዴንቃኒ ሃጋኣ ዋዛ
 ጌሣኔ።
 20 ዒያታ ጉሙርቂ ዋራ ሚጪ ጴዳዛ ሃጋኣ ዋዛ ዒያታ ቲቃኔ፤
 ዒኢካ ቤዞ ሄላፃ ዒያታ ዳዳጋዳኔ።

- 21 ዒንሢ ሃሢ ታኣም ዩንሢ ሚጩ ዋሮንሢጉዲኬ፤
ታና ሄሌ ሜታሢ ዛጊ ዒጊቹሞና ጊንሢም ዒንሢ ደጩኤ።
- 22 ዒዛታ ሃያ፥ ዩያ ታኣም ዒንጉዋቲ፤
ሃሢ ጊንሢ ዒንሢኮ ቆሎና ታና ዓውሱዋቲ ታ ዒንሢ ጌይያ?
- 23 ታ ሞርኮ ኩጫፓ ታና ዓውሱዋቲ፤
ታና ሄርቂ ዋይሢ ዓሶ ኩጫፓኣ ታና ዓውሱዋቲ ታ ዒንሢ
ጌይያ?»
- 24 «ዒንሢ ታና ዔርዙዋቲ፥ ታ ዚቲ ጋዓንዳኔ፤
ዳቢንቶዋ ታኣኮ ታኣም ኬኤዙዋቲ።
- 25 ጎኔ ሃይሴ ጫንቹታቲያ ዔውታያኬ፤
ዒንሢኮ ቦሂያ ጌኤዛ ጋዓንቲ ፔቲታ? ፓሡዋያኬ።
- 26 ዒንሢ ታ ጌኤዛ ዛጋሢ ጉሪ ዠባሬ ማሂኬ፤
ሂንዳ ታና፥ ሃጋኣ ዋዛ ቲቄሢም ዓይጎ ማሂ ዒንሢ ኬኤዛ፤
ኮዓይ?
- 27 ዜኤሮ ናኣቶይዳ ዒፃ ዒንሢ ዓጋኔ፤
ዒንሢኮ ላጎ ዒንሢ ሻንቻኒ ሻንቻንዶ ባኮ ዛሎ ማርማኔ!
- 28 ሃዳራቲ ታኣኮ ዓኣፖ ካሮ ዛጉዋቲ፤
ዒንሢ ቤርታ ታ ሉኡቃ?
- 29 ዳቢንቲ ዒንሢኮ ማዑዋጉዲ ሃሹዋቲ፤
ሃሢ ሃሹዋቲ፤ ታኣኒ ፒዜኬ።
- 30 ጎኔና ታ ዒንዲርዛ ዳቢንቲ ዓኣ?
ታ ዳንጋ ጌና ማሊያ ዲማሲ ዔራኒ ዳንዳዑዋኣዓዳ?»

7

- 1 «ዓሲኮ ናንጊ ሳያይዳ ደዲ ማሹምቦቱዋኣዓዳ?
ኬላ ዔያቶኮ ማዶ ማዶም ዓጊኒና ጨጎ ኬሎ ጉዲቱዋኣዓዳ?
- 2 ዔያታ ሺቢ ዴንካ ሃውሻኒ ኮዓ ማዶ ማዳ ዓሲና
ማዶሢ ዛሎ ጨጎ ሚኢሾ ዔካኒ ካፓ ማዳዘንሢጉዲ
ቱዋኣዓዳ?
- 3 ታኣኒ ላቤ ዓጊና ታና ማኣዲዋኣያ ማዔኔ፤
ታኣኮ ሜታሢ ዒባኖንሢ ታኣም ዋኣዪሢ ዋንታ ማዔኔ።
- 4 ታኣኒ ላሃ ዋዶና
ዓይዶ ካሬም ታ ዔቃንዳይ ጋዓኔ፤
ጋዓንቲ ዋንታ ታኣም ያዶቃኔ፤
ካራንዳያ ሄላንዳኣና ጉሪ ሺሪ ሺሪ ታ ላሃኤ።
- 5 ዑፃ ታኣኮ ቢያ ዛኣሌ ኩሜኔ፤

- ዓሽካ ታኣኮ ጎኔጌ ዒልዒ ሌሊ ማዔኔ፤
 ዲኡቂያእ ገኢሽኬኔ።
- 6 ታኣኮ ናንጎ ሌዓ ሃርፖኮ ሞኮኬይዳፓ ባሽ ሩኡራኔ፤
 ፔቴታዖ ሃጊ ማዓንዳ ዋዛ ባኣያ ማዒ ጋፒንዖ ሄላኔ።
- 7 ዖኦሲዮ! ታኣኮ ሼምፓሢ ዑኡሲ ዔኪሢፓ ቃሚቄሢ ማሌ፤
 ሃካፓ ሴካ ፔቴታዖ ኮሺ ባኣዚ ታ ዛጋዓኬ።»
- 8 «ሃሢ ታና ዛጋሢ ለሚ ዛጋዓኬ፤
 ኮዔቴያ ዒ ታና ዴንቃኒ ዳንዳዑዋሴ።
- 9 ሻኣሬ ላኣለንቲ ባይቃሢ፡ዲ
 ሃይቄ ዲኡኪንታ ዓሲ ማዒ ገንሣ ሙኩዋሴ፤
- 10 ገንሣ ሃሣ ፔ ማኣሪያ ማዑዋሴ፤
 ዒዛ ዔራ ዓሳኣ ሲያ ዒዛ ዋላኔ።
- 11 ማይ ሃካፓ ሴካ ታኣኒ ዚቲ ጋዓዓኬ!
 ታኣኮ ዓያኖ ዋኣዪዖይዳፓ ዔቄያና ታ ኬኤዛኔ፤
 ሼምፓሢ ታኣኮ ሜታዴሢሮ ታ ጉንዳማኔ።»
- 12 «ሃያይዲ ኔ ታና ካፖ ዓሲ ማዓንዳጉዲ ማሄሢ
 ታኣኒ ባዚዳ? ሃሣ ባዛ ናንጋ ዴኤፖ ቦዖዳ?
- 13 ታኣኮ ሻኣላ ታና ዶዲሻኔ፤
 ታኣኮ ላሆ ቤዛኣ ሃርጋሢ ዳንዳዒሳኔ፤
 ጌይ ታ ማሌኔ።
- 14 ኔኤኒ ጋዓንቲ ዓውቲና ታና ዒጊቻኔ፤
 ባልባቲሢናኣ ኔ ታና ዲቃሣኔ።
- 15 ሃያ ዋኣዪዖ ዲቤ ዑዖ ኬዲ ሃንቲፃፓ
 ሱዲንቲ ታ ሃይቃኒ ኮዓኔ።
- 16 ሃጊ ማዓ ዋዛ ታ ቲቄኔ፤ ናንጋኒያ ታ ኮዑዋሴ፤
 ታኣኮ ናንጎ ዋዳ ቃሚሢታሢሮ ታና ሃሺ።»
- 17 «ሃኣዲኬ ኔ ጋዓኒና
 ዔያቶ ዛሎ ኔ ማላንዳጉዲ ዓሲ ዓይጎ ባኣዚዳይ?
- 18 ጉቴ ጉቴ ኔ ዔያቶ ማሂ ዛጋንዳጉዲ
 ሃሣ ቢያ ዋዴ ዋይታቴያ ዛጋንዳጉዲ ዓሲንሢ ዓይጎ
 ባኣዚዳይ?
- 19 ጩጮ ታ ዔኤዳንዳኣናታዖ
 ዳካ ዋዴ ኔ ታና ሃሹዋዓዳ?
- 20 ኔኤኒ ዓሲ ሙሪ ዛጋ ዖኦዛሢዮ።

ታኣኒ ጎሜ ማዳሢሮ ኔኤም ዓይጌ ፑርቴይ?
 ታጊዳ ኔ ቲፕ ጌይ ዓይጋ ዓቄይ?
 ያዲ ማዓንዳኣና ታ ኔኤም ኬዲ ማዒያ?
 21 ጎሞ ኔ ታኣኮ ፔቴታፖ ዓቶም ጎውዋዓዳ?
 ታ ማዳ ዳቢንቶ ኔ ታኣኮ ባይዙዋዓዳ?
 ዲኡኪንቲፃ ታኣኮ ሄሌኔ፤
 ሃካፓ ሴካ ኔ ታና ኮዔያታቴያ ታ ጴዳዓኬ።»

8

ቢልዳዴ

- 1 ሹሃ ዓጮ ዓሢ፥ ቢልዳዴ ሂዚ ጌይ ማሄኔ፡-
- 2 ኔኤኮ ዒንዲርዛፓ ኬሰካ ሃይሳ ዓልጎ ዠባሬጉዲኬ፤
 ዋማ ሄላንዳኣና ዩማይዲ ኔ ጌሰታንዳይ?
- 3 ፆኦሲ ፔቴታፖ ዋጌ ዋቢሱዋሴ፤
 ቢያሢ ዳንዳዓ ጎዳሢ ቢያ ዋዴ ፒዜ ባኣዚ ማዳኔ።
- 4 ናኣታ ኔኤኮ ፆኦሲም ዳቤያ ማዒቴ
 ዔያታ ዔያቶም ኮይሳ ሜቶ ዔኬኔ ጌይሢኬ።
- 5 ጋዓንቴ ፆኦሲ ባንሢ ኔ ማዒቴ
 ቢያ ባኮ ዳንዳዓ ጎዳ ኔ ሺኢቄቴ
- 6 ፒዜ ሃሣ ኔ ጌኤሺ ማዒቴ
 ዒዚ ዑኬና ኔና
 ኔኤም ኮይሳ ቤዞ ጊንሣ ማሃንዳኔ።
- 7 ዓይፃ ኔኤኮ ዳካ ማሊ ጴዳቴያ
 ሴካ ቤርታኣ ናንጋ ኔኤኮ ዑሣ ዓኣዴ ማዓንዳኔ።
- 8 «ሂንዳ ቤርታኣ ሾይንቶ ፆኦጮ፤
 ሃሣ ቤርታኣ ዓደንሢ ማዴ ጎይፆዋ ዛጌ።
- 9 ሌዓ ኦኡኮ ሃጊ ዳካታሢሮ ፔቴ ባኣዚታዎ ኦ ዔሩዋሴ፤
 ናንጎ ሌዓ ኦኡኮ ሺቢጉዲ ቤዛፓ ዴንዳያኬ።
- 10 ዔያታ ኔኤም ዔርዛሢና ኬኤዛሢ
 ዔያታ ማሊ ጴቂሢሢፓ ዔኪቱዋዓዳ?
- 11 ጎኔና ጫሬ ማዒባኣ ቤሲዳ ማጫሬ ኬሰካ?
 ዋኣሢባኣ ቤሲዳ ሃሣ ፒሌ ኬሰኪ ዑጋ?
- 12 ያዲ ማዒባኣቶ ዑጊ ጰሺንታንዳሢኮ ቤርታ
 ሜሌ ባቃላ ባኮፓ ቢያ ቤርታዲ ሜላኔ።
- 13 ፆኦሲ ዋላ ዓሲኮ ቢያ ጋፒንፃ ዓማጉዲኬ፤
 ሃሣ ፆኦሲ ባኣሴ ጋዓ ዓሶኮ ሃጊ ማዓ ዋዛ ቲቂንታኔ።

- 14 ዒያታ ሻንጌ ፓቲሌጉዲ ዱጳ ባኣዚና ጉሙርቂንታኔ፤
ሃሃ ማዓ ዋዛ ዒያታ ጌሣ ባኣዚ ዓኣታቴያ ቤዘና ባይቃኔ።
- 15 ሻንጎ ፓቲሎይዳ ዒያታ ጌኤቂንቴቴ ዶዲ ዒያታ ዒቃዓኬ፤
ዬያ ሻንጎ ፓቲሎ ዒያታ ዓርቄቴ ዱዱጳንዳኔ።»
- 16 «ሆኦሪ ዓቢና ኬሰኪ ጎሺዳ ዲባሣጉዲ
ፑርታ ዓሲ ዒማዲ ሚርጋኔ።
- 17 ፃጳ ዒያቶኮ ኬኤላ ሹቺ ዑሰካ ማርታኔ፤
ሃሣ ዴኤፖ ሹጮ ዑፃኣ ዓዓርቂንታኔ።
- 18 ፔቴ ዓሲ ዓኣ ቤዛፓ ዒያቶ ቱጌቴ
ቤርታ ዓኣ ቤዛ ዒያቶኮ ዒርቱዋሴ።
- 19 ጎሞ ዓሶኮ ዋዛ ያዲ ማዓኔ፤
ሜሌ ዓሲ ዒያቶ ቤዘ ዒካኔ።»
- 20 «ፆኦሲ ኮዢ ዓሶ ኬኤራዋሴ፤
ሃሣ ፑርቶ ዓሶዋ ማኣዲዋሴ።
- 21 ዬያር ኔኤኒያ ዋዛና ሚኢጫንዳጉዲና
ዒላሻንዳጉዲያኣ ኔና ማሃንዳኔ።
- 22 ኔና ዒፃ ዓሳ ጋዓንቴ ቦርሲንታንዳኔ፤
ፑርቶ ዓሶኮዋ ማኣራ ባይቃንዳኔ።»

9

ዒዮቤ

- 1 ዒዮቤ ሂዚ ጌዒ ማሄኔ፡-
- 2 «ሂዮ! ዬይ ቢያ ጎኔታሢ ታ ዒራኔ፤
ጋዓንቴ ዓሲ ፆኦሲ ቤርቲዳ
ዋይቲ ጌኤሺ ማዓኒ ዳንዳዓይ?
- 3 ዒዛና ዋላ ማርማኒ ዳንዳዓሢ ያናዳይ?
ዒዚ ፔቴ ሺያ ፆኦጪሢ ፆኦጪቶ
ዒንሢዳፓ ፔቴማታዎ ማሃኒ ዳንዳዓ ዓሲ ባኣሴ።
- 4 ፆኦሲ ዔር፡ ሃሣ ዋለቄና ዓኣያኬ፤
ያናዳይ ዒዛ ቃዛኒ ጌይ ባሺንቲባኣይ?
- 5 ዒርቲባኣንቴ ዱኮ ዒ ዓዓጊሣኔ፤
ፔኤኮ ዳጎና ዒ ዶይሳኔ።
- 6 ፆኦሲ ሳዖ ዓኣ ቤዛፓ ጎቃይሳኔ፤
ሃሣ ሳዖኮ ቱርቱርዋ ዒ ሪቂንሣኔ።
- 7 ዓባ ያርቁዋጉዲ ዒ ማሃኒ ዳንዳዓኔ፤

- ዠኦጋሢያ ፖዑዋጉዲ ዒ ማሃኔ።
 8 ያኦኒያ ዒዛ ማኣዲዋንቴ ጫሪንጮ ዒ ቡሊ ዳሬኔ፤
 ዒዚ ባዘ ጉዳሢ ዓሃንታኔ።
 9 ዛኦፖንታ ፑንጫሮንታ
 ዩያጉዲ ሃንጎ ዠኦጎዋ ቢያ
 ቡኪሲ ጫሪንጫ ጌሄሢ ዒዛ ያኦሲኬ።
 10 ዒ ማዳ ዲቃሢ ሄርሺሳ ባኮ
 ኮሺ ማሂ ዛጊ ኑ ጳቂሢኒ ዳንዳዑዋሴ፤
 ፔ ዋልቆና ዒ ማዲ ኩንሣ ዓኮ ባኮ
 ኑ ፓይዳኒ ዳንዳዑዋሴ።»
- 11 «ያኦሲ ታ ኮይሌና ዓኣዳቴ ታ ዒዛ ዴንቃዓኬ፤
 ዒ ታ ባንሢ ዑኬቴያ ዒዛ ማዔሢ ታ ዴማሲ ዒሪንዱዋሴ፤
 12 ዒ ኮዔ ባኣዚ ዔኬቴ ያኦኒያ ዒዛ ላኣጉዋሴ፤
 ሂያ ኔ ዓይጋ ሂዳይ፡፡ ጌይ
 ጫርቂ ዒዛ ያኦጫይ ባኣሴ።
 13 ያኦሲ ዳጋዴቶ ማዑዋሴ፤
 ሬዓቤ ጌይንታ ባዘ ቦያ ማኣዳ ቦዓታ?
 ዒዛኮ ቶኮ ዴማ ጉምዓታኔ።
 14 ዓካሪ ታ ዒዛም ማሂ ኬኤዛኒ ዋዲ ዳንዳዓንዳይ?
 ዒዛና ዋላ ማርማኒ ዓይጎ ዑኡሲ ታ ዴንቃንዳይ?
 15 ጌኤሺ ማዒ ታ ጴዳቴታ?
 ዋጎ ዋጋ ጎዳሢ ታና ማኣራንዳጉዲ
 ታ ዒዛ ሺኢቃንዳፓዓቴም
 ማሂ ታ ዒዛም ኬኤዛኒ ጫርቂዋሴ።
 16 ዒዛኮ ሱንያ ታ ዒኤሌም ማሂ ታኣም ዒ ኬኤዜቴታ?
 ጌኤዛ ታኣኮ ዒ ዋይዛንዳኔ ጌይ ታ ጉሙርቂዋሴ።
 17 ዓልጎ ዠባሮና ታና ዒ ሜንሣኔ፤
 ታ ዋኦቴ ባኣዚ ባኣንቴ ኪያ ታኣኮ ዒ ዳልጊሻኔ።
 18 ዑኡሲ ዔኮምታ? ዳካ ታኣም ቤሲ ዒንጉዋሴ፤
 ሺምፓሢ ታኣኮ ሜቶና ዒ ኩንሣኔ።
 19 ታኣኮ ዓኣ ዋልቆና ማሹምቦ ታ ዒዛ ዓርቆም ጎዑዋጉዲ
 ዋልቆና ዒዛ ዓርቂ ቃዛይ ባኣሴ፤
 ሞኦቴ ታ ዒዛ ላሣንዳኔ ጎዑዋጉዲ
 ዋጎ ዓሶ ቤርቶ ዒዛ ሺኢሻኒ ዳንዳዓ ዓሲ ባኣሴ።
 20 ታኣኒ ጌኤሺ ሃሣ ጎኔ ዓሲኬ፤

- ጋዓንቴ ጌኤዛ ታኣኮ ታና ዳቢንቴያ ማሃኔ፤
 ታ ጋዓ ባካ ቢያ ታ ዑፃ ዋጋኔ።
 21 ዋዚ ታ ዒሎታቴያ
 ታ ዛሎ ታ ማሎዋሴ፤
 ታ ሼምፓሢያ ታኣኒ ሻኣኪንታኔ።
 22 ያኦሲ ዒላሢንታ ዳቢንቴሢንታ ዋላ ባይዛሢሮ
 <ፔቴታያ ዲሙሞ ባኣሴ>
 ታ ጌዔሢ ዩያርኬ።
 23 ዓሲ ፔቴ ባኣዚና ቤዛ ሃይቄቴ
 ያኦሲ ዩያ ጌኤዡ ዓሢኮ ሜቶ ሚኢጨ ዓዓማላኔ።
 24 ሳዓ ፑርቶ ዓሶ ኩጫ ዓኣሢ ዒንጊንታዛ
 ዒዚ ዋጎ ዋጋ ዓሶኮ ዓኣፖ ካንቃኔ፤
 ዓካሪ ዩያ ቢያ ማዴሢ ያኦሲቱዋቴ
 ሃንጎ ያናዳይ?»
 25 «ታኣኮ ናንጎ ሌዓ ጳሽካ ዓሲዳፓ ባሼ ሩኡራኔ፤
 ፔቴታያ ዋዛ ታ ዴንቁዋንቴ ዓኣዳኔ።
 26 ዒያታ ማጫሬና ኮሺንቴ ዋኣያና ፒንቆ ጎንጎጉዲ ጳሽካኔ፤
 ሃሣ ዓርቂ ዔካ ኮኣኬጉዲያኣ ሩኡራኔ።
 27 ታ ሜታሢ ኬኤዚ ሺሪያ ታ ዋሎሞ
 ዓኣፖ ካሮዋ ታኣኒ ቱኪያ ሃሺ ሙስታንዳኔ ጋዓዛ፤
 28 ያኦሲ ጌኤሺ ማሂ ታና ፓይዲንዲዋሢ ታ ዔራሢሮ
 ሜቶና ዋኣዪሢና ታና ሄላንዳኔ ጌይ ታ ዒጊጫኔ።
 29 ዓካሪ ዳቢንቴያ ማዒ ታ ፓይዲንቴቴ
 ጉሪ ታኣኮ ላቢፃ ዓይጎሮዳይ?
 30 ዑያ ታኣኮ ታ ሳኣሙናና ማስቴቴ
 ኩጮዋ ታኣኮ ታ ያንዶዴና ጌኤሼቴ፤
 31 ዩይ ቢያ ማዲንቴቴያ
 ኔ ታና ዔኪ ቶርጶይዳ ኬኤራኔ፤
 ታኣኮ ማኣዓሢታያ ታና ሻኣኪንታኔ።
 32 ዒዚ ታጉዲ ዓሲቱዋኣሢሮ
 ዋጎ ዋጋ ዓሶ ኮይላ ኑ ዋላ ዴንዲ
 ሞኦቶሞ ታ ዒዛ ጋዒ ዳንዳዑዋሴ።
 33-34 ታኣኮ ዙላፓ ያኦሲ ፔ ኮኦሎ ዔቂሳንዳጉዲና
 ዒዛኮ ዓውካራ ታና ዒጊቹዋጉዲ
 ፔኤኮ ኩጮ ኡና ላምዓሢ ዑፃ ጌሣ ሱኡጌ ጶዳቴ ዓይጎ!
 35 ታኣኒ ዓሳ ታና ማላ ጎይያጉዲ ማዒባኣሢሮ

ታ ዒዛ ዒጊጨዋዎ ኬኤዜያ ናንዳንቴኩ።»

10

- 1 «ናንጊ ታና ዒሠኔ፤
ታ ሃሢ ናንጋ ጫንጮ ናንጎ
ፔጌና ታ ዋይዚሲ ኬኤዛኔ።
- 2 ፆኦሲ ታ ሂዚ ጋዓንዳኔ፡-
ኔ ታና ዓርቄ ባካ ዓይጎናታቴያ
ፔጋሲ ታኦም ዳዳዋንዳፓዓቴም
ዳቢንቴያኬ ጌይ ዋዋጊፖ!
- 3 ሃያይዲ ኔ ዒዛ ሜታሳሢ ኮይሳያዳ?
ኔኤኒ ኔ ኩጮና ማዠ ዓሢ ቶኦቻኒ ኔኤም ኮይሳ?
ፑርቶ ዓሶኮ ጌኖ ማሊፃ ኔና ዋዛሳ?
- 4 ኔ ዓኣፓ ዓሲ ዓኣፒጉዲዳ?
ኔ ዛጋሢ ዓሲ ዛጋ ጎይሢዳ?
- 5 ኔ ኬላ ዓሲ ኬሊጉዴያዳ?
ሃሃ ለዓ ኔኤኮ ዓሲ ለዓጉዲ ቃሚሢዳ?
- 6 ታ ዳቢንቶ ኔ ዛጋሢ፡
ጎሞዋ ኔ ታኣኮ ኮጲሳሢ ዓይጎርዳይ?
- 7 ታኣኒ ዳቢንቲ ባኣያ ማዔሢና ኔ ኩጫፓኣ ታና
ፆኦኒያ ዳቂሻኒ ዳንዳዑዋኣሢ ኔ ዓራኔ።»
- 8 «ጨጊቹንታ ማሎንታ ዒንጊ ታና ኮሼሢ ኔ ኩጮኬ፤
ዓካሪ ሃሢ ዩንሢ ኔ ኩጮንሢ ጊንሢ ታና ሻሃንዳ?
- 9 ዓጨና ኮሾና ሜሄጉዲ ዓጨፓ ኔ ታና ኮሼሢ ማሌ፤
ሂደፆ ሃሢ ጊንሢ ኔ ታና ሲላሊ ማሂ ጋኣጫኒዳ?
- 10 ዓዳ ዲኣቂጉዲ ዋኣዲሲ
ሜቄ ዲኣቂ ጉዴያኣ ኔ ታና ሜቄሴ።
- 11 ዑፆ ኔ ታኣኮ ዒልዒና ዓሸኪና ማሂ ካንቄ፤
ሜጌሢና ሻሽና ማሂያ ካንሢ ኔ ኮሼ።
- 12 ሽምፔንታ ናንጊና ናንጋ ናሹሞዋ ኔ ታኦም ዒንጌ፤
ኔኤኮ ካፒፃኣ ዓያኖ ታኣኮ ደዲሼ።
- 13 ሃይሾ ዬያ ባኮ ኔ ዒና ኔ ዓኣቲ ዓርቄ፤
ኔኤኮ ማሊፃ ዬያ ማዔሢ ታ ዓሬ።
- 14 ዳቢንቲ ታ ማዳቴ ኔ ታና ዛዛጋ፤
ታኣኮ ጎሞሮዋ ኔ ፑርታና ዋጉዋዎ ሃሻዓኬ።
- 15 ጎሜ ታ ማዳቴ ቤዞና ሜቶይዳ ታ ሎኦማ፤

- ኮሺ ባአዚ ታ ማዳቴያ ታ ጋላቴንቴዋሴ፤
 ኮሺ ታአኒ ሜታዳሞ
 ቦርሲንቴ ታና ሄሌኔ።
- 16 ዒና ታአኮ ጊንሣ ደዴያ ማዔቴ
 ዘቢጉዲ ኔ ታና ኬሚ ዓርቃኔ፤
 ታና ባይዛኒ ኔ ዋልቆና ማዲንታ ዓኮ ባኮ
 ላሚ ላሚ ኔ ማዳኔ።
- 17 ታ ጊዳ ማርካዳንዳ ዓሲ
 ቢያ ዋዴና ኔ ዴንቃኔ፤
 ታ ጊዳ ኔ ዳጋዳ ዳጋ
 ቃሲንቴ ቃሲንቴ ዓአዳኔ፤
 ኔ ታና ያላኒ ቢያ ኬሊ ዓኪ ዓኪ ማሊሢ
 ያልዚ ዓሲጉዲ ኔ ዳካኔ።»
- 18 «ያኦሲዮ! ዓይጋ ኔ ታአኒ ሾይንታንዳጉዲ ማሄይ?
 ያኦኒያ ታና ዛጊባአንቴ ታ ሃይቄያ ማዔቴ ኮሺታንቴኬ!
- 19 ማዢንቴ ባአፖ ታ ዓታአባሽ፤
 ዒንዶ ጎጃፓ ኬኬሰካፖ ዱኡፒ ባንሢ ታ ዔውቴቴ ቃራታያኬ።
- 20 ታ ናንጎ ዋዳ ቃሚሢቴዋዓዳ?
 ዬማ ቃሚያ ዋደማካ ዳካታዋ ታ ዋዛዳንዳጉዲ
 ሃዳራ ታና ሃሺቴራ!
- 21 ዬያ ኔ ሃሻንዳሢ ላሚ ታ ማዓኑዋ ቤዞ፥ ሃይቢ ሺቢና
 ሻኔያ ማዔ ዓጮ ታ ዴንዳንዳሢኮ ቤርታኬ።
- 22 ታ ዴንዳ ቤዛ ዳሚኮ ሺቢና ዣሎና ኩሜ ሳዓኬ፤
 ዬካ ዓአ ፖዓአ ዳሞጉዴያኬ።»

11

ያፓሬ

- 1 ናዕማታ ዓጮ ዓሢ ያፓሬ ሂዚ ጌዔኔ፡-
- 2 «ሃያ ቢያ ጉሪ ጌይንቴ ባኮኮ ማሂ ኬኤዛይ ባአዓዳ?
 ፔቴ ዓሲ ሃያጉዴ ጋፑዋ ባአዚ ጌሰቴሢና ፒዜ ማዓኒ ዳንዳዓ?
- 3 ዒዮቤ! ጉሪ ኔ ጌሰቴ ባኮኮ ማሂ ኔኤም ኬኤዞንዶ ባአዚ ባአያ
 ማላ?
 ሃያይዲ ኔ ቶኦቺ ጌሰታዛ ኔና ጎራንዳ ዓሲ ባአያ ኔኤም ማላ?
- 4 ኔኤኒ ኔ ማሊያና፡- ሕአኒ ፒዜኬ» ጋዓኔ፤
 ያኦሲማአ ኔኤኒ፡- ሕ ኔ ቤርታ ጌኤሺኬ» ጋዓኔ።
- 5 ያኦሲ ኔኤም ማሂ

- ፒዜ ማዕ ባኮ ኬኤዛቲ ዓይኅ!
- 6 ዓራቶኮ ጎይሢ ሚርጌታሢሮ
ዓራቶኮ ዓኣሺንቲ ባኮ ኔና ፆኦሲ ዓርዜቲ ዓይኅ!
ዓካሪ ፆኦሲ ኔና ሜቶይዳ ዓጌሢ
ኔኤም ኮይሳሢዳፓ ጳኪሲ ማዕሢ ዓሬ።»
- 7 «ፆኦሲ ዓኣቺ ዓርቄ ባኮ ኔ ዓራኒ ዳንዳዓ?
ቢያ ባኮ ዳንዳዓ ጎዳሢ ዋዚዒታቲያ
ማርማሪ ዓራኒ ኔ ዳንዳዓ?
- 8 ዒዛኮ ጴኤፑማ ጫሪንጮኮ ዑሣኬ፤
ኔ ዒዛ ዋዳኒ ዳንዳዓይ?
ሊካ ዓቱማ ዒዛኮ ደኡፖ ዓታፓ ዳማኬ፤ ኔ ዓይኅ ዓራይ?
- 9 ፆኦሲኮ ጴኤፑማ ሳፆይዳፓ ባሼ ፆድቃኔ፤
ጴኤፖ ባዞ ዋኣፃፓ ባሼ ዳልጋኔ።
- 10 ፆኦሲ ሙኪ ቱኬቲ
ዋኅ ዋጋ ዓሶ ቤርቶዋ ሺኢሺቲ
ፆ ዒዛ ላኣጋንዳይ?
- 11 ፆኦሲ ፓሡዋ ዓሶ ዓዔራኔ፤
ዳቢንቲ ዒ ዳንቄ ዋዶና ዚቲ ጌይ ዛጉዋሴ።
- 12 ዓኤያ ዓሲ ዓራ ማዓያይዳፓ
ኪርዋሌ ዓሲ ማዒ ሾይንታቲ ሸሌዓኬ።»
- 13 «ጋዓንቲ፥ ዒኖ ኔኤኮ ኔ ፒዜ ማሄቲ
ሃሣ ኩጮ ኔኤሲ ኔ ዓቂሲ ፆኦሲ ሺኢቄቲ
- 14 ጎሞ ኔጊዳፓ ኔ ሃኪሴቲ
ፑርታ ባኣዚያ ኔ ማኣራፓ ኔ ባይዜቲ
- 15 ዴማ ዋዶና ኔ ጴግ ጌዒ
ቦርሲንቲባኣያ ቢያ ባኣዚ ኔ ዛጋንዳኔ፤
ሃሣ ዒጊቺዋ ሞባኣያ ዶዲ ኔ ዓቃኒ ዳንዳዓኔ።
- 16 ሜቶ ኔኤኮ ኔ ቢያ ዋላንዳኔ፤
ኔ ማሊ ጳቂሃንዳሢ ኩሚ ዓኣዳ
ዲጲጉዲ ሌሊኬ።
- 17 ናንጋ ኔኤኮ ዓቢ ደኡሲ ፖዒፓ ባሼ ፖዓንዳኔ፤
ጴማ ጊንሣ ሃሣ ጉታኣ ፖዒጉዲ ማዓንዳኔ።
- 18 ሃጊ ማዓንዳ ዋዛ ኔኤኮ ዓኣሢሮ ጉሙርቄ ኔ ናንጋንዳኔ፤
ፆኦሲ ኔና ካፓያታሢሮ ሂርጋባኣያ ሃውሺ ኔ ናንጋንዳኔ።
- 19 ፆናኣ ዒጊጮቹዋፆ ኔ ላሃንዳኔ፤
ሚርጌ ዓሲ ኔ ቤርታ ቦንቺንቲ ዳንቃኒ ኮዓንዳኔ።

- 20 ፑርቶ ዓሶኮ ዓኣፓ ባይቃንዳኔ፤
 ዔያታ ቶላንዳ ጎይፃ ዔያቶኮ ቢያ ዲርቂንቴያ ማዓንዳኔ፤
 ዔያቶኮ ጋፒንፃኣ ሃይቢኬ።»

12

ዒዮቤ

- 1 ዩካፓ ዒዮቤ ሂዚ ጌይ ማሄኔ፡-
 2 «ጎኔኬ ዒንሢ ኮሺ ጨንጫኬ፤
 ዒንሢ ሃይቃኣና ዔራቶ ዒንሢና ዋላ ሃይቃያ ዒንሢም ማላኔ!
 3 ያዲ ማዔቴያ
 ታኣኮ ዒንሢጉዲ ማሊ ጳቂሣ ዒኔ ዓኣያኬ፤
 ፔቴታያ ዒንሢዳፓ ዓይጎናኣ ታ ዳኩዋያኬ፤
 ዒንሢ ኬኤዛ ባኮ ዓሲ ቢያ ዔራያኬ።
 4 ፆኦሲ ታኣኒ ዔኤሌም ማሂ ታኣም ዒ ኬኤዜ ዋዴ ዓኣኔ፤
 ሃሢ ታኣኒ ታ ላጎና ሚኢጨንታያ ማዔኔ፤
 ዳቢንቲ ባኣያ ታኣኒ ፒዜ ዓሲታያ ዓሲ ቢያኮ
 ዓማሎ ባኣዚ ታ ማዔኔ።
 5 ሜታ ሂሊባኣ ዓሲ ኮርካ
 ሜታዴ ዓሲኮ ሜቶ ቶኦቸሢ ሺሊዔኬ።
 ጋዓንቲ ሎኦማኒ ጋኣዲንታ ዓሢ ዒንሢ ሂሂዓኔ።
 6 ፔኤኮ ዋልቆ ፆኦሲ ማሂ ፓይዳ
 ዉዘንታ ፆኦሲ ሃሺ ዓሶንታታያ ኮሺና ናንጋኔ። »
 7 «ሂንዳ ቆልሞ ፆኦጩ ኔና ዔርዛንዳኔ፤
 ጫሪንጮ ካፖዋ ፆኦጩ ኔኤም ኬኤዛንዳኔ።
 8 ሳያም ኬኤዜ፥ ኔና ዔርዛንዳኔ፤
 ባዞ ሞላሢያ ኔኤም ኬኤዛንዳኔ።
 9 ዬያቶ ቢያሢፓ ናንጊና ናንጋ ጎዳኮ ኩጫ
 ዬያ ማዢሢ ዔራዋይ ፆናዳይ?
 10 ሺምፓ ዓኣ ማዢንታ ቢያ
 ሃሢ ፔቴ ፔቴ ዓሶኮዋ ሺምፓሢ
 ፆኦሲ ቢታንቶ ዴማኬ።
 11 ዒንዲርሲ ዓኣሢ ካሣ ዲማሲ ዔራሢጉዲ
 ዋይዚያኣ ዋዚ ጌይ ጌሰቲንቴቴ ዔሪ ዲማሳኔ።»
 12 «ዔራቶ ጋርቻቶና
 ማሊ ጳቂሥሢያ ሚርጌ ለዔ ናንጊሢፓ ጴዳኔ።
 13 ዔራቶና ዋልቂና ፆኦሲኮ ዓኣኔ፤
 ዘርና ማሊ ጳቂሥሢና ጴዳሢ ፆኦሲ ኮራፓኬ።

- 14 ጾኦሲ ሻሄሢ ጊንሣ ማሂ ኮሻኒ ጾኦኒያ ዳንዳዑዋሴ፤
ጾኦሲ ቱኬሢ ጾኦኒያ ቡላኒ ዳንዳዑዋሴ፤
- 15 ጾኦሲ ዒርዚ ላኦጌቱ ሳዓ ቦኦሪ ማላኔ፤
ዒር ዒ ላኦሊ ሃሼቱ ጋዓንቱ ዓጫ ዲጲና ባይቃኔ።
- 16 ጾኦሲ ዶዲ ሃሣ ጾልዚናኦ ባሻያኬ፤
ጌሺንታሢታቱያ ጌሻሢ
ለምዓሢ ዒዛ ቢታንቶ ይማከ።
- 17 ዒዚ ዘራ ዓሶ ዔራቶ ላኦጋኔ፤
ዴሮ ሱኡጎዋ ዔኤያ ማሃኔ።
- 18 ዒዚ ካኦቶ ካኦቱም ዓልጋፓ ኬይሳኔ፤
ጌልዲማ ሌሊ ቱከ፥ ቱኡሲ ዓሲ ዔያቶ ዒ ማሃኔ።
- 19 ቄኤሶ ቢታንታፓ ኬይሲ ዒ ዳውሳኔ፤
ቢታንታ ዓኦ ዓሶዋ ቢቲ ማዒያይዳፓ ኬይሳኔ።
- 20 ዔርቱ ጉሙርቁንታ ዓሶ ዚቲዳኔ፤
ጋርቾ ዓሶይዳፓኦ ማሊ ጳቂሣ ዒኖ ዔካኔ።
- 21 ጾሎ ዓሶ ዓይሣ ዓሶዋ ቦርሲሳኔ፤
ዋልቆ ዓሶኮዋ ዋልቆ ባይዛኔ።
- 22 ዲሚዳ ዓኦቹንቱ ባኮዋ ፔጋሳኔ፤
ሻኔ ዲሞዋ ፖዒ ባንሢ ላኦማኔ።
- 23 ካኦቶ ዋልቄ ዓኦያ፥ ዔርቱያ ማሃኔ፤
ጋዓንቱ ጊንሣ ዔያቶ ዒ ባሺ ባይዘኔ፤
ዴሮ ዒ ዲቢሻኔ፤ ዘርቂያኦ ባይዛኔ።
- 24 ሱኡጎኮ ማሊ ጳቂሣ፥ ፓጫንዳጉዲና
ጎይሢባኦ ዳውሎ ቦኦሎይዳ ዠኦሊ ሃንታንዳጉዲ ማሃኔ።
- 25 ፖዒ ባይዚ ዲሚዳ ዲቁንታንዳጉዲና
ማሢንቱ ዓሲጉዲ ጋኦዲንታንዳጉዲያኦ ዒ ማሃኔ።»

13

- 1 «ሃይሾ፤ ሃያ ቢያ ታኦኮ ዓኦፓ ዛጊናኦኮኬ፤
ዋያኦ ታኦኮ ዋይዚ ዒና ዔኬኔ።
- 2 ዒንሢ ዔራሢጉዲ ታኦኒያ ዔዔራኔ፤
ፔቱታፆ ታ ዒንሢዳፓ ዳካያቱዋሴ።
- 3 ጋዓንቱ ታኦኮ ጌኤዛ ዴኤፖ ጾኦዛሢኬ፤
ታ ዒዛና ማርማኔ።
- 4 ዒንሢ ጋዓንቱ ሉኡዙሞና ኩሜያኬ፤
ዒንሢ ዴኤሻ ዔራያታፆ
ጾናኦ ዓውሳኒ ዳንዳዑዋ ዓሲጉዲኬ።
- 5 ሃያይዳፓ ዚቲ ዒንሢ ጌዔያታቲ

ዒንሢ ዒራ ማዒ ጴዳንዳያታዎኬ!»

- 6 «ታኣኒ ማርማ ማርማሢ ዋይዙዋቲ፤
ታና ሄሌም ታኣኒ ሞኦታ ሞኦቶ ዚቲ ጌይ ዋይዙዋቲ።
- 7 ዓይጎሮ ዒንሢ ያኦሲ ሱንዖና ሉኡዙሞ ጌሰታይ?
ያኦሲ ጌሺሢና ዒንሢ ዒዛ ዋዛሳያ ማላ?
- 8 ሃንጎ ዒዛ ዛላ ዒንሢ ማዒ ማላ?
ዒዛኮ ታርዜ ማዒ ዒንሢ ዒቃ?
- 9 ዒዚ ዒንሢ ባኮ ዛጋያ ማዒ
ዒንሢዳፓ ፔቲ ባኣዚታዎ ኮሺ ዒ ዴንቃንዳኣሲንታኔ?
ዓሰ ዒንሢ ዒኤያሳሢጉዲ
ዒዛ ዒንሢ ዒኤያሳንዳያ ዒንሢም ማላ?
- 10 ዴማና ዓኣሺንቲ ዓሲ ዒንሢ ዴማሳያ ማዒ
ጎኔና ያኦሲ ዒንሢ ጎራንዳኔ።
- 11 ዒዛኮ ቦንቻ ዒንሢ ዒጊቹዋዓዳ?
ዒዛኮ ዴኤቹማ ዒንሢ ዲቃሁዋዓዳ?
- 12 ዒንሢ ኮኣኪንሦና ጌሰታ ጌኤዛ ፓሁዋያ ዲቢንሢጉዲኬ፤
ዒንሢኮ ማርማሢ ዓጨዳፓ ኮሾና ሜሄጉዲ ሃይቃያኬ።
- 13 ሂንዳ ዚቲ ጎዑዋቲ፤
ታኣኒያ ጌሰቶም ታኣም ቤሲ ጌሁዋቲ፤
ዬካፓ ማዒ ባኣዚ ማዖንጎ። »
- 14 «ታኣኒ ዓጮ ዳይ ሜታዲ ናንጋሢ ዓይጎሮዳዖ?
ታኣኮ ዬያይዲፃ ታሼምፓሢ ባይዚ ማዒ።
- 15 ያኦሲ ታና ዋዴያታቲያ
ዒዛ ጉሙርቂያ ታ ሃሻዓኬ፤
ያዲ ማዒቲያ ታ ዓኣ ጎይያዋ ዒዛም ኬኤዛንዳኔ።
- 16 ጎማና ዓኣ ዓሲ ያኦሲ ቤርቶ ሸኢካኒ ዳንዳዑዋኣሢሮ
ጎያንቲ ሃይ ታኣኮ ጫርሹማ ዳቂንታ ካራ ማዒ ዳንዳዓኔ።
- 17 ሂንዳ ታ ኬኤዛ ባኮ ዒና ዒኩዋቲ፤
ታ ሸኢሻ ማርካቶዋ ኮሺ ዋይዙዋቲ።
- 18 ጌኤዛ ታኣኮ ኮይሳ ጎይያ ዒኪ ታ ሸኢሸኔ፤
ታኣም ዋጊንታንዳሢያ ታ ጉሙርቃኔ።
- 19 ታና ዋጎና ዓይሢሳ ዓሲ ዓኣያ ማዒ
ታ ማርሙዋዖ ዚቲ ጌይ ሃይቃንዳኔ።
- 20 ያኦሲዮ! ኔ ቤርታፓ ታ ዓኣሸንቱዋጉዲ
ሃንሢ ለምዖ ባኮንሢ ታኣም ማዴ፤
- 21 ዬንሢያ፡- ኔኤኮ ሜታሳ ኩጮ ታጊዳፓ ዒቂቤ፤
ኔኤኮ ዒጊቻያ ማዒ ዴኤቹምና ታና ዲቃሢ።»

- 22 «የኦሲዮ! ቤርታዲ ኔ ኬኤዜ፤
 ታ ኔኤኒ ኬኤዜ ባኮኮ ማሂዖ ኬኤዛንዳኔ፤
 ሃንጎ ቤርታዲ ታ ኬኤዜም
 ኔኤኒ ታ ኬኤዜ ባኮኮ ማሂ ታኣም ኬኤዜ።
- 23 ታ ማዳ ዳቢንቶና ጎሞና ዎማጉዴያዳይ?
 ሂንዳ ታ ዳቢንቶና ጎሞና ታኣም ኬኤዜ።
- 24 ዓይጎሮ ታጊዳፓ ኔ ሃካይ?
 ሃሣ ዓይጎሮ ታና ኔኤኮ ሞርኬ ማሂ ኔ ዛጋይ?
- 25 ዠባሬ ዲኢኒሻ ዋላሺና ሜልዚ ጎቦናጉዲ
 ዓይጋ ዒጊቺ ኔ ታና ዳውሳይ?»
- 26 «ኔ ታ ዑፃ ዳቢንቲኬ ጌዒ ኮሺ ጫንቺ ባኣዚ ፃኣፔኔ፤
 ናይ ዓኣዖ ታ ዳቢንቲ ዳቢንቶታዖ ኔ ዓይሲባኣሴ፤
- 27 ቶኮ ኔ ታኣኮ ዲፃና ቱኬኔ፤
 ፔቲ ፔቲ ታ ሃንታ ሃንቲዖ ኔ ታኣኮ ፓይዳኔ፤
 ታ ሄርቄ ኮጲዞዋ ኔ ዛጋኔ።
- 28 ዬያሮ ታኣኒ ዎዔ ባኣዚ ማዒ ዓታኔ፤
 ቢላ ሙዔ ማኣዖጉዲያኣ ታኣኒ ባይቃኔ።»

14

- 1 «ዓሲኮ ናንጎ ሌዖማ ቃሚሂኬ፤
 ያዲታቲያ ሜታ ኩሜያኬ።
- 2 ቡኒጉዲ ጴዳዖ ቤዘማና ዲኢናኔ፤
 ሺቢጉዲ ሚርጌ ኔጉዋዖ ቤዛፓ ዑኬና ሺራኔ።
- 3 ዓካሪ ዬያጉዴ ዓሂ ኔ ኮጲሲ ሺራንዳያዳ?
 ኔ ቤርቶ ዎጌም ኔ ሺኢሻንዳያዳ?
- 4 ዒኢቲ ባኣዚፓ ጌኤሺ ባኣዚ ዴንቃኒ ዳንዳዓ
 ዓይጎ ዓሲያኣ ባኣሴ።
- 5 ዓሲኮ ናንጊ ሌዔ ዔርቲ ጌሂንቲያኬ፤
 ናንጋ ዓጊናኣ ኔ ቤርታ ፓይዲንቲያኬ፤
 ኔ ናንጋንዳጉዲ ጌሂማፓ ዑሣ ዓኣዳይ ባኣሴ።
- 6 ሚኢሸም ጌይ ማዳሂ ማዳ ኬሎ ጋፒሲ ሃውሻሂጉዲ
 ዓሲያ ፔኤኮ ላቢዖ ዎዶይዳ ዎዛዳንዳጉዲ ጊቢ ዳንዳዔ።»
- 7 «ቲቂንቲ ሚሂ ዲርሚኮታዖ
 ሃጋ ማዓንዳ ዎዛ ዓኣኔ፤

- ዎይቲ ጌዔቲ ላሚ ቶሻኒና
ካኣፒ ኬሳኒ ዳንዳዓሢርኬ።
- 8 ዎዚ ፃጳ ሳዖ ዴማ ጋርቹቲያ፤
ሃሃ ዱርማ ዓጮ ዴማ ዎዔቲያ
- 9 ሳዓ ዎዒ ዴንቄቲ ገንሣ ቶሻኒ፤
ሃጊ ቱቱኮና ሚሢጉዲ ካኣፒ ኬሳኒ።
- 10 ዓሲ ጋዓንቲ ሃይቃዖ ባኣያ ማዓኔ፤
ዒ ሃይቄሰካፓ ማይ ዓንካዳይ?»
- 11 «ዴዔ ዋኣሢ ሱኡሌና ዔቂ ጋፓሢጉዲ
ዎርዚ ዋኣሢያ ሚጫሢጉዲ
- 12 ዬያጉዲ ዓሲያኣ ሃይቄሰካፓ ገንሣ ማዑዋሴ፤
ጫሪንጫኣ ባይቃንዲያ ሄላንዳኣና ጴጤዋሴ፤
ገንዓሰካፓኣ ዔቁዋሴ።»
- 13 «ሄኤዶ ኔ ታና ዱኡፓ ዓኣቼያታቶ!
ዳጋ ኔኤኮ ጋፓንዲያ ሄላንዳኣና ኔ ታና ዓኣቼያታቶ!
ኬሊ ኔ ታኣሞ ሜንሢ ማሌያታቲ ዓይኅ!
- 14 ዓሲ ሃይቄሰካፓ ገንሣ
ሹምፔና ናንጋኒ ዳንዳዓ?
ገንሣ ታና ዓካሲ ኮሾንዶ ዎዳ ሄላንዳኣና
ሃያ ታኣኮ ማሹምባሢ ናንኅኮ ጋፒንዖ
ጊቢ ታ ካፓንዳኔ።
- 15 ዬና ዎዶና ኔ ታና ዔኤላንዳኔ፤
ታኣኒያ ኔኤም ዬሃንዳኔ፤
ኔኤኮ ማዢንቲ ማዔሢ፥ ታና ኔ ዛጋኒ ጳቂሣንዳኔ።
- 16 ሃሢ ኔ ታኣኮ ሃንቲዖ ቢያ ዛጋኔ፤
ጋዓንቲ ጎሞ ኔ ታኣኮ ዓርቁዋሴ።»
- 17 «ዔኤቢ ጋርካ ቱከንቲ ኬኤሪንታ ቡኡራጉዲ
ዳቢንቶ ቢያ ታኣኮ ኔ ሺኣሻንዳኔ፤
ጎሞዋ ታኣኮ ኔ ባይዛንዳኔ።
- 18 ሃና ዓጮይዳ ጋዓንቲ
ዱኬ ዱኢሞ ደዓሢጉዲ
ዴኤፖ ሹጫ ቤዛፓ ቡምባላሢጉዲ
- 19 ዋኣሢ ሹቺ ቦኣኪ ቦኣኪ ኩርሳሢጉዲ፤
ሃሃ ዴኤፒ ዒርዚያ ሳዖ ዛራሢጉዲ
ኔኤኒያ ላቤ ዓሲኮ ዬያጉዲ ሃጊ ማዓንዳ ዎዘ ባይዛኔ።
- 20 ኔኤኮ ዎልቃ ናንጊና ዒዛይዳ ዶዳኔ፤
ዒዚያ ባኣያ ማዓኔ፤

- ዒዛኮ ማላሢ ኔ ላኦሚ ኔ ቤርታፓ ባይዛኔ።
 21 ዒዛኮ ናኦታ ቦንቾ ዴንቁቴያ ዒ ዒሩዋሴ፤
 ዒያታ ዳውሲንቴቴያ ዒ ዴንቁዋሴ።
 22 ዒዛሞ ዒዛ ዑያ ሜታሢ ዒርታኔ፤
 ዒዚ ፔ ቶኦኮ ሜታሢሮ ሌሊ ዬኤካኔ።»

ለምዓሲ ጌሰቲንቴ ጌኤዛ

15

(15:1—21:34)

ዒልፓዜ

- 1 ቲሜና ዓጮ ዓሢ፥ ዒልፓዜ ሂዚ ጌይ ማሄኔ፡-
 2 «ሂንዳ ማሌ፤ ዒራ ዓሲ
 ዠባሪጉዲ ዓርቁንቱዋ ባኣዚ ጌሰታ?
 ባባ ኬሰካ ባንያ ዠባሪጉዲ ጉሪ ማሊሢ ዓኣያ ማዓኒ ኮይሳ?
 3 ዒራ ዓሲ ዒኤቢ ፓሠዋ ጌኤሲና
 ማኣዳ ባኣዚባኣ ሃይሴና ማርሚ ሺራ?
 4 ሂዳያ ማዔቴ ያኦሲ ዒጊቹሞ ኔኤኒ ሃሼኔ ጌይሢኬ፤
 ሃሣ ሚሌ ዓሶዋ ያኦሲ ካኣሽኩዋጉዲ ኔ ማሃያኬ።
 5 ኔ ዳቢንቴያ ማዔሢ ኔኤኮ ጌኤዛፓ ዒርታኔ፤
 ጋዓንቴ ጨንጨሞ ሃይሴና ዬያ ዓኣቹ ካንቃኒ ኔ ማላኔ።
 6 ኔ ጊዳ ዋጋሢ ኔ ዒንዲርዘ ማዓንዲፓዓቴሞ ታናቱዋሴ፤
 ኔ ጌኤዛ ኔና ፔጋሲ ዒርዛኔ። »
 7 «ዓሲኮ ቤርታ ሾይንቴሢ ኔናዳ?
 ዱካ ማዠንታንዳሢኮዋ ቤርታ ኔ ሾይንቲናኣኮዳ?
 8 ያኦሲኮ ዓኣሺንቴ ባኮ ኔ ዋይዚናኣኮዳ?
 ዓሲ ዒራ ባኣዚ ቢያ ዒራሢ
 ኔና ሌሊ ኔኤሞ ማላ?
 9 ኦ ዒራሢዳፓ ዱማ ኔ ዒራ ባካ ዓይጎዳይ?
 ኦጊዳፓ ዓኣሺንቴ ኔኤሞ ፔጋዴ ዓይጎ ዒራቶ ዓኣይ?
 10 ሾይንቶና ኔ ዓደይዳፓ ባሻያ
 ቶኦካ ቡኡቄ ጋርቻ
 ማሊያና ኦኡና ዋላኬ።»
 11 «ኦ ዛሎና ኔኤሞ ኬኤዚንታ
 ያኦሲዳፓ ኔኤሞ ዒንጊንታ ዶዳማ ኔኤሞ ጊዳዓዳ?
 12 ዒና ኔኤኮ ሚሌ ቤሲ ዓይጋ ዓኣዳይ?
 ሃሣ ኔ ጎሪንቴ ዓይጋ ዓኣፖ ኔኤኮ ኬሳይ?

- 13 ጾኦሲ ዑፃ ኔ ዳጋዳንዳጉዲ
ሃያጉዴ ባኣዚ ኔ ዳንጋፓ ኬሰካንዳጉዲ
ኔና ማሄሢ ዓይጌንዴዳይ?»
- 14 «ዓሲ ጌኤሺ ማዓኒ ዳንዳዓ?
ዓሲ ሸዔ ዓሲያኣ ፃሎ ማዓኒ ዳንዳዓ?
- 15 ጾኦሲ ፔኤኮ ከኢታንቸታፖ ጉሙርቁዋሴ፤
ጫሪንጫታፖ ዒዛ ቤርታ ጌኤሺቱዋሴ፤
- 16 ዓካሪ ፑርቱሞ ዋኣሢጉዲ ዑሽካያ
ዒሣያና ዒኢቱ ዓሲ
ዋዲ ጉሙርቁንታንዳይ?»
- 17 «ዒዮቤ! ሂንዳ ዋይዜ ታ ኔኤም ኬኤዛንዳኔ፤
ታኣኒ ዔራ ባኮ ቢያ ኔና ዔርዛንዳኔ።
- 18 ዔሮ ዓሳ ፔ ዓዶንሢዳፓ ዔኬሢ
ዓኣቹዋፖ ዔያታ ታኣም ኬኤዜ ባኮ ታ ኔኤም ኬኤዛኔ።
- 19 ዓጩላ ዔያቶም ሌሊ ዒንጊንቴኔ፤
ሜሌ ዓጪ ዓሲ ዔያቶ ባኣካ ዔያቶና ዋላ ሲኢሪንቴባኣሴ።»
- 20 «ዓሲ ሄርቁ ዋይሢ ናንጌ ፑርታ ዓሲ
ዒ ዓኣ ዋዶማና ሜታ ዒዛይዳፓ ሸኢኩዋሴ፤
- 21 ዒዛኮ ዋዮይዳ ዲቃሢ ሃይሴ ቢያ ዋዴ ዋይዚንታኔ፤
ታ ኮሺ ናንጋኔ» ጌዒ ማላ ዋዶና ሱላ ዒዛይዳ ሜቶ ዓጋኔ።
- 22 ጩንቸ ዓፓሮና ዋዳ ዓሳ ዒዛ ካፓሢሮ
ዲማፓ ቶላኒ ሃጊ ማዓ ዋዛ ዒዛኮ ባኣሴ።
- 23 ዒዛኮ ዓሽካ ሃሞፑራሢኮ ሙኡዚ ማዓኔ፤
ዬይ ዓሢ ዲማ ዒዛሞ ዑኬሢ ዔራኔ።
- 24 ማሊ ሜታዲሢና ያዪሢና ዒዛ ዒጊቻኔ፤
ያላኒ ጊኢጌ ካኣቶጉዲ ዒዛይዳ ዔያታ ዋልቃዳኔ።»
- 25 «ዋይቲ ጌዔቱ ዬይ ዓሢ ጾኦሲዳ ሻሎ ፔኤኮ ዳዌኔ፤
ቢያ ባኮ ዳንዳዓ ጎዳሢ ዒ ሄርቄኔ።
- 26 ዓንዲሪና ዶዲ ጊቲማ ዓርቁ
ጾኦሲ ቃዛኒ ዒ ኬሰኬኔ።
- 27 ዓኣፖ ካራ ዒዛኮ ሃኣቤና ካንቁንቴኔ፤
ኬርና ዒዛኮ ዓንዲርሙሞና ሙሊንቴኔ።»

- 28 «ዬይ ዓሢ ናንጋ ካታማ
 ያልዚና ሻሂንታንዳኔ፤
 ዒ ናንጋ ማእራኣ ባዓ ማዓኔ።
- 29 ያርጎቹሞና ዒ ሚርጌ ዎዴ ናንጋዓኬ፤
 ቆላ ዒዛኮ ዒዛና ዎላ ኔጋዓኬ፤
 ዒዛኮ ዓኣ ባካ ሳያይዳ ዳልጋዓኬ።
- 30 ዲሚዳፓ ዒ ቶላኒ ዳንዳዑዋሴ፤
 ካኣፓ ታሚና ሚጨያ፤
 ያኦሲኮ ዑኡዛኣ ዒዛ ገልፒ ባይዜያ ማዓንዳኔ።
- 31 ጉሪ ባኣዚ ጉሙርቂ ፔና ጌሾፓ፤
 ዬያይዲያና ዒ ጉሪ ማዒ ዓታኔ።
- 32 ዎዴ ሄለባኣንቴ ሹላያና
 ካኣፓኣ ዋርቁዋ ሚሢ ዒ ማዓኔ።
- 33 ሃጊ ካዲባኣንቴ ሶያፓ ዓኣፖ ፔኤኮ ዲኢኒሻ ዎይኔ ሚሢጉዲ፤
 ሃሣ ጊንሣ ቡናኣ ዲኢና ዛይቶ ሪሚቶ ዒ ማዓኔ።»
- 34 «ያኦሲ ዒጊጨዋ ዓሶኮ
 ዜርሢ ኬሰካዓኬ፤
 ዴሚና ዔኮና ባኮና ማኮና ማኣርዋ ታሚ ሙዓንዳኔ።
- 35 ዬያጉዲ ዓሳ ፑርቱሞ ማሊ ቱካኔ፤
 ጌኔ ማዶዋ ማዲ ኩንሣኔ፤
 ዒና ዔያቶሲ ጌሺሢ ማሊሢና ኩሜያኬ።»

16

ዒዮቤ

- 1 ዬካፓ ዒዮቤ ሂዚ ጌይ ማሄኔ፡-
- 2 «ሃያ ማላ ሃይሴ ሚርጌ ዎዴ ታ ዎይዜኔ፤
 ዒንሢ ታና ደዲሻያ ማሊ ያዩሢ ያዩሢ ታኣሞ ቃሴኔ።
- 3 ሃያ ዒንሢኮ ፓሡዋ ጌኤዘኮ ጋፒንሢ ባኣያዳ?
 ሃያይዲ ዒንሢ ታኣና ማርማንዳጉዲ
 ዒንሢ ማሄሢ ዓይጎዳይ?
- 4 ዒንሢ ታ ሴዛ ማዔሞ
 ታ ዎንዴ ዒንሢ ሴዛ ማዔያታቱ
 ቦሂሢና ቶኦኮ ታኣኮ ታ ዓጊሢ ዓጊሢ፤
 ሃሢ ዒንሢ ጋዓ ባኮ ሴያ
 ዒንሢዳ ሚዛጲሲ ጌሰታኒ ታ ዳንዳዔና ናንዳንቴኬ።
- 5 ዬያጉዲ ሃሣ ታ ዒንሢ ዘሬያና
 ዒንሢ ደዲሻኒ ታ ሚርጌ ባኣዚ ጌሰታኒ ዳንዳዔና
 ናንዳንቴኬ።»

- 6 «ጋዓንቱ ሚርጌ ታ ጌሰቲታቶዋ ሃርጋ ታኣኮ ሼሌዒንዱዋሴ፤
 ዘቲ ጌይ ታ ጌቤቴያ ዋኣዪፃ ታኣኮ ጋፒንዱዋሴ።
- 7 ፆኦሲዮ! ዓካሪ ኔ ታና ላቢሴኔ፤
 ታኣኮ ማኣሮ ዓሰዋ ቢያ ኔ ባይዜኔ።
- 8 ዑፆኮ ታኣኮ ጉርሚፃ ማርካ ማዒኔ፤
 ሜጌፆ ጴዲ ፆኦፒፃኣ ሕ ጎሜ ዓሲኬ» ጌይ ታጊዳ ማርካዳ።
- 9 ፆኦሲ ዳጋዲ ዑፆ ታኣኮ ቲቄኔ፤
 ታና ዒዲፆና ዓጮ ፔኤኮ ዒ ዳዒኔ፤
 ታኣኮ ሞርካሢ ፔ ዓኣፖና ታና ጎዜኔ።
- 10 ዓሳ ታ ኮይላ ቡኪ ታና ሚኢጫኔ፤
 ቦሂ ቦሂ ባዒያ ታና ባዒኔ።
- 11 ፆኦሲ ፑርቶ ዓሰሞ ታና ዓኣሢ ዒንጌኔ፤
 ዋይዘ ዒፃ ዓሰ ኩጫ ታና ኬኤሬኔ።
- 12 ኮሺ ታና ጎጋንቲ
 ዒዚ ፔ ዳጎና ታና ሜንሣኔ፤
 ባቃኖ ታኣኮ ዲዲ ዓርቂ ታና ጋኣጩኔ፤
 ታና ዒ ባይዘኒ ታጊዳ ዒቄኔ።
- 13 ዒዛኮ ሂኢዙ ዓሳ ታና ማንጌኔ፤
 ሚጨንቲዋዎ ጳላሢ ታኣኮ ዒያታ ዱኡዜኔ፤
 ጨሸዋ ታኣኮ ዒያታ ሳዓ ላኣሌኔ፤
- 14 ላሚ ላሚ ዒ ታና ዱኬኔ፤
 ደዲ ፆልዚ ዓሲ ማዒ ኮኦሚ ታጊዳ ዒ ሙኬኔ።
- 15 ታኣኮ ፆዪፃ ሚርጌሢሮ ሲዬ ማኣዎ ታ ማይንቲኔ፤
 ባሺንቲ ታኣኒ ሲላሊዳ ሎኦሜኔ።
- 16 ሚርጌና ታ ዬኤኬሢሮ ዓኣፖ ካራ ታኣኮ ዘቄኔ፤
 ሻኔ ዳሚ ዓኣፖ ዴሞዒራሢ ታኣኮ ካንቂ ዓርቄኔ።
- 17 ዬይ ቢያ ማዒቴያ ታ ማዴ ዳቢንቲ ባኣሴ፤
 ፆኦሲ ታ ሸኢቃሢያ
 ጌኤሺ ዒናናኬ።»
- 18 «ሳዒሌ! ታጊዳ ሄሌ ጌኖ ማዴ ካንቂፖ!
 ታኣኮ ሃዳሮ ዒላታ ሹኡሚንቲ ዓታንዳጉዲ ማሂፖ!
- 19 ዓካሪ ታኣሞ ማርካዳንዳያና
 ታርዜ ታኣኮ ማዓንዳሢ ጫሪንጮይዳ ዓኣኔ።
- 20 ታኣኮ ላጋ ቶኦቺ ታና ዛጋኔ፤
 ታ ጋዓንቲ ሌካ ፆኦሲ ባንሢ ዒላታኔ።

- 21 ፔቲ ዓሲና ባጊና ጌሰቲ ቡኩሳይ ዓኣሢጉዲ ቢያ
 ፆኦሲና ዓሲና ጌሰቲ
 ቡኩሳይ ዓኣቶ ዓይኅ ጎፆንደይ!
 22 ታ ናንጎ ሌዎኮ ጋፒንፃ ሄሊ ሄሊኬ፤
 ማዒ ታ ሙከንደዋ ቤሲ ዓኣፋኒኬ፤
 ዳካ ዋዴ ሌሊ ታኣኮ ዓቴኔ።»

17

- 1 «ዑኡዞ ዔካኒ ታኣኒ ባሽንቲ
 ናንጎ ዋዳ ታኣኮ ጋፓኒ ዑኩኔ፤
 ዓካሪ ዱኡፒ ታና ካፔኔ።
 2 ታና ቦሃ ዓሳ ማንጌኔ፤
 ዓኣፓ ታኣኮ ዔያታ ታና ዒፃሢ ዛጋኔ።
 3 ፆኦሲዮ! ኔጊዳፓ ዓታዛ
 ሜሌ ታኣሞ ዔቁያ ባኣሴ፤
 ኔኤኒ ኔኤሮ ታኣሞ ዋኣሴ ማዔ።
 4 ዔያታ ማሊ ጳቂሡዋጉዲ
 ዒኖ ኔ ዔያቶኮ ዓርቄኔ፤
 ዬያሮ ዔያታ ባሻንዳጉዲ ማሂፖ።
 5 ሚኢሼ ዴንቃኒ ጌዒ
 ፔ ላጋሢ ዓኣሢ ዒንጋ ዓሲ
 ዒ ማዴ ጌና ናኣቶ ሄላኔ።
 6 ፆኦሲ ታና ዓሲ ዓማላንዳጉዲ ማሄኔ፤
 ዓሳ ፔኤኮ ጨጮ ዒዛኮ ቤርታ ጨታ ዓሲጉዲ ታ ማዔኔ።
 7 ታኣኮ ፆዩፓ ዔቁያና ዓኣፓ ታኣኮ ዴይ ዓቴኔ፤
 ዑፃ ታኣኮ ጉቤ ሺቢጉዲ ማዔኔ።
 8 ፔና ጎኔ ዓሲኬ ጋዓ ዓሳ ሃያ ባኮና ዲቃቴኔ፤
 ጌኤዢ ዓሳኣ ፆኦሲ ጉሙርቁዋ ዓሲይዳ ዳጋዴኔ።
 9 ያዲ ማዔቲያ ዒሎ ዓሳ ጎኡሞ ጎይፃፓ ሺኢኩዋሴ፤
 ጌኤዢንሢያ ዶዶሞይዳ ዶዶሞ ቃሳኔ።
 10 ዒንሢ ቢያሢ ላሚ ሙከ ታ ቤርታ ማርሜቶ
 ዒንሢ ባኣኮይዳፓ ፔቲታፆ ማሊ ጳቂሢ ዓሲ ታ ዴንቃዓኬ።»
 11 «ታኣኮ ናንጎ ዋዳ ጋፔኔ፤
 ታ ቱኬ ቱኡዞና ታኣኮ ዒኖ ማሊያና ጉሪ ማዒ ዓቴኔ።
 12 ሃኣታ ዓሳ ዴሞ «ርኦሪኬ» ጋዓኔ፤
 ሮኦሮ ሃሢ «ዴማኒ ዑኩኔ» ጋዓኔ።
 13 ሃካፓ ሴካ ታኣኮ ዓኣማ

- ሃይቂ ዱኡኪንተሢ ሌሊኬ፤
 ዒኢካ ዱሞይዳ ሻኦቶ ታክኮ ታ ሂኢሣንዳ።
 14 ዬካፓ ዱኡፖ፡- <ዒዳ> ጌይ ታ ዒኤላንዳ፤
 ታና ሙዒ ዛኦሎ፡- ታ ዒንዳ፤ ታ ጌሮ ታ ጋዓንዳ።
 15 ዓካሪ ዓይጎ ሃጊ ማዓ ዋዛ ታክኮ ዓኣይ?
 ታክኮ ሃጊ ማዓ ዋዛ ፆ ታኣሞ ዴንቃንዳይ?
 16 ታኣኒ ሊካ ሃይቂ ዓሳ ዓኣ ቤዞ ኬዳኣና
 ሃጊ ማዓንዳ ዋዛ ታኣና ዋላ ኬዳንዳ?
 ሃሣ ታኣና ዋላ ዱኡፓ ኑ ጌላንዳ?»

18

ቢልዳዴ

- 1 ሹሃ ዓጮ ዓሢ፥ ቢልዳዴ ሂዚ ጌይ ማሄ፡-
 2 «ዒዞ ዒዮቤ! ዓይጎሮ ሃያጉዴ ጌኤሲ ኔ ሚርጊሻይ?
 ሂንዳ ኮሺ ዋይዜ፤ ኑዋ ጌሰቶም።
 3 ዓይጎሮ ኔ ኑና ቆልሞ ማሂ ፓይዳይ?
 ሃሣ ዓይጋ ኔ ኑና ዋይዚ ባይቄያ
 ማሉዋ ዓሲ ማሂ ዛጋይ?
 4 ኔኤኒ ዳጋዴቴ ኔና ኔ ባይዛንዳፓዓቴም
 ኔ ዳጎና ሳዓ ዓጊፃዓኬ፤
 ጊንሣ ሃሣ ላላኣ ዓኣ ቤዛፓ ዶጫዓኬ።»
 5 «ጎሞ ዓሶኮ ፖዓ ባይቃንዳ፤
 ታማ ዒኤታሢያ ለሚ ጴዳዓኬ።
 6 ዒያቶኮ ማኣሮይዳ ዓኣ ፖዓ ሃይቃንዳ፤
 ዬይ ፖዓ ዱማንዳ።
 7 ዒያታ ዶዲ ሄርቂ ታኣኪ ሃንታ ሃንቲፃ
 ኬዲ ኬዲ ሙካንዳ፤
 ዒያቶኮ ጌሮ ቱኡዛኣ ዒያቶ ዒኪ ኬኤራንዳ።
 8 ፔ ሃንቲፃና ዒያታ ፒሮይዳ ጌላንዳ፤
 ዒያቶኮ ቶካኣ ሱዘና ቡኡዲንታንዳ።
 9 ቡኡዶ ፒራሢ ዒያቶኮ ቶኮ ዓርቃንዳ፤
 ዶንቂ ዓርቃ ፒራሢ ካራ ባይዚ ዒያቶ ዓርቃንዳ።
 10 ሳይይዳ ዒያቶም ቡኡዶ ፒራ ፒሪንቴ፤
 ጎይይዳ ዒያቶም ፒራ ጊኢጊንቴ።»
 11 «ኮይሎ ዒያቶኮ ዒጊቻ ባኣዚ ማንጌ፤

- ገንዖ ዓኣዲ ዓኣዲ ዬይ ዔያቶ ዳውሳኔ።
- 12 ዋልቃ ዔያቶኮ ናዮና ጋፔኔ፤
ባይዛ ባካ ዔያቶ ባይዛኒ ገኢጌኔ።
- 13 ዶርሳሢ ዑዖ ዔያቶኮ ሾኦፒሴኔ፤
ሃይቢ ጋፒንሢ ዔያቶ ዔካንዳኔ።
- 14 ሂርጋባኣያ ጉሙርቂ ናንጋ ማኣራፓ
ዔያታ ዳውሲንታንዳኔ፤
ዓሲ ቢያ ዋይሣያ ማዔ ሃይቢ ባንሢ ዔያታ ዔውታኔ።
- 15 ዔያቶኮ ማኣሮይዳ ዓይጎ ባኣዚያ ዔያቶም ዓታዓኬ፤
ዔያታ ናንጋ ማኣሮይዳ ታሚ ሙርቁንሢ ዋሂንታንዳኔ።
- 16 ፃጳ ካራፓ ማላያ፤
ካኣፖ ዒላዡኣ ዲኢና ሚሢጉዲ ዔያታ ማዓንዳኔ።
- 17 ሳይይዳ ዔያቶ ማሊ ጳቂሣንዳ ዓሲ ጴዲንዱዋሴ።
ዔያቶኮ ዔርቱ ሱንፃ ዓጫፓ ባይቃንዳኔ።
- 18 ፖዓፓ ዲሞ ባንሢ ዔያታ ዳውሲንታንዳኔ፤
ዓሳ ናንጋ ዓጫፓኣ ዔያታ ባይቃንዳኔ።
- 19 ዔያቶኮ ዒጊኖ ባኣኮይዳ ዔያቶ ዳካላያ ማዓ
ሾይንቲ ዔያቶም ጴዳዓኬ፤
ዔያቶኮ ማኣሮይዳ ዜርሢ ዓታዓኬ።
- 20 ዓባ ጌላ ዘሎንታ ኬሰካ ባንዖንታይዳ ዓኣ ዓሳ
ዔያቶይዳ ሄሌ ሜታሢና ዒጊጪ ጎጋይቄኔ።
- 21 ዓይዲ ማዔቴያ ፑርታ ዓሲኮ ጋፒንፃ ያዲኬ፤
ዖኦሲ ዒጊጪቴዋ ዓሲያ ሄላማ ዬማኬ።»

19

ዒዮቤ

- ¹ ዬካፓ ዒዮቤ ሂዚ ጌይ ማሄኔ፡-
- 2 «ዒንሢ ዓይዲ ሄላንዳኣና ታና ሜታሳይ?
ሃሣ ዓይዲ ሄላንዳኣና ጌኤዞና ዒኖ ታኣኮ ዒንሢ ዱኡዛይ?
- 3 ሃይሾ ዒንሢ ታጾ ማይንቲ ታና ጫሽካኔ፤
ቦርሲንቱዋዖ ታና ዒንሢ ቶኦቻኔ።
- 4 ጎኔና ታ ዳቢንቲያ ማዔቴ
ዳቢንታ ሜታሳንዳሢ ታና ሌሊኬ።
- 5 ጎኔና ዒንሢ ዒንሢ ቶኦኮ ዴግ ዴጊዳኔ፤
ታኣኮ ሜቶይዳ ጌሊፃ፡-
ታኣኒ ዳቤም ዖኦሲ ታጊዳ ዓጌያኬ ጌይ
ዬያ ባኮ ማርካ ማሂ ዔኪ ታና ዒንሢ ሞኦታኔ።
- 6 ጋዓንቱ ሃይ ሜታሢ ታና ሄሌሢና

- ቡሎዳሢ ሱዞይዳ ታና ከኤሬሢ
 ያኦሲታሢ ዒንሢ ዒራንዳጉዲ ታ ኮዓኔ።
- 7 ታ ሜታዳኔ ጌይ ዒላቴያታቶዋ
 ታኦሲ ዋይዛ ዓሲ ታ ዴንቂባኦሴ፤
 ዑኡዞ ታ ዴጊዲ ዒላቴቶዋ
 ፒዜ ዋጌ ታ ዴንቂባኦሴ።
- 8 ጎይያ ታኦኮ ቢያ ያኦሲ ዲርቄሢሮ
 ታ ኬሰካንዳ ጎይሢ ባኦሴ፤
 ታ ዓኦዳ ጎይያዋ ዲሚና ዒ ካንቄ።።
- 9 ቦንቾዋ ታኦኮ ቶኦካፓ ጉሲ ታና ቦርሲሴ።።
- 10 ዑያ ታኦኮ ቢያ ዛሎና ዲይ ዲይ
 ጋፒሲ ሾኦሌኔ፤
 ታኦኮ ሃጊ ማዓ ዋዞ ፃጸፓ ቱጊንቲ ዶዓ
 ሚሢጉዲ ዒ ማሂኔ።።
- 11 ያኦሲኮ ደጋ ታጊዳ ታሚጉዲ ዒኤቴኔ፤
 ዒዳ ዋርኬጉዲ ታና ዒ ፓይዴኔ።።
- 12 ታና ባይዛኒ ፔኤኮ ያላ ዓሶ ዒ ዳኬኔ፤
 ዒያታ ታ ማኦሮኮ ዙሎ
 ዋርዲ ዴዒ ታና ማንጌኔ።።»
- 13 «ያኦሲ ታ ጌርሲንሢ ታ ኮራፓ ሃኪሴኔ፤
 ታና ዒራ ዓሳ ቢያ ፃንጎ ማሂ ታና ዛጌኔ።።
- 14 ታኦኮ ዒጊና ታጊዳፓ ዴማዴኔ፤
 ታኦኮ ላጋኦ ታና ዋሌኔ።።
- 15 ታ ማኦራ ሾኦቹንሢ ታ ዒኬ ዓሳ
 ቢያ ታና ዋሌኔ፤
 ታኦኮ ማዶ ማዶ ላኦላ ቢያ ሙፒ ዓሲ ማሂ ታና ፓይዴኔ፤
 ሚሌ ፃንጎ ዓሲ ማሂ ታና ዛጌኔ።።
- 16 ታኦኮ ባይላሢ ታ ዒኤላዛ ታኦሞ ዬሁዋሴ፤
 ሂዳራ ታና ማኦዴቴራ ጌይ ታ ዒዛ ሺኢቃዛታ?
 ዒ ታኦሞ ዒኤዑዋሴ።።
- 17 ታ ማቻ ታኦኮ ካሶ ዒፄኔ፤
 ታኦኮ ጌርሲንሢ ታና ሻኦኪንቴኔ።።
- 18 ዳኮ ናኦታታያ ታና ቶቶኦቻኔ፤
 ታና ዒያታ ዛጋ ዋዶና ሶቦሃኔ።።
- 19 ታኦኮ ዑኬ ላጋ ታና ሻኦኪንቴኔ፤
 ሚርጌና ታ ናሽካ ዓሳኦ
 ታኦኮ ዋርኬ ማዒ ዒቄኔ።።

- 20 ባሽካ ታኣኮ ጋፒ ዒልዓ ሜጌያይዳ ፓፄኔ፤
ታኣኒ ጉቤና ጋፔያ ዳካሮ ዓቴኔ።»
- 21 «ታ ላሳንሢዮቴ! ያኦሲ ኩጫ ታና ጳርቄሢሮ
ዒንሢ ታኣም ያዩ፥ ሚጨንቱዋቴ!
- 22 ያኦሲ ታና ዳውሳሢጉዲ
ዒንሢያ ሃሣ ታና ዓይጋ ዳውሳይ?
ሃያ ሄላንዳኣና ዒንሢ ታና ሜታሴሢ ጊዳኩዋይ?»
- 23 «ሃይማ ሄላንዳኣና ታ ጌሰቴ ባኮ ማሊ ጳቂሣያና
ማፃኣፔይዳኣ ፃኣፓ ዓሲ ጴዴቴ
ዋዚ ታና ዋዛሳንዳያ ዓቴይ!
- 24 ባንጊና፤ ሃሣ ዒርሳሴ ጌይንታ ባኮና ፃኣፒንቴቴ
ዬያጉዲ ሹቺዳ ቆኦቂንቲ
ናንጊና ናንጋንዳጉዲ ጌሦናቴ ዋዚ ታና ዋዛሳንዳይ!
- 25 ጋዓንቴ ታና ዓውሳሢ ባይቁዋያ ማዔሢና
ጋፒንያ ዋዶና ታና ዓውሳኒ
ሳያይዳ ዒ ዔቃንዳሢ ታ ዔራኔ።
- 26 ዒልዓ ታኣኮ ሙይንቲ ጋፔቴያ
ባሽካፓ ታ ዲማዲ
ያኦሲ ዛጋንዳሢ ታ ዔራኔ።
- 27 ዒዚያ ታኣኒ ታኣሮ ዒዛ ዛጋንዳሢኬ፤
ታ ዓኣፓ ዒዛ ዛጋንዳኔ፥ ሜሌቴዋሴ፤
ታኣኮ ዒና ዬኖ ኬሌሎ ሚርጌና ጳቂሣኔ።»
- 28 «ታ ላሳንሢ! ሜቶ ማጌሢ ዒዛታሢሮ
ኡ ዒዛ ዳውሶም፥ ዓይሳሮ ዒንሢ ጋዓይ?
- 29 ያኦሲኮ ዳጋ ጨንቻ ዓፓሮና ሜቶና ዔኪ ሙካሢሮ
ጨንቻ ዓፓራ ዒንሢ ዋዲዋጉዲ ዔራዋቴ።
ያኦሲ ዋጋ ዋጌ ዓኣሢያ ዔራዋቴ።»

20

ያፓሬ

- 1 ናዕማታ ዓጮ ዓሢ ያፓሬ ሂዚ ጌይ ማሄኔ፡-
- 2 «ዒዮቤ! ታ ዒና ታና ዳጋሲ ኔኤም ኬኤዛንዳጉዲ ታና ማሄኔ፤
ዬያሮኬ ኔጉዋያ ታ ኔኤም ኬኤዛኒ ሩኡሬሢ።
- 3 ታኣኒ ዋይዛሢ ታና ዳውሲሳ ጎሮኬ፤
ማሊ ጳቂሢያ ዔራታ ታኣኮ
ማሂ ኔኤም ኬኤዛንዳጉዲ ታና ሂዓኔ።»

- 4 «ዒሲ ሳይደዳ ጴጵሢዳፓ ዓርቃየ
ሚናፓ ሃይማኒታሢ ኔ ዔራኔ።
- 5 ፑርታ ዓሲኮ ሄርሺንቲ ዳካ ዋዴምኬ፤
የኦሲ ሃሻ ዓሶኮዋ ዋዛ ባይቃሢ ዓኣፒ ጊኢጸማጉዴያናኬ።
- 6 ፑርታ ዓሲ ዋዚ ያቶርሙሞና
ጫሪንጮ ሄለንዳኣና ዴግ ጌዔቴያ
ሃሣ ቶኦካ ዒዛኮ ሻኣሮ ሄሌቴያ
- 7 ዒዚ ፔኤኮ ሺዖጉዲ ጋፒ ዑጪንታንዳኔ፤
ዒዛ ቤርታ ዛጌ ዓሳ ሩዒ ዋካ ዓኣይ? ጋዓንዳኔ።
- 8 ዓውቲጉዲ ፒው ጌይ ባይቃንዳሢሮ ዒ ጴዳዓኬ፤
ጊንዒ ዓኣንቴ ጴጵ ባኣዚጉዲ ዒ ባይቃንዳኔ።
- 9 ዒ ናንጋ ቤዛፓ ቤሲ ባይቃንዳሢሮ
ፔቴና ዒዛ ዛጌ ዓሲ ላሚ ዒዛ ዛጋዓኬ።
- 10 ናኣታ ዒዛኮ ሺኣቂ ሺኣቂ
ዓዴ ማንቆ ዓሶይዳፓ ጌኔና ቡሪ ዔኬ ሚኢሾ ጪጋንዳኔ።
- 11 ዋልቆና ዓኣ ዒዛኮ ዴጋቶ ዑፃ
ዳካ ዋዴኮ ጊንፃፓ ዓጪ ማዓንዳኔ።»
- 12 «ዋዚ ዒዛኮ ፑርቱማ ዳንጎይዳ ሙኡዚጉዲ
ዒዛም ዓኣፃቴያ
ዒንዲርዘና ዒ ጊኢጊሹቴያ
- 13 ጋፑዋጉዲ ፔ ዳንጋ ዓርቂ
ጮንቂ ጮንቂ ዒ ኔጌቴያ
- 14 ዒዛኮ ጎጾ ጋራ ጋዓንቴ ዬይ ጫንቃንዳኔ፤
ዓዳ ሾኦሺኮ ዋዳ ዳኣኖጉዲ ማዓንዳኔ።
- 15 ፑርታ ዓሲ ዓሲኮ ሙዔ ባኮ ዋልቁና ማሃንዳኔ፤
ዒዛኮ ጎጾ ጋራ ዓኣ ባኮ ቢያ ያኦሲ ዒዛ ጮኦሻንዳኔ።
- 16 ፑርታ ዓሲ ሙዓ ባካ ቢያ ዒዛ ዋዳ ዳኣኒ ማዓንዳኔ፤
ያዳ ማዒ ዒዛ ዋዳንዳኔ።
- 17 ሪሚታፓ ኮሾ ዛይታ ዲጰጉዲ ዋታሢ
ዒኤዘና ዲኢቆና ዋርዚ ዋኣሢጉዲ ጎዓሢ
ዛጉዋዖ ዒ ሃይቃንዳኔ።
- 18 ዒዛ ላቢያኮ ዓኣፖ ሜሌም ዒዚ ዒንጋንዳፓዓቴም
ዒ ሙይንዲዋሴ፤
ኮርሚ ዒ ዴንቄ ቆሎና ዋዛዲንዲዋሴ።
- 19 ዬይ ማዓንዳሢ ማንቆ ዓሶ ዒ ሄርቄሢሮና
ዓሳ ማጐፔ ማኣሮዋ ጌኖ ማሊያና ዒ ቡሪ ዔኬሢሮኬ።
- 20 ጎጋይቂፃ ዒዛ ሃውሾ ባሺኔ፤
ዒ ቡኩሴ ባካኣ ዒዛ ዓውሳኒ ዳንዳዑዋሴ።

- 21 ዒዛኮ ቡኩሶና ባካ ቢያ
ዓቱዋፖ ጋፓንዳሢሮ
ዒዛ ፔኤሻንዳ ሙኡዚታፖ ዒ ዴንቃዓኬ።
- 22 ዋዚ ዒ ፖርጎጮቴያ ዳጋሳ ባካዚ ዒዛ ሄላንዳኔ፤
ሚርጌ ሜታ ዒዛ ሄላንዳኔ፤
ሜቶና ዋኣዪሢና ዒዛም ሚርጋንዳኔ።
- 23 ሙይ ታ ሚሸካንዳኔ ዒ ጋዓኣና
ፆኦሲ ፔኤኮ ዴኤፖ ዳጎ
ዒዛይዳ ኬይሳንዳኔ፤
ባይዛ ፑርቶ ባኮዋ ዒዛይዳ ዋርቂሳንዳኔ።
- 24 ዓንጎ ጩንቾ ዓፓርፓ ዒ ቶሌቲ
ሞኦኖ ዓንጎ ሂኢዦና ዒ ዴኡታንዳኔ፤
- 25 ሂኢዦ ዒዛኮ ጊዴና ሶፒ ኬሰካንዳኔ፤
ሂኢዦኮ ቤርቶ ፖዓሢ ማዮ ዒዛኮ ዴኡዚ ዓኣዳንዳኔ፤
ዴኤፒ ዒጊቹዋና ዒና ዒዛኮ ዴቃታንዳኔ።
- 26 ዒ ቡኩሴ ቆላ ቢያ ሻኔ ዲሞይዳ ጋፓንዳኔ፤
ዓሲ ዒኤሢባኣ ታሚ ዒዛ ሙዓንዳኔ፤
ዒዛኮ ማኣርይዳ ዓቲ ባኮዋ ቢያ ላይ ባይዛንዳኔ።
- 27 ዒ ማዴ ጎሞ ቢያ ጫሪንጫ ፔጋሲ ዳዋንዳኔ፤
ሳዓኣ ዒዛኮ ሞርኬ ማዒ ዒቃንዳኔ።
- 28 ፆኦሲኮ ዳጎ ኬሎና
ዒዛኮ ማኣራ ዓኣ ባካ ቢያ ዲጲና ዒውታንዳኔ።
- 29 ዋይዞ ዒፄ ዓሶም ፆኦሲ ማሊ ጌሢ ባካ
ፑርቶ ዓሶማኣ ዒንጎንዶ ባካ ዬያኬ።»

21

ዒዮቤ

- 1 ዒዮቤ ሂዚ ጌይ ማሄኔ፡-
- 2 «ሂንዳ ታኣኮ ጌኤዞ ኮሺ ዋይዙዋቲ፤
ዒንሢ ያዲዴቶ ታና ዒንሢ ደዲሼያ ማዒ
ዒንሢም ፓይዲንታንዳኔ።
- 3 ሂንዳ ታ ጌሰታንዳጉዲ ፔቲና ቤሲ ታኣም ሃሹዋቲ፤
ዬካፓ ዒንሢ ኮዒሢጉዲ ቦሃኒ ዳንዳዓኔ።»
- 4 «ታኣኒ ቆፃሢ ዓሲቱዋንቲ ፆኦሲኬ፤
ዓካሪ ሃሢ ገቢ ዳንዳዒፆ ታኣኒ ሃሹቲ ዓይጌ ዓኣይ?
- 5 ሂንዳ ታ ባንሢ ዛጉዋቲ፤

- ጌሰታኒ ዒንሢ ባሻንዲያ ሄለንዳኣና
ታኣኮ ጌታ ዒንሢኮ ዑሰካ ጌለንዳኔ።
- 6 ታ ማለዛታዎ ታና ዲቃሣኔ፤
ዑዖ ታኣኮ ዒጊቹሞና ጎጋይቂሳኔ። »
- 7 «ፑርቶ ዓሶኮ ለዓ ዖዶቂ፥ ቆላኣ ሚርጊ
ዓይጎሮ ዔያታ ሳዓ ናንጋይ?
- 8 ዔያቶኮ ናኣቶና ናኣቶኮ ናኣቶና
ዲጪ ኮሺና ናንጋሢ ዓይጋ ዔያታ ዛጋይ?
- 9 ፔቲታዎ ሂርጋባኣያ ኮሺና ዔያታ ናንጋኔ፤
ዖኣሲኮ ባይዛ ፑርቶ ባካ ዔያቶ ሄሊ ቤቂባኣሴ፤
- 10 ባኣታ ዔያቶኮ ፔቲታዎ ሜታባኣያ ቆለንታኔ፤
ዒንዶ ባኣታ ዔያቶኮ ዓጊሱሞዎ ሾዓኔ።
- 11 ናኣቶ ዔያታ ፔኤኮ ማራይጉዲ ሄንቃኔ፤
ዓኣሎ ናኣታኣ ዔያቶኮ ማራናይጉዲ ዪካኔ።
- 12 ካራቤ ዔያታ ባዒ ባዒ
ጎኦላኣ ዋርቂ ዋርቂ
ዲንኮዋ ዋርቂ ዋዛና ዔያታ ኮርጋኔ።
- 13 ዔያታ ፔኤኮ ናንጎ ሌዖ ኮሹሞና ሃሣ ዋዛና ጋፒሳኔ፤
ዋኣዪሢባኣያ ሃያ ሳዖይዲፓ ሃይቢና ዔያታ ዲማዳኔ።»
- 14 «ዬይ ያዲታንቴ ዖኣሲ ዔያታ፡-
ኧ ኮይላፓ ሃኬ፤ ጎይዖዋ ኔኤኮ ኑ ዔራኒ ኮዑዋሴ» ጋዓኔ።
- 15 ዬያጉዲ ሃሣ፡- ኧ ዒዛ ካኣሽካንዲጉዲ
ቢያ ባኮ ዳንዳዓ ጎዳሢ ዒ ዖናዳይ?
ዒዛ ሺኢቂዖ ኑና ዓይጎ ማኣዳይ? ጋዓኔ።
- 16 ዬያ ዔያታ ጋዓሢ፡- ዔያቶኮ ኩጫ ዓኣ ቆላ ቢያ
ዔያቶ ላቢሢና ጴዴያ ዔያቶሞ ማላሢሮኬ፤
ታ ጋዓንቴ ፑርቶ ዓሶኮ ማሊዖ ዔካዓኬ።»
- 17 «ጌኤዛ ጋሳ ፑርቶ ዓሶኮ ፖዒ ባይቂ ቤቂያ?
ሃሣ ባይዛ ባኣዚ ዔያቶይዳ ኬዲ ዔራ?
ዖኣሲ ዔያቶ ፔ ዳጎና ሜታሲ ቤቂያ?
- 18 ዔያታ ጎቦጉዲ ዠባሬና ዔውቴ ዎዴ
ሲላሊጉዲ ዓልጎና ፒዒንቴ ዎዴ ዓኣ?»
- 19 «ዒንሢ፡- ዖኣሲ ዓደንሢ ዳቢንቶሮ
ዔያቶኮ ናኣቶ ሜታሳኔ» ጋዓኔ፤
ሂንዳ ዖኣሲ ጎሞ ዓሶ ሆቲና ዔያቶ ሜታሶንጎ፤

- ያዲ ማዕያታቲ ዳቢንቴያ ማዕሢ ዕያታ ዕራኒ ዳንዳዕኔ።
- 20 ጎሞ ዓሳ ዕያታ ፔኤሮ ማዕ ዳቢንቶሮ
ሜቶ ዕያታ ዕኮንጎ፤
ቢያ ባኮ ዳንዳዕ ጎዳሢ ፔ ዳጎ ዕያቶይዳ ኬይሶንጎ፤
- 21 ዓሲ ሃይቄሰካፓ
ፔ ናኣቶ ዛሎ ዓይጎ ማላ ባኣዚ ዓኣይ?
- 22 ጾኦሲ ዴኤፖ ዴኤፖ ዓሶይዳታዎ ዎዎጋኔ፤
ዓካሪ ዓሲ ዒዛ ዎጌ ዎጊሢ ዕራቶ ዕርዛኒ ዳንዳዕ?»
- 23 «ፔቴ ፔቴ ዓሳ ናንጎ ጋፖ ሄላንዳኣና
ፔቴታዎ ሜታ ዕያቶ ሄሉዋንቴ ዶዲ፣ ሃሣ ኮሺ ማዒ
- 24 ዑፃኣ ዕያቶኮ ዓንዲርቄ ጎይሣ ዓኣንቴ
ሜገፃ ዕያቶኮ ሶሬና ኩሙሢ ዓኣ ጎይሣ ዓኣንቴ ሃይቃኔ።
- 25 ዛላ ጋዓንቴ ዶዲ ጾሢ ዕያቶፓ ዱማዲዋንቴ
ሜቶና ቁራይኒንቴ ጎይሣ ኮሺ ባኣዚ ዴንቁዎ ሃይቃኔ።
- 26 ቢያሢ ዱኡኪንታዎ ዓጪ ማዕኔ፤
ዛኣሌያ ዕያቶኮ ዑፃ ባይዛኔ።»
- 27 «ሃሢ ታና ሜታሳኒ ማላሢና
ዒንሢ ዒኖና ዒንሢ ማሌ ጌኖ ማሊዎ ታ ዕራኔ።
- 28 ዒንሢ፡- ቆያ ዴኤፖ ዓሢኮ ማኣራ ዎካ ዓኣይ?
ፑርቶ ዓሢኮ ናንጎ ቤዛ ዓንካዳይ?» ጋዕኔ።
- 29 ጎይፆ ሃንታ ዓሶ ዒንሢ ጾኦጪባኣዳ?
ዕያታ ኬኤዜ ማርካቶ ዒንሢ ዕኩዋዳዳ?
- 30 ዕያታ፡- <ባይዛ ባካ ሙካኣና ፑርቶ ዓሶ ሜታ ሄሉዋሴ፤
ጾኦሲኮ ዳጋ ፔጋዲ ጴዳ ዎዶና ዕያታ ቶቶላኔ> ጌዕኔ።
- 31 ፑርቶ ዓሢ ፑርቶ ማዕሢ ዛሎ ሄ ፑርታኬ
ጋዓንዳሢ ጾናዳይ?
ዒዛኮ ፑርቶ ማዶሮ ዒዛይዳ ሜቶ ፆ ዓጋንዳይ?
- 32 ዒ ሃይቄሰካፓ ሌዛ ዒዛኮ ዱኡፖ ቤዛ ዕውታኔ፤
ዴካፓ ዱኡፓ ዒዛኮ ካፒንታኔ፤
- 33 ዒዚ ዱኡኪንታኣና ዒዛ ዑፃ ማሆ ዓጪ ዒዛ ዴኤፃዓኔ፤
ዓሳ ዒዛኮ ጊንፆ ሙካንዳኔ፤
ሃሣ ኮሺ ሚርጌ ዴሬ ቤርታ ዒዛኮ ዓኣዳንዳኔ።»
- 34 «ዓካሪ ዒንሢ ጉሪ ማዕ ሃይሴና
ዓይጋ ታና ዶዲሻኒ ኮዓይ?
ዒንሢ ታኣሞ ማሂ ኬኤዛ ባካ ቢያ ሉኡዚኬ።»

ሃይሣሲ ጌሰቲንቴ ጌኤዞ

22

(22:1—26:14)

ዒልፓዜ

- 1 ተመና ዓጮ ዓሢ፥ ዒልፓዜ ሂዚ ጌይ ማሄኔ፡-
- 2 «ዒሲ ፆኦሲ ማእዳ ባኣዚ ዓኣ?
መሌ ዓታዛ ዒ ዒራ ማዕታቶዋ ፔኤም ማዓንዳፓዓቴም
ፆኦሲም ማዓያቱዋሴ።
- 3 ኔኤኮ ኮዡ ማዳ ቢያ ባኮ ዳንዳዓ ጎዳሢም ዓይጎ ማኣዳይ?
ኔኤኮ ፒዜ ናንጋ ዒዛም ዓይጎ ዋኦታይ?
- 4 ዓካሪ ኔጌዳ ዋጌሢና
ሃያይዲ ኔና ጎሬሢ
ኔኤኒ ፆኦሲኮ ላጌ ማዕሢሮዳ?
- 5 ሃይ ቢያ ጌና ኔና ሄሌሢ ፑርቱማ ኔኤኮ ዲቤሢሮ
ጎማኣ ኔኤኮ ኩዲዋኣያ ሚርጌታሢሮቱዋዓዳ?
- 6 ኔኤኮ ጌርሲንሢ ዋኦቱ ባኣዚ ባኣንቴ
ዓይሢ ባኣዚ ማሂ ዒያቶ ባኮ ኔ ዒኬኔ፤
ዛሎ ዓሶኮ ማኣዓሢ ጉሲ ካሎ ኔ ዒያቶ ዓይሴኔ።
- 7 ናይዲ ዴኤቢንቴ ላቤዘንሢ
ካሣንታ ዋኣሢንታ ኔ ላኣጌኔ።
- 8 ሳዒላ ዋልቄና ዓኣ ዓሶ ቆሎ
ዳካ ዓሲኮ ሌሊ ዴኔ ማዕኔ።
- 9 ዜኤሮይንዶ ኩቺ ጉሪ ኔ ዳኬኔ፤
ዜኤሮ ናኣቶኮዋ ዒያቶ ዋይሢ ባኮ ኔ ባይዜኔ።
- 10 ዬያር ኮይላ ኔኤኮ ፒርና ማንጊንቴኔ፤
ዒርቲባኣ መታኣ ኔና ዲቃሣንዳኔ፤
- 11 ዛጋኒ ኔና ባሻንዳያ ሄላንዳኣና ዲሚ ኔና ዓርቄኔ፤
ዲጲ ዋኣሢያ ኔና ዒኤዴኔ።»
- 12 «ፆኦሲ ዴግ ጌዒ ጫሪንጮይዳ ናንጋያቱዋዓዳ?
ዡጎሢ ዋዚ ዴግ ጌዒ ቤሰካ ዓኣያ ማዕቲያ
ዒዚ ዒያቶኮ ዑፃ ማዒ ዒያቶ ዛጋኔ።
- 13 ኔኤኒ ጋዓንቴ፡- «ፆኦሲ ዓይጎ ዒራይ?
ሻኔ ዲሞኮ ሶ ሱካ ዒቂ
ዋዲ ኦጊዳ ዋጋኒ ዳንዳዓይ?
- 14 ጫሪንጮኮ ዑፃ ዒ ሃንታኣና

ሻኔ ዲማ ዒዛ ዓኣቻሢሮ
ዒ ዛጋኒ ዳንዳዑዋሴ፡ጋዓኔ።»

- 15 «ጎሞ ዓሳ ሃንቲ
ሚናኣ ጎይፆ ኔ ሃንታ?
- 16 ዒያታ ዋዳ ዒያቶኮ ሄሉዋንቲ ኩዴኔ፤
ዲጲ ዋኣሢናኣ ፒፂንቲ ባይቄኔ።
- 17 ዒያታ ቢያ ባኮ ዳንዳዓ ጎዳሢ፡- «ኮ ኮይላፓ ሃኬ፤
ኔ ኦሞ ዓይጎ ማዳኒ ዳንዳዓይ?» ጌዒኔ።
- 18 ጋዓንቲ ማኣሮ ዒያቶኮ ፆርጎቹሞና ኩንሢሢ፡፡
ዬያሮ ታኣኒ ፑርቶ ዓሶኮ ማሊፆ ዒኩዋሴ።
- 19 ፑርቶ ዓሳ ሜታዳሢ ዛጊ ዛጊ
ኮዦ ዓሳ ዋዛዳኔ፤
ፒዜ ዓሳ ሂዚ ጌይ ጌይ ዒያቶ ሚኢጫኔ፡-
- 20 «ጎኔ፡ ኦኡኮ ሞርካ ባይቄኔ፤
ዒያቶኮ ዓኣ ባካ ቢያ ታሚና ሚጪ ጋፔኔ።»
- 21 «ዬያሮ ዒዮቤ፡ ኔና ፆኦሲሞ ዋይሢ፤
ኔኤኮ ዒዛና ዋላ ኮሹሞ ዓኣያ ማፆንጎ፤
ኔ ያዲዴቲ ኮሺ ባኣዚ ዴንቃንዳኔ።
- 22 ፆኦሲ ኔና ዒርዛ ዒርዚፆ ዋይዜ፤
ዒዛኮ ቃኣሎዋ ዒና ዒኬ።
- 23 ኔ ቶኦኮ ኔኤኒ ቢያሢ ዳንዳዓ ጎዳ ባንሢ ማሄቶ
ኔኤኒ ቤርታኣሲ ጎይፆ ማዓንዳኔ፤
ኔ ማኣራፓ ፑርቶ ማዳ ባይዜ።
- 24 ዋርቆ ሲላሎይዳ ኬኤሬ፤
ፆፔሬ ዓጮ ዋርቆዋ ዋርዚ ሹቺጉዲ ዲይ ዳኬ፤
- 25 ዬኖ ዋዶና ቢያሢ ዳንዳዓ ጎዳሢ ኔኤሞ
ዋርቄና ጌኤሺ ቢራና ማዓንዳኔ።
- 26 ቢያሢ ዳንዳዓ ጎዳሢ ኔ ዋዛዳንዳኔ፤
ዒዛ ኔ ጉሙርቂ ናንጋዳኔ።
- 27 ዒዛ ኔ ሺኢቃ ዋዶና
ኔ ሺኢቄ ባካ ቢያ ኔኤሞ ማዳንታዳሢሮ
ናኣሶ ኔኤኮ ኔ ጪጋንዳኔ።
- 28 ማሊፆ ቢያ ኔኤኮ ጊኢጋንዳኔ፤
ጎይፆኣ ቢያ ኔኤኮ ፖዒ ማዓንዳኔ።
- 29 ፆኦሲ ፆቶርቃ ዓሶ ዳውሲጎንዳኔ፤
ሹሌዒ ዓሶ ጋዓንቲ ዓውሳንዳኔ።

- 30 ኔኤኒ ዋንዴ ዒሎ ማዕያታቲ
 ያኦሲ ኔ ዛሎሮ ጌይ ፑርቶ ዓሶ ዓውሳንዳኔ።»

23

ዒዮቤ

- 1 ዒዮቤ ሂዚ ጌይ ማሄኔ፡-
 2 «ሃሢያ ታኣኮ ያዪፃ ጫንቺኬ፤
 ማታዲ ማታዲ ታ ዒላቴቲያ
 ያኦሲኮ ኩጫ ታጊዳ ዴኤዒ ዴኤዒ ዓኣኔ።
 3 ዒዚ ዴዳ ቤዞ ዋንዴ ታ ዒራያታቶ
 ዋዚ ታኣም ኮሽካንዳይ?
 ዒዚ ናንጋ ቤዞ ታ ሄሌቶ ዋዚ ታ ዋዛዳንዳይ?
 4 ታኣኮ ዓኣ ማቶ ታ ዒዛም ኬኤዛንዳንቴ፤
 ታ ዒዛ ሞኦታ ሞኦቶዋ ፓይዲ ፓይዲ
 ታ ዒዛም ሺኢሻንዳንቴኬ።
 5 ዋዚ ጌይ ዒ ታኣም ማሃቲያ
 ሃሃዒ ታኣም ዋዚ ጋዓቲያ ታ ዒራንዳንቴኬ።
 6 ጎዖንቴ ያኦሲ ፔኤኮ ዴኤፖ ዋልቆና ታና ሞኦታንዳና?
 ታ ሺኢቃ ባኮ ታኣም ዒ ዋይዛንዳፓዓቲም
 ዬያ ዒ ማዳዓኬ።
 7 ዒኢካ ፒዜ ዓሲ ዒዛና ሞኦታንዳኔ፤
 ታኣኮ ጌኤዞ ጌሰታ ያኦዛሢ
 ናንጊና ታና ማታ ባኣያ ማሂ ኬሳንዳኔ።»
 8 «ጋዓንቴ ዓባ ኬሰካ ባንያ ታ ዓኣዴቲያ
 ዒ ዬካ ባኣሴ፤
 ጊንሣ ዓባ ጌላ ባንያ ታ ማዕቲያ
 ዒዛ ዴንቃኒ ታ ዳንዳዒባኣሴ።
 9 ዒዚ ኬዶ ዛሎና ማዶ ፔኤኮ ማዳኔ፤
 ጋዓንቴ ታ ዒዛ ዴንቁባኣሴ፤
 ዴኦሎ ዛሎ ታ ሺሬቲያ
 ዒዛ ዴንቃኒ ታ ዳንዳዒባኣሴ።
 10 ዒ ታኣኮ ሄያ ቢያ ዒራኔ፤
 ዒ ታና ዋይታቴ ዛጌቶዋ
 ዋርቁጉዲ ጌኤሺ ማዕሢ ዴንቃዳኔ።
 11 ቶካ ታኣኮ ዒዚ ናሽካ ጎይያ ዓኣዳኔ፤
 ሻውላ ሚዛቂ፥ ሴካ ሃንጋ ታ ጎዑዋሴ።

- 12 ቢያ ወዴ ዒዛኮ ዓይሢያ ታ ካፓኔ፤
 ቃኣሎዋ ታ ዒዛኮ ዒና ካፒ ዓኣኔ።»
- 13 «ፆኦሲ ለኣሚንቱዋሴ፤
 ዒዛሞ ዋይዚ ዒፃይ ባኣሴ፤
 ዒ ናሽኬ ባኣዚ ቢያ ማዳኔ።
- 14 ታኣሞ ዒ ማሌ ባኮ ቢያ ማዳ ኩንሣንዳኔ፤
 ዬያጉዴ ሚርጌ ማለሢ ዒዛኮ ዓኣኔ።
- 15 ዬያሮ ዒዛ ቤርታ ዒቂፃ ኮሺ ታና ዒጊቻኔ፤
 ዬያ ታ ማላያ ጎጎጋይቃኔ።
- 16 ፆኦሲ ታኣኮ ዒኖ ባይዜኔ፤
 ቢያ ባኮ ዳንዳዓ ጎዳ ታና ዲቃሢኔ።
- 17 ዋዚ ሻኔ ዲማ ዓኣፖ ታኣኮ ዓርቄቲያ
 ዲሞኮ ዋልቃዲፃ ጌሰቲያ ታና ባሺባኣሴ።»

24

- 1 «ፆኦሲ ዋጎ ዋጋ ወደ ዓይጎር ማንሡዋይ?
 ዒዛኮ ማዳዘንሢ ዬያ ዋጎ ቃኣሎ
 ዓይዲ ሄላንዳኣና ካፓይ?»
- 2 «ፑርቶ ዓሳ ፔ ቤዘ ዳልጊሻኒ ዛጶ ሻሃኔ፤
 ማራቶ ቡሪ ዒኪ ዒኪ ፔ ቆልሞና ዋላ
 ሲኢሪ ሲኢሪ ሄንቃኔ።
- 3 ዜኤሮ ናኣቶኮ ሃሮ ዒያታ ቡሪ ዒካኔ፤
 ዜኤሮ ዒንዴሎኮ ቆሎ ማዒ ጌሜ
 ዒኤቢኮ ዓይሢ ማሂ ዒካኔ።
- 4 ማንቆ ዓሶ ሻኣኪንቲሢና ጎይፃፓ ዒያታ ዳውሳኔ፤
 ዒያቶኮ ቤርታፓ ጳሽኪ ዓኣሺንታንዳጉዲ ማሃኔ።»
- 5 «ማንቆ ዓሳ ዓሲ ናንጉዋ ዳውሎይዳ
 ዓኣ ከርሞሌጉዲ
 ፔኤኮ ናኣቶሞ ሙኡዚ ኮዒኒ ኬሰኪ ሜታዲ ሃንታኔ፤
- 6 ዒያታ ቆልማ ሙዓ ባኮ ፔኤሮ ሙዒኒ ፔኤሞ ቡኩሳንዳኔ፤
 ፑርቶ ዓሶሮ ማዒ ወይኖ ጎዣፓ
 ዒያታ ዚንጋንዳኔ።
- 7 ዒያታ ዋንቶ ጉቤ ካሎ ላሂ ዋርቃኔ፤
 ጨኢዦር ዒያታ ማይንታ ማኣዓ ዒያቶኮ ባኣሴ።
- 8 ዲኮይዳ ዋርቃ ዒሮና ዑፃ ዒያቶኮ ዋዓኔ፤
 ማኣሪ ዒያታ ባይዚ ዴኤፖ ሹጮ ባንሢ ደጨ ዋርቃኔ።»
- 9 «ፑርቶ ዓሳ ዓዴባኣ ዜኤሮ ናኣታ ዒያቶሞ ማዳያ ማዓንዳጉዲ

- ዒንድንሢኮ ደንፃፓ ናኣቶ ቡሪ ዔካኔ፤
 ሜታደ ዓሲኮዋ ናፖ ጋሌ ጨጎያኮ ዓይሢ ባኣዚ ማሂ ዔካኔ።
- 10 ማንቆ ዓሳ ፔቴታፖ ማኣዓ ባኣንቴ
 ማደይዳ ካሎ ኬሰካኔ፤
 ማኣሎ ቡሮ ዋዶና ናኣሮ ኬዲ ኬዲ፤
 ሃሣ ባሲ ባሲ ዔያታ ፔኤሮ ናናይዲንታኔ።
- 11 ፑሮቶ ዓሶኮ ዔቦ ቱኮ ጎዡይዳ
 ሪሚቶ ዓኣፓፓ ኮሾ ዛይቶ ዔያታ ኬሳኔ፤
 ዋይኖ ካፖ ሶያፓ ዔኪ ዑዡ ዔያታ ኮሻኔ፤
 ጋዓንቴ ዔያታ ዴኤቢንታኔ።
- 12 ካታማ ካታማ ሃይቃኒ
 ሳዞ ጋሽካ ዓሳ ዚኢሊንታኔ፤
 ሜቄ ዓሳኣ ማኣዶ ፆኦጨሢና ዒላታኔ፤
 ፆኦሲ ጋዓንቴ ዔያቶይዳ ማዲንቴ ጌሮ ዛገባኣሴ።»
- 13 «ፖዒ ዒፃ ዓሲ ዓኣኔ፤
 ፖዒ ዓይጎ ማዔቴያ ዔያታ ዔሩዋኣሢሮ
 ፖፆኮ ጎይፆ ዔያታ ሃንቱዋሴ።
- 14 ዓሲ ዋዳ ዓሲ ሃጊ ዴሚ ዓኣንቴ ሚኢሪ ዔቄ
 ማንቆ ዓሶንታ ሜታደ ዓሶንታ ዋዳኔ፤
 ዴሚ ዓኣንቴ ዉሎዋይዳኣ ኬሰካኔ።
- 15 ዞኦሰካ ኮኦማ ዓሲ ሳዓ ዓማንዳማ ካፓኔ፤
 ዓይጎ ዓሲያ ዛጉዋጉዲ
 ዓኣፖ ካሮ ፔኤኮ ካንቃኔ።
- 16 ዉሲ ዴሚና ማኣሪ ቦኦኪ ዉኡቃኒ ጌላኔ፤
 ሮኦሮ ጋዓንቴ ዓኣሺንቴ ፔኤቃኔ።
 ፖዒያኣ ዔያታ ዒዒፃኔ።
- 17 ዴሚና ሜቶ ማዢሢ ዔያቶ ዋዛሳሢሮ
 ቢያሢሞ ሻኔ ዴማ ካሬያ ማዓኔ» ጌዒ ማሄኔ።

[ዩካፓ ፆፓሬ:-]

- 18 «ፑሮቶ ዓሳ ዲጲ ዋኣሢና ፒዒንቲ ዔውታንዳኔ፤
 ዔያቶኮ ዓጫ ጋዳንቄንቴያ ማዓንዳኔ፤
 ዔቦ ቱኮ ቤዞዋ ዔያቶኮ ካኣማ ዓሲ ባኣሴ።
- 19 ሻቺ ፆይዲና ዓልቄሞ ዋኣፃኣ ሚጨ ባይቃሢጉዲ
 ጎሞ ዓሳ ሃይቄ፥ ሃይቄ ዓሶ ዓጮ ዴንዲ ባይቃንዳኔ።
- 20 ዓሲ ቢያ ዔያቶ ዋላንዳኔ፤
 ዔያቶ ዒንድንሢታፖ ማሊ ጰቂሢንዱዋሴ፤
 ዓሽኮ ዔያቶኮ ዛኣሌ ሙዓንዳኔ፤

- ዒያቶኮ ፑርቱሞ ማዳ
ደዔ መሢሃውን መቄ ዓታንዳኔ።
- 21 ዬይ ቢያ ዒያቶ ሄሌህ
ዒያታ፡- ናኣታባኣ ዘኣካሂ ላኣሎ ቡሪዖና
ዜኤሮ ዒንደንሂ ማዕ ላኣሎም
ፔቱታዖ መጪንቲባኣሂሮኬ።
- 22 ያኦሲ ጋዓንቲ ፔ ዋልቆና
ቢታንቶይዳ ዓኣ ዓሶ ባይዛንዳኔ፤
ሃሃ ዒ ዳጋዲ ዒቄ ዋደና
ፑርቶ ዓሳ ሸምፔና ዓታዓኬ።
- 23 ዒያታ ኮሺና ናንጋንዳጉዲ ያኦሲ ዓይሄቲያ
ዒያታ ዓኣዳ ጎይዖ ቢያ ኮሺ ዒ ዛጋኔ።
- 24 ፑርቶ ዓሳ ዳካ ዋዴም ዖርጎጫኔ፤
ጋዓንቲ ቤዘማና ሆኦሪጉዲ ሹሊ ባይቃኔ፤
ሃኣኮኮዋ ቶኦኪጉዲ ዒያታ ታይዚንታኔ።
- 25 «ዬይ ያዲ ማዓኒ ዳንዳዑዋሴ» ጋዓ ዓሲ ዓኣ?
ታ ጌዔ ባካ «ሉኩዚኬ» ጋዓ ዓሲ ዓኣ?» ጌይ ማሄኔ።

25

ቢልዳዴ

- 1 ሹሃ ዓጮ ዓሂ፥ ቢልዳዴ፡-
2 «ቢታንቶንታ ዒጊጪንታያ ማዒሂንታ ያኦሲሮኬ፤
ማዢንታ ቢያ ዒጊቹሞና ዒዛም ዋርቃያኬ።
ዒዚ ፔኤኮ ጫሪንጮ ካኣቱሞ ኮሹሞና ካፓኔ።
- 3 ዒዛኮ ያላ ዓሶ መርጉማ ፓይዲባኣያኬ፤
ያኦሲኮ ፖዓ ሄሉዋ ቤሲያኣ ባኣሴ።
- 4 ዓሲ ያኦሲ ቤርቲዳ ዋይቲ ዒሎ ማዓኒ ዳንዳዓይ?
ዓሲ ማዒ ማዢንታዖ
ታ ጌኤሺኬ» ጌይ ሄርሺንታኒ ዳንዳዓ ዓሲ ዓኣ?
- 5 ዬይሮ ያኣዛሂ ቤርታ
ዓጊኖ ፖዓታዖ ጌኤሺኪ ፖዓያቱዋሴ፤
ዡኦጋሂያ ዒዛ ቤርታ ጌኤሺቱዋሴ።
- 6 ዓካራ፡- ፀርቃሌና ዛኣሌናጉዲ ማዕ ዓሲንሂ
ዋማጉዲ ዳካንዳያ ናንዳይ?» ጌዔኔ።

26

ዒዮቤ

- 1 ይካፓ ዒዮቤ፦
- 2 «ይያ ኔኤኒ ጌሰቲዎና
 ለቤሢ ማእዴያ ኔኤም ማላ?
 ኩጫ ለቤሢ ደዲሼጉዲ ኔኤም ጋዓ?
- 3 ዔራታ ፓጩሢም ዓይጎ ዘሮ ኔ ዘሬይ
 ዓይጎ ባእዚ ኔ ዒዛ ዔርዜይ!
- 4 ዓካሪ ሃያ ኔ ጌሰታንዳጉዲ ኔና ማእዴሢ ያናዳይ?
 ኔና ማሊሲ ዔቂሴሢያ ያ ዓያናዳይ?» ጌዔኔ።

[ቢልዳዴ]

- 5 «ሃይቁ ዓሳኮ ሼምፓሢ
 ዴኤፖ ባዘኮ ዴማ ዓኣዖ
 ሚርጌና ዒጊጨሢዳ ዓኣኔ።
- 6 ሃይቁ ዓሳናጋ ዓጫ
 ዖኦሲ ቤርታ ፔጋኣኬ፤
 ዓይጎ ባእዚያ ይያ ዓኣቻኒ ዳንዳዑዋሴ።
- 7 ዖኦሲ ኬዶ ዛሎ ጫሪንጮ
 ጉር ዠባሮይዳ ሂኢሢ፤
 ይያጉዲ ሃሣ ሳዖዋ ዠባራ ሱፄኔ።
- 8 ሻኣራ ዋኣሢ ዓርቃንዳጉዲ ዖኦሲ ማሄኔ፤
 ይይ ዋኣፃ ዴኤዲ ሻኣሮ ዳርዙዋሴ።
- 9 ዒዚ ዓጊኖኮ ፖዖ ሻኣሮና ዓኣቻኔ።
- 10 ፖዖና ዲሞና ዲማሳኒ
 ዴኤፖ ባዘ ዋኣዖኮ ቤርቶይዳ
 ጫሪንጮና ሳዖና ካኣማያ ማላ ቤዘዋ ዛጲ ማሂ ሂኢሢ።
- 11 ዒዚ ዔያቶ ጎራ ዋዶና
 ጫሪንጮኮ ቱርቱራ ዲቃቲዖና ዓጊፃኔ።
- 12 ፔ ዋልቆና ባዘ ዒ ዚቲዳኔ፤
 ፔኤኮ ዔራቶናኣ ሪዓቤ ጌይንታ
 ዴኤፖ ቦዓሢ ዋዲ ባይዛኔ።
- 13 ፔኤኮ ዑኡዘና ዒ ጫሪንጮ ጌኤሻኔ፤
 ፔ ኩጮና ዶርቢንታ ሸኦዣሢያ ጫርጋኔ።
- 14 ይይ ቢያ ዖኦሲ ማዳ ባኮፓ ዳኮንሢኬ፤
 ኦ ዋይዛሢ ዒዛኮ ካሽካሺያ ሌሊኬ፤
 ዒዛኮ ዋልቆ ጉጉንሢያ ዖኦኒ ማሊ ጳቂሣኒ ዳንዳዒያ?» ጌይ
 ማሄኔ።

ዒዮቤኮ ጋፒንዖ ሃይሶ

27

(27:1—30:31)

ዒዮቤ

¹ ዒዮቤ ቃሲ ኬኤዛየ ሂዚ ጌዔኔ፡-

² «ፒዜ ዋጌ ዋጊሂ ዒዲ
ናንጎ ታኣኮ ጫንቺ ማሄ
ቢያ ባኮ ዳንዳዓ ያኣሲ ሃይቆ!

³ ሸምፓሂኮ ዑኡሲ ታኣም ያኣሲ ዒንጌም
ታ ዓኣ ዋዶማና

⁴ ፔቲታየ ፑርታ ባኣዚ ታ ዳንጋፓ ኬሰካዓ፤
ታ ዒንዲርዘና ሉኡዙሞ ታ ጌሰታዓ።

⁵ ዒንሂ ጌዔ ባኮ ቢያ ፒዜኬ ጌይ
ፔቲታየ ታኣኒ ዔካዓ፤

ታኣኒ ሃይቃንዳያ ሄላንዳኣና ጎኑሞና ዶዲያ ታ ሃሻዓ። »
⁶ « <ታ ፒዜኬ> ጌይያይዳፓ ዋይቲቲያ ጊንሂም ታ ጋዓዓ፤
ታ ናንጋ ዋዶይዳ ቢያ ታ ዒና ታና
<ዬያ ቢያና ኔ ዳቤኔ> ጎዑዋሴ።»

⁷ «ታና ዒፃ ዓሶና ማካ ዓሳኣ ቢያ
ጌኔ ዓሲና ዔኤቢ ዋይዚ ዒፃ ዓሲጉዲ
ዔያቶም ዓጊንታ ሜቶ ዔኮንጎ።

⁸ ያኣሲ ሸምፓሂ ዔያቶኮ ዓሽካፓ ዲማሲ
ናንጎ ዔያቶኮ ቃሚሄ ዋዶና
ያኣሲ ዋላ ዓሶኮ ዓይጎ ሃጊ ማዓ ዋዛ ዓኣይ?

⁹ ሜታ ዔያቶ ሄሌ ዋዶና
ያኣሲ ዔያቶኮ ዒላቶ ዋይዛንዳ?

¹⁰ ቢያ ባኮ ዳንዳዓ ጎዳሂና ዔያታ ዋዛዳ?
ቢያ ዋዴ ያኣሲኮ ሱንያ ዔያታ ዔኤላ?»

¹¹ «ያኣሲ ዋልቃ ዋዚጉዲ ዴኤፒታቲያ
ታ ዒንሂ ዔርዛንዳኔ፤

ቢያ ባኮ ዳንዳዓ ጎዳ ማሌ ባኮ ፔጋሲ ታ ዒንሂም
ኬኤዛንዳኔ፤

¹² ዒንሂ ዬያ ቢያ ዔዔራያኬ፤
ዓካሪ ሃያ ማዑዋ ባኮ ዓይጋ ዒንሂ ጌሰታይ?» ጌዔኔ።

[ያፓሬ]

¹³ «ቢያ ባኮ ዳንዳዓ ጎዳ
ፑርቶ ዓሶና ጌሮ ዓሶ ዋጋሂ ዬያ ጎይያኬ፤

- 14 ናኣታ ዔያቶኮ ሚርጌቴያ የልዚና ጋፓንዳኔ፤
 ዘርፃ ዔያቶኮ ሙኡዚ ባይዚ ናይዲንታንዳኔ።
- 15 ዬያይዳፓ ዓቴዘንሢ ሃርጌና ጋፓንዳኔ፤
 ዜኤሮይንዶ ማዔዘንሢያ ዔያቶ ዬኤካዓኬ።
- 16 ቸርቶ ዓሶኮ ማአሻላጉዲ ፓይዲባኣ
 ሚኢሸንታ ማአዎንታ ዓኣያ ማዓኒ ዳንዳዓኔ፤
- 17 ጋዓንቴ ቸርቶ ዓሳ ቡኩሴ ማአዓሢ
 ዒሎ ዓሳ ማይንታንዳኔ፤
 ዔያታ ቡኩሴ ቆሎዋ ጌኤዢ ዓሳ ጊሸቲ ዔካንዳኔ።
- 18 ዔያታ ማዢ ማአራ ሻንጌ ፓቲሌና ማዢና
 ጎሺ ዉዲጉዲያኣ ሻኣሂንታንዳኔ።
- 19 ቸርቶ ዓሳ ጋፒንሢ የርጎቹ ማዒ ሻኣሎይዳ ላሃንዳኔ፤
 ጊንዓሰካፓ ዔያታ ጴጫኣና ጋዓንቴ
 ቆላ ቢያ ዔያቶኮ ባይቃንዳኔ።
- 20 ዲቃቲሢ ዲጲጉዲ ዔሩዋንቴ ዔያቶ ሄላንዳኔ፤
 ዋንቶና ዓልጎ ዢባሬ ዔያቶ ዔካንዳኔ።
- 21 ዓባ ኬሰካ ባንያ ዢባራ
 ዔያታ ናንጋ ቤዛፓ ፒዒ ዔኪ ዓኣዲ ዔያቶ ባይዛንዳኔ፤
- 22 ጳሽኪ ዔያታ ቶላኒ ማላ ዋዶና
 ፔቴታያ ሚጨንቲሢ ባኣያና ዢባራ ዔያቶይዳ ዶዳንዳኔ።
- 23 ዬይ ዢባራ ቶኦቹሢና ኩጮ ፔኤሲ ባዒ ባዒ
 ሃሣ ሱኡሩንሢናኣ ዔያቶ ዒጊቻንዳኔ።»

28

ዔራቶ ጋዳይሲሢና ጌሰቶና ካላሊ

- 1 «ቢሮ ዓንጎ ኬሳኒ ማዒዲኔ ጌይንታ ባካ ቦኣኪንታያንታ
 ዋርቄ ሸኤሸ ቤሲያ ዓኣኔ።
- 2 ዓንጊ ሳዓይዳፓ ቦኣኪንቲ ጴዳኔ፤
 ማዳኣቤ ጌይንታ ባካኣ ሹቹዳፓ ሸኤሸንታ።
- 3 ዓሳ ዲዋይዳ ዓኣ ባኮ ፔጋሲ ኬሳኔ፤
 ዴንዲ ሳዎኮ ዴዋ ሄሊ ሻኔ ዲዋይዳ ዓኣ
 ማዒዲና ሹጮ ኮዓኔ።
- 4 ዓሲ ናንጋ ቤዛፓ ሃኪ ዴንዲ
 ዓሲ ሄሊ ቤቂባኣ ቤሲ ሄላኔ።
 ዒኣካ ኮሺ ዔታዳ ዔቴ ቦኣካኔ፤
 ሱሲዳኣ ሹላሊ ሹላሊ ዓሲዳፓ ዲማዲ ፔኤኮ ማዳኔ።

- 5 ሳባ ሙኡዚም ማዓ ሃኣኮ ባቃልሳኔ፤
 ዒዛኮ ጋራ ጋዓንቲ ታሚና ዓልቂ ባይቃኔ።
- 6 ሴኔፔሬ ጌይንታ ቦንቺንታ ሹጫ
 ዒዛይዳ ዓኣ ሹጮ ባኣካፓ ጴዳኔ፤
 ዒኣኣካ ዓኣ ዓጮይዳፓኣ ዋርቄ ጴዳኔ።
- 7 ዬያ ማዒዲኖ ባንሢ ዔኪ ዓኣዳ ጎይያ
 ከላንቄያ ዔሩዋሴ፤
 ሃምፑራኣ ዴንቁዋሴ።
- 8 ፑርቶ ቦዓ ዬኖ ባንሢ ዓኣዲያ ዓኣዲዋሴ፤
 ዘቢያ ዒኣና ሃንቲዋሴ።»
- 9 «ዓሲ ሳያ ቦኦካኣና ፔ ኩጮና ዓጮ ሹጮ ቡጋኔ፤
 ዲኮዋ ማዢንቶ ፃጵፓ ደይሳኔ።
- 10 ላሎ ቆኦቂ ኬሰኮ ጎይሢ ኮሻኔ፤
 ቦንቺንታያ ማዒ ማዒዲና ኬሰካ ሹጮዋ ዒኣፓ ዴንቃኔ።
- 11 ዋኣሢ ዬያ ማዒዲኖ ባንሢ ዋቱዋጉዲ
 ዋራ ዔቃ ካሮ ዲርቂ ቃዛኔ፤
 ሳያ ዴማ ዓኣቺንቲ ዓኣ ቆሎዋ ዴንቃኔ።
- 12 ዓካሪ፡- ዔራቶ ዓንካፓ ጴዳይ?
 ማሊ ጳቂሥሢኮዋ ቤዛ ዓንካዳይ?»
- 13 «ዔራቶ ሹምፓ ዓኣ ማዢንታ ናንጋ ሳያይዳ ጴዳዋሴ፤
 ዒዛ ዋኣዲም ሻንቺንታቲያ ዔራይ ባኣሴ።
- 14 ዴኤፖ ባዘንታ ዳልጎ ዋኣያንታ
 «ዔራቶ ኑ ኮራ ባኣሴ» ጋዓኔ።
- 15 ዔራቶ ጌኤሺ ዋርቄና ሻንቂንቲዋሴ፤
 ዒዛ፡- «ያኣዴ ቢራ ዔካንዳኔ» ጌይንቲዋሴ።
- 16 ዔራቶ፡- ያፔሬ ጌይንታ ዋርቆንታ ሜሬጌዴንታ
 ሴንፔሬ ጌይንታ ሚዛጶ ሹጮፓኣ ባሺ ቦንቺንታያኬ።
- 17 ዋርቂንታ ጌኤሺ ለማሌኤሺያ ዒዛና ቤቃያቲዋሴ፤
 ዋርቂፓ ኮሾና ፓልሞናኣ ላኣሚንታያቲዋሴ።
- 18 ዔራቶ ከቤና ዓልማዞ ጌይንታ ባኮፓ ቢያ ባሺኬ፤
 ዞቂ ሚዛጶ ሹጮፓኣ ዑሣ ባሻያኬ።
- 19 «ቶጳዚዮኔ» ጌይንታ ዒቶጳያኮ ሚዛጶ ሹጫ ዒዛ ሄሉዋሴ፤
 ኮሺ ጌኤሺ ማዒ ዋርቄናኣ ማላቲንቲዋሴ።
- 20 ሂዴቶ፡- ዔራቶ ዓንካፓ ሙካይ?
 ማሊ ጳቂሥሢያ ዋካፓ ጴዳይ?»

- 21 «ሼምፓ ዓኣ ማዢንቲ ቢያፓ ዒዛ ዓኣሺንቴያኬ፤
ጫሪንጫ ባራና ካፓታዖ ኮይ ዴንቁዋያኬ።
- 22 ባይሲንታና ሃይቢና፡-
ኢ ዒዛ ዛሎ ዔራሢ
ኬኤዚንታ ሃይሴና ሌሊኬ» ጋዓኔ።»
- 23 «ዔራቶ ባንሢ ዔኪ ዓኣዳ ጎይፆና
ዒዛ ናንጋ ቤዘዋ ፆኦሲ ሌሊ ዔራኔ።
- 24 ዓይጎር ጌዔቴ ፆኦሲ ሳዖኮ ጋፖ ሄላንዳኣና ቢያ ዛጋኔ፤
ጫሪንጫኮዋ ዴማ ዓኣ ባኮ ቢያ ዴንቃኔ።
- 25 ዢባርኮዋ ዋልቆ ዒ ማዢ ዋዶና
ዳልጎ ባዘ ዋኣፆዋ ዒ ማኬ ዋዶና
- 26 ዒሮና ጉጉንፆናሞ
ዴምቦ ዒ ገኢጊሼ ዋዶና
- 27 ፆኦሲ ዔራቶ ዛጌኔ፤
ቦንቺሲ ዴጊሴኔ፤
ማሂ ማሂያ ዛጊያ ዶዲሼኔ።»
- 28 «ዒማና ፆኦሲ ዓሲሞ፡-
ዒካሪ ዔራቶ ጌይሢ ፆኦሲ ዒጊጪሢኬ፤
ማሊ ጳቂሥሢ ጌይሢያ ፑርቱሞፓ ሃኪሢኬ» » ጌዔኔ።

29

ዒዮቤኮ ጋፒንፆ ሃይሶ

- 1 ዒዮቤ ኬኤዛዖ፡-
- 2 «ታኣኮ ሃሣኣ ናንጋ
ፆኦሲ ታና ቤርታ ካፓ ዋዶጉዲ ማዔቴ
ዋዚ ታና ዋዛሳንዳይ!
- 3 ዬያ ዋዶና ዴማ ታ ዓኣዳኣና
ፆኦሲ ፔኤኮ ፖፆ ታኣሞ ፖዔሞ
ፖዒዳ ታ ሃንታኔ።
- 4 ፆኦሲ ታኣና ታ ማኣሮ ዓሶና ካፓ
ታኣኮ ዴጋቶ ዋዶጉዲታቴ
ታ ዓይጎ ጋዓንዳይ!
- 5 ቢያ ባኮ ዳንዳዓ ጎዳ ሃጊ ታጊዳፓ ዴማዲባኣሢሮ
ናኣታ ታኣኮ ቢያ ኮይላ ዓኣኔ።
- 6 ቶኮ ታኣኮ ታ ዲኢቂና ማሰታንዳያ ሄላንዳኣና
ሚርጌ ዲኢቂ ታ ዴንቃኔ።

- ታኣኮ ሪሚቶ ሚፃ ሃኣቾ ሳይዳ ቱከንቴንቴታፃ
ዲጲጉዲ ዋታ ሚርጌ ዛይቴ ታ ዔካኔ።
- 7 ካታማ ዓሳ ቡከንታ ጳኦኮ ታ ዓኣዲ
ዋጎ ዋጋ ቤዛ ዴዔ ዋዶና
- 8 ዴጌሢ ታና ዛጋፆ ቦንቾና ታ ቤርታፓ ሺሺኣካኔ፤
ጋርቾ ዓሳኣ ታና ቦንቾ ዴዔ ቤዛፓ ዔቃኔ።
- 9 ዴሮሞ ጌሰቲ ጌሰቲ ዓኣ ሱኡጋኣ ታና ዛጋኣና
ኩጮና ፔኤኮ ዳንጎ ዓርቁ ዚቲዮ ጋዓኔ።
- 10 ዓጮኮ ቢቶ ማዔ ዓሳ ታ ዓኣ ቤዘይዳ ዚቲ ጋዓኔ፤
ዒንዲርዛ ዔያቶኮ ቱኡቲ ጌሰታኒ ዔያቶ ባሻኔ።»
- 11 «ዋይዜ ዓሲ ቢያ ታና ሄርሻኔ፤
ዛጌሢያ ቢያ ታና ጋላታኔ።
- 12 ዬይ ያዲ ማዔሢ፡-
ማንቆ ዓሶኮ ዒላቶ ታ ዋይዚ ዓውሳያና
ዜኤሮ ናኣቶዋ ታ ማኣዳሢሮኬ።
- 13 ሃይቃኒ ዑከ ዓኣ ዓሶ ታ ማኣዳሢሮ
ዔያታ ታና ዓንጄኔ፤
ዜኤሮ ዒንዶ ማዔ ላኣሎዋ ታ ማኣዳሢሮ
ዋዛና ዔያታ ፆኦሲ ቦንቾም ዓይኑም ዓይናዳኔ።
- 14 ዒሉሞ ዓዳ ማኣፆጉዲ ታ ማይንቴኔ፤
ፒዜ ዋጌያ ዓዳ ዴኤፒ ኮኡቴጉዲ
ቃሲ ታ ማይንቴኔ፤ ቆኦቤጉዲያኣ ቶኦካ ታ ዓጌኔ።
- 15 ዓኣፓ ባይቁሢም ዓኣፒ
ዋሶ ዓሶኮዋ ታኣኒ ቶከኬ።
- 16 ማንቆ ዓሶኮ ታኣኒ ዓዶ፤
ታ ዔሩዋ ዓሶማኣ ታኣኒ ታርዢኬ።
- 17 ጌናሢኮ ባንጋሎ ታ ሚንሢኔ፤
ሙዓኒ ዒ ዓርቁሢ ዳንጋፓ ታ ኬይሲሴ።»
- 18 « ታኣኮ ናንጎ ሊዓ ማኣሻላጉዲ ሚርጌሞ
ታ ማኣራ ቦንቾና ዓኣፆ ታ ሃይቃንዳኔ» ታ ጌዔኔ።
- 19 ፃጳ ታኣኮ ቢያ ዋዴ ዋኣሢ ዴንቃያና
ካኣፓኣ ፆልካዳ ሚሢጉዲኬ።
- 20 ቢያ ዋዴ ቦንቾንቴ ጎይሣ ታ ናንጋኔ፤
ዋልቃኣ ታኣኮ ቢያ ዋዴ ዓከ ማዓኔ።
- 21 ዓሳ ታኣም ዋይዚ ዚቲ ጋዓኔ፤
ታ ዘር ዚቲ ጌይ ዒናፓ ዔያታ ዋይዛኔ።

- 22 ጌኤዛ ታኣሲ ዔያቶኮ ዴኤቦ ዛኣራያታሢሮ
ታ ጌሰቴሰካፓ ሜሌ ጌሰታ ዓሲ ባኣሴ።
- 23 ጎሽካ ዓሲ ሌዔ ዒርዚ ዴንቃኒ ኮዓሢጉዲ
ዔያታ ታ ጌኤዛ ዋይዛኒ ዳንጎ ፔኤሲ ሃሺ ካፓ።
- 24 ታ ዓኣፖ ካሮ ፖዒሲ ታኣኒ ሙሰታዛ
ካርቴ ዓኣፖ ካራ ዔያቶኮ ቡሊንቲ ፖዓኔ።
- 25 ታኣኒ ታ ኮዔሢ ጎይፆ ዔያቶ ዋይሣኔ፤
ፆሎ ዓሶ ፔኤኮ ዔኪ ዓኣዳ ካኣቲጉዲ
ታ ዔያቶ ዔኪ ዓኣዳኔ፤
ዔያታ ፆፆ ዋዶናኣ ታ ዔያቶ ዶዲሻኔ።»

30

- 1 «ሃሢ ጋዓንቲ ታጊዳፓ ናንጎና ሃቶ ማዔ ዓሳ ታና ሚኢጫኔ፤
ዔያቶኮ ዓዶንሢ ታኣኮ ማራቶ ሄንቃ
ካናቶና ዋላታፆ ሶኦፓኒ ኮይሱዋ ዓሲኬ።
- 2 ዋልቃ ላቤያና ዑፃ ዔያቶኮ ፆኦፔያ ማዔሢሮ
ታና ዔያታ ዓይጎዋ ማኣዲዋሴ።
- 3 ሜታሢና ናዮና ሚርጌሢሮ
ዓሲ ናንጉዋ ዳውሎ ዔያታ ዓኣዲ ዓኣዲ
ሚሢኮ ፃጺ ኮይ ኮይ ዳዓኔ።
- 4 ዳውሎይዳ ሶኦጌ ሶኦጌ ጋዓ
ዲማ ዲማ ዒላዡ ዔያታ ማንፃኔ፤
ዓኣፁዋያ ማዔ ሳሪንጎ ፃፆ ዔያታ ሙዓኔ።
- 5 ዓሲ ዉሲ ዒላቲ ዒላቲ ዳውሳሢጉዲ
ዔያቶዋ ሃንጎ ዓሶ ባኣካፓ ዳውሲ ዳውሶኔ፤
- 6 ዔያታ ናሽኪባኣፆ ፔኤኮ ናንጎ ቤዞ ዴኖ ዔቶና
ማጎ ዴማ ቆኦፓዴ ዔቶይዳ ማሄኔ።
- 7 ሃሢ ዔያታ ካያ ሃንቲ ሃንቲ ሃራጉዲ ጫኣጋኔ፤
ጊንሣ ቶሾ ዴማኣ ዶጪ ዶጪ ዋርቃ።
- 8 ዢራፓና ጳርቂንቲ ጳርቂንቲ ዓጫፓ ዔያታ ዳውሲንቲሢሮ
ሱንሢ ባይቂ፤ ማለሢባኣያ ማዒ ዔያታ ናንጌኔ።»
- 9 «ታኣኒ ዔያቶኮ ሚኢጪ ዓማሎ ባኣዚ ማዔኔ።
- 10 ሻኣኪንቲ ታ ኮይላፓ ዔያታ ሺኣካኔ፤
ፔቴታፆ ቦርሲንቲባኣያ ታ ቤርታ ዔያታ ጩታ።
- 11 ፆኦሲ ዋልቆ ታኣኮ ላቢሲ ታና ዳውሲሴሢሮ
ዔያታ ቢፃላ ቶሌ ፓሮጉዲ
ታ ዑፃ ዒኪ ሺራኔ።

- 12 ጎሪ ዲቺቦኦ ናኣታ ታና ማንጌኔ፤
 ቶኮ ታኣኮ ዔያታ ኮሪ ኬኤሪ
 ሜቶ ታና ሄሊሳጊ ጊኢጊንቴኔ።
- 13 ታ ሃንታ ጎይያ ዲርቂ
 ታና ባይዛኒ ዔያታ ኮዓኔ፤
 ዬያ ማዲያ ቃዛ ባኣዚያ ዔያቶ ባኣሴ።
- 14 ዲጲ ዑሪ ጌላሢጉዲ
 ኬኤሎ ዲያ ታኣኮ ዔያታ ዳርዚ ጌሌኔ፤
 ቢያ ባኮ ሜንሢ ባይዚ ባይዚ ታጊዳ ዔያታ ሙኬኔ።
- 15 ሚርጌና ታ ዲቃቴኔ፤
 ቦንቻ ታኣኮ ዠባሬ ዠባርሻያጉዲ ማዒ ዓኣዴኔ፤
 ታኣኮ ዳቂንቶኮዋ ሃጊ ማዓ ዋዛ
 ሊኢሎጉዲ ላኣሊንቲ ባይቄኔ።»
- 16 «ሜታሢ ታኣኮ ኮሺ ሚርጌሢር
 ሺምፓሢ ታኣኮ ሃይቃኒ ዑኪ ሜታዴኔ።
- 17 ዋንቶ ዋንቶ ደዲ ሃርጌ
 ሜጌያ ታኣኮ ጋኣጫኔ፤
 ሜታሢያ ታኣኮ ታና ሃውሺሱዋሴ።
- 18 ሃርጋ ታኣኮ ያይዳሢር
 ዓፒላ ታኣኮ ጉርሚ ፑርቴኔ፤
 ሆሌ ዓርቃ ማኣያጉዲ ታና ጨኡሊ ዓርቄኔ።
- 19 ያኦሲ ታና ዶቃላ ዠቢ ኬኤሬሢር
 ሲላሊና ዲቢንሢና ታ ማላኔ።»
- 20 «ታ ያኦዛሢዮ! ታ ኔ ባንሢ ዒላቴኔ፤
 ኔ ታኣም ጋዓንቴ ማሂባኣሴ፤
 ዔቂ ታ ኔና ሺኢቄኔ፤
 ጋዓንቴ ኔ ታኣም ዋይዚባኣሴ።
- 21 ኮሺ ኔ ታኣም ዶዴኔ፤
 ኔኤኮ ዴኤፖ ዋልቆና ኔ ታና ዳውሴኔ።
- 22 ዠባራ ዔቂሲ ዔካንዳጉዲ ኔ ታና ማሄኔ፤
 ዓልጎ ዠባሬናኣ ኔ ታና ቡምባልሴኔ።
- 23 ዓሲ ቢያም ዓቱዋያ ማዔ ሃይቢም
 ኔ ታና ዓኣሢ ዒንጋንዳሢ ታ ኔና ዔሬኔ።
- 24 ሎኦሚ ሜቄ ዓሲ ሜታዲ ማኣዶር
 ኩፎቴ ፔኤሲ ዔቂሲ ዒላታዛ
 ደዳ ዓሲ ዓኣ?
- 25 ታኣኒ ሜታዴ ዓሶ ዬኤኪባኣዓዳ?

- ማንቆ ዓሶዋ ሚጨንቲ ታኣኒ ማኣዲባዓዳ?
 26 ኮሺ ባኣዚ ዴንቃንዳኔ ጌይ ታ ማላዛ
 ፑርታ ባኣዚ ታና ሄሌኔ፤
 ፖሊ ታኣሞ ኬሰካንዳኔ ጌይ ታ ካፔንቲ
 ሮኦራ ታኣሞ ዲሜኔ።
 27 ማሊያና ታ ሜታዴኔ፤
 ኮሹሞ ታ ዴንቃኒ ዳንዳሊባኣሴ፤
 ኬላ ኬላ ዋኣዪፃ ታኣኮ ሚርጊ ሚርጊ ዓኣዴኔ።
 28 ዑፃ ታኣኮ ዓቢ ሚቹምቱዋንቲ
 ፆዪያና ካርቲኔ፤
 ዓሳ ቡኪንታ ጳኦኮይዳኣ ዔቂ ማኣዶ ታ ፆኦጫኔ።
 29 ዓሲዳፓ ዲማዲ ዉኡኮኮ ታ ጌርሲ ማዔኔ፤
 ቱኡቲኮዋ ታ ላጌ ማዔኔ።
 30 ታኣኮ ካርቲ ዑፃ ጎኦጊ ጎኦጊ ኬዳኔ፤
 ዑፃ ታኣኮ ቆሦና ዔኤታኔ።
 31 ዋዞ ታኣኮ ታ ፔጋሲ ዔርዛ
 ፔቴ ሻዦና ዋርቆ ጎኦሎና ዲንካሢና
 ሃሢ ታኣኮ ፆዪያ ታ ቃዪ ዋይዚሳ ዓንጋሞ ማዔኔ።»

31

- 1 «ሚዛጺ ዉዴሮ ናይና ላሃኒ ታና ሱኡካሱዋጉዲ
 ታ ዓኣፖና «ዛጋዒ» ጌይ ታ ጫኣቄኔ።
 2 ዬያ ዛሎ ፆኦሲ ሎፓ ታኣሞ ዓይጎ ዒንጌይ?
 ጫሪንጫ ዓኣ ቢያ ባኮ ዳንዳዒ ፆኦዛሢዳፓ
 ታኣሞ ጎፆና ባካ ዓይጎዳይ?
 3 ፑርቶ ዓሶይዳ ዲማ ዲማ ሜታ
 ዳቢንቲ ዓሶይዳኣ ባይሲንታ
 ሄላሢ ዔርቲያቱዋዓዳ?
 4 ፆኦሲ ታ ማዴ ባኮ ቢያ ዛጉዋዓዳ?
 ሃሢ ታ ሃንቲ ሃንቲያዋ ዒ ፓይዲዋዓዳ?»
 5 «ሉኡዚ ባኣዚ ታኣኒ ጌሰቲባኣያታሢ
 ዓሲያ ታኣኒ ጌሺባኣያታሢ ታኣኒ ጫኣቃኔ፤
 6 ዬይ ጎኔ ማዒያ፡- ፆኦሲ ዴኤሡሞ ዔር ባኮ
 ፒዜሢዳ ጌሢ ታና ዛጎንጎ፤
 ታኣኮ ፂሉሞና ዲዲያዋ ዔሮንጎ።
 7 ፒዜ ጎይፃፓ ታ ኬሰኬያ ማዔቲ

- ዓኣፓ ታኣኮ ዛጌሢ ቢያ ዒና ታኣኮ ዓፃጴያ ማዕቴ
 ሃሣ ኩጫኣ ታኣኮ ጎሜና ኪንቄያ ማዕቴ፤
- 8 ታ ጎሽኬ ሃኣኮ ሜሌ ዓሲ ሙዖንጎ፤
 ታ ባቃላ ቢያ ቱጊንቲ ባይቆንጎ።
- 9 ዒና ታኣኮ ሜሌ ላኣሊ ናሹሞና
 ዲዒንቲ ዔውቴያ ማዕቴ
 ታኣኮ ዓሺናሢ ማቾ ዴንቃኒ
 ዒዛኮ ካራ ካቲ ታ ዴዔያ ማዕቴ
- 10 ታ ማቻ ሜሌ ዓሲሞ ዋንሢ ዋዲያ ማዒ ማድንጎ፤
 ሃሣ ዒዛ ሜሌ ዓቲንቄና ላሆንጎ።
- 11 ዩይ ማዳ ዋጌና ዓይሢሳያታሢሮ
 ዴኤፒ ዳቢንቲኬ።
- 12 ዩይ ጎማ ታሚጉዲ ሚቺ ባይዛያታሢሮ
 ታኣኒ ዩይ ማዴያ ማዕቴ ታኣኮ ቆልሞ ቢያ
 ዩይ ጋፒሴያ ናንዳኔ።»
- 13 «ታኣኮ ማዳ ማዳ ዓቲንቆና ላኣሎና
 ታ ዔያቶሞ ጌስታንዳጉዲ ታኣሞ ዔያታ ኬኤዜንቲ
 ታ ቶኦቼያ ማዕቴ
- 14 ዖኦሲ ፔኤኮ ዳጎና ታና ዋጋኒ ዔቄ ዋዶና
 ዓይጌ ታኣሞ ኮሽካንዳይ?
 ዋጎና ታና ዒ ዖኦጫ ዋዶና
 ታና ዖኦጫ ዖኦጪያሞ ዋዚ ጌይ ታ ማሃንዳይ?
- 15 ዒንዶ ጎጶይዳ ታና ማዢሢ
 ታኣኮ ማዳ ዓሶዋ ማዢሢቱዋዓዳ?
 ኑና ቢያሢ ኑ ዒንዶንሢ ጎጶይዳ ጎጶይዳ
 ማዢሢ ዒዛ ቱዋዓዳ?»
- 16 «ማንቆ ዓሳ ሺኢቃ ባኮ ላኣጊ ታ ዔሩዋሴ፤
 ዜኤሮ ዒንዶንሢያ ዶዲሺሢዳፓ
 ጊንሢሞ ጌይ ታ ዔሩዋሴ፤
- 17 ዜኤሮ ናኣታ ጉሪ ዋርቃንቲ
 ታ ታኣሮ ሙይ ዋርቄ ዋዴ ባኣሴ።
- 18 ታኣኮ ዴጋቶ ዋዶይዳፓ ዓርቃዖ
 ታ ዔያቶኮ ዓዶ ማዒ ናንጌኔ፤
 ታ ናንጎ ዋዶ ቢያይዳ ዜኤሮ ዒንዶንሢ ታ ማኣዴ።
- 19 ሜታዴ ዓሳ ማኣዖ ባኣዚ ባይዚ፤
 ካላዲ፤ ሃሣ ጪኢሺና ዔያታ ሜታዳንቲ ታ ዛጊ

- 20 ታኣኮ ማሬቶ ጋፓኖና ኮሺንቲ ማኣዓሢ
 ታ ዔያቶም ዒንጉዋዖ ዓቲ ዋዴ ባኣሴ።
 ዬያሮ ዔያታ ጉቤ ዒናፓ ታና ጋጋላታኔ።
- 21 ዓሳ ቡካ ጳኦካ ታኣኒ ዔርቲያኬ ጌዒ
 ዜኤሮ ናኣቶ ታ ኩጮና ታኣኒ ሌኤቂንሣያ ማዔቲ
- 22 ሻላ ታኣኮ ጌኤታፓ ኬሰኮንጎ፤
 ካኣላሢዳፓኣ ሸኦሊንቲ ኬዶንጎ።
- 23 ዬያ ታ ማዳሢ ያኦሲኮ ጎሪንቶ ታ ዒገጫሢሮና
 ዒዛኮ ዲቃሣ ዴኤፑሞሮ
 ዒዛ ቤርታ ዔቃኒ ታ ዳንዳዑዋሢሮኬ።»
- 24 «ታኣኒ ታ ቆሎና ጉሙርቂንቲ ቤቂባኣሴ፤
 ጊንሣ ጌኤሺ ዋርቄያ ታኣኮ ጌኤቂንቶያ ታ ማሂባኣሴ።
- 25 ታኣኮ ቆላ ሚርጌኔ፤
 ዖርጎቹሞንታ ሚርጌ ሚኢሸንታ ታ ዴንቄኔ
 ጌይ ታ ዋዛዲ ቤቂባኣሴ።
- 26 ዓቦኮ ፖዒያ ሚዛጰሞ
 ዓገሮኮዋ ዖይዲ ፖዒያ ታኣኒ ዛጊ
- 27 ዒና ታኣኮ ጋርሲና ዬያቶና ዲዒንቲባኣሴ፤
 ታ ኩጮዋ ታኣኒ ፒሺ ሄርቂሢና
 ቦንቾ ታ ዔያቶም ዒንገባኣሴ።
- 28 ዬያ ማዳፃ ሎ ዑፃ ዓኣ ጎዳሞ
 ጉሙርቂንቲዋያ ማዒሢታሢሮ
 ዬንሢ ማዳፃ ሃይቢ ዔኪ ሙካ ጎሜኬ።»
- 29 «ታና ዒፃ ዓሳ ሎኦሚሢሮ ታ ዋዛዲባኣሴ፤
 ፑርታ ባኣዚያ ዔያቶ ሄላዛ ታ ኮኦሚባኣሴ፤
- 30 ታ ሞርካ ባይቆም ጌይ ጋዳንቂሢና
 ፔቲታዖ ታ ጎሜ ማዳዲባኣሴ።
- 31 ቢያ ዋዴ ሸኦቹ ታ ዔካያ ማዒሢ
 ታኣኮ ማዳ ዓሳ ታኣም ማርካዳኔ።
- 32 ጎይሢ ዴንዳንቲ ሳዓ ዓሜ ዓሲ ዙልካ ዋርቂዋጉዲ
 ታ ማኣሪ ዔኪ ዓኣዲ ታ ዔያቶ ዋይሣኔ። »
- 33 «ዳቢንቲ ታ ጋራ ታኣኒ ዱኡኪባኣሴ፤
 ሜሌ ዓሶጉዲ ታ ጎሜ ታ ዓኣቹባኣሴ።
- 34 ዴሮኮ ሚርጉማ ታና ዒገቹም
 ታ ማኣሮ ዓሶኮዋ ቶኦቹፃ ታና ዲቃሢም
 ታ ማኣሮይዳ ዳንጋ ባይቂ ታ ዓኣሺንቲ ዋዴ ባኣሴ።»

- 35 «ታኣም ዋይዛ ዓሲ ታ ዳንቃቶ ዓይኅ!
 ታኣኒ ጎኔ ጋዓኔ፤
 ቢያ ባኣዚ ዳንዳዓ ጎዳ ታኣም መሆንኅ!
 ታና ዋጎና ዓይሢሳሢ፡- ዒ ዓይሢሳ ባኮ
 ፓይዲ ፓይዲ ሸኢሽም ታ ዛጋቴ ዓይኅ!
 36 ታኣም ዒንጎና ባኣዚጉዲ ጌኤታ ታ ጌሣንዳንቴኩ፤
 ቦንቾሮ ቶኦካ ዓጎ ባኮጉዲያኣ ቶኦካ ታ ዓጌያ ናንዳኔ።
 37 ቢታንቶ ዓኣ ዓሰጉዲ ፆኦሲ ቤርቶይዳ ታ ጫርቂ ዔቂ
 ታ መጫ ባኮ ቢያ ፓይዲ ፓይዲ ኬኤዛንዳንቴኩ።»
 38 «ዓሲኮ ጎሺ ታኣኒ ጨቦና
 ቡሪ ዔኪ ጎሽኬያ መዓቴ፤
 39 ዬና ጎዠይዳ ባቃሌ ሃኣኮ ዔኤቢ ጪጉዋዎ
 ቡኪሲ ዔኪ ታ ሙዒ ዔያቶ ፆዬሴያ መዓቴ፤
 40 ዬና ጎዠሎይዳ ዛርጋሢ ዛሎ ዓንገሢ፤
 ዔልዓሢ ቤዞ ሆኦሪ ባቃሎንጎ!» ጌዔኔ።

ዬያይዲ ዒዮቤኮ ጌኤዛ ጋፔኔ።

ዔሊሁ ጎዎሢ ጌሰቴ ጌኤዞ

32

(32:1—37:24)

- 1 ዒዮቤ፡- «ታኣኒ ዒሎ ዓሲኬ» ጌዒ ፔ መሊዎና ዶዴሢሮ ሃይሦ
 ዓሰንሢ ጌኤዞ ሃሽኔ።
 2 ዒዮቤ ፔና ዒሎ መሃ፥ ፆኦሲ ዳቢንቴያ መሃ ፓይዴሢሮ ራመ
 ዜርፃፓ መዓ ቡዛ ዓሲ መዓ ባርኬሌ ናኣዚ፥ ዔሊሁ መርጌና
 ዳጋዴኔ።
 3 ዒዮቤኮ ላጎንሢ ዒዮቤ ዔያቶ ፆኦጫሢኮ ኮይሳሢጉዲ መሃ
 ኬኤዚ ዒዛ ላሢኒ ዳንዳዒባኣዎ ዒዮቤ ዳቢንቴያ ሌሊ መሃ
 ፓይዴሢሮ ዔሊሁ ሃሣ መርጌና ዳጋዴኔ።
 4 ዔሊሁ ሃንጎዋቶይዳፓ ናኣቶ መዓሢሮ ቢያሢ ዒዮቤም ኬኤዚ
 ጋፒሳንዳያ ሄላንዳኣና ዒ ጌሰታንዳ ዋዶ ጊቢ ዚቲ ጌይ ካፔኔ።
 5 ሃይሦ ዓሳ ዒዮቤ ፆኦጫሢኮ ኮይሳሢጉዴያ መሃ ኬኤዛኒ
 ዳንዳዒባኣሢ ዒ ዛጋዎ መርጌና ዳጋዴኔ።
 6 ዬካፓ ዔሊሁ፡-
 «ታኣኒ ዒንሢዳፓ ጌኤዛታያኩ፤
 ዒንሢ ጋዓንቴ ጋርቹኬ፤
 ዬያሮ ታ መሊዎ ታ ዒንሢም ኬኤዛኒ ዒጊጨኔ።

- 7 ጋርቻ ቤርታዲ ጌስቶንጎ፤
 ዔያታ ናንጌ ያዶዞ ሌያይዳ ዴንቄ ዔራቶ
 ዒዛ ዔርዘንጎ ታ ጌዔኔ።
- 8 ጋዓንቲ ዓሲ ጋርካ ማዒ ዔራቶ ዒንጋሢ
 ዴኤፖ ፆኦዛሂኮ ሽምፖ ዒንጋ ዑኡዞኬ።
- 9 ዓሲ ዔራ ማሃሢ ጋርቻቶቹዋሴ፤
 ፒዜ ባኣዚ ማሊ ጳቂሢያ ማኣዳሢ
 ሚርጌ ለዔ ናንጊሢቲዋሴ።»
- 10 «ዴያር ታኣኒያ ታ ማሊያ ዒንሢም ኬኤዞም፤
 ዒንሢያ ዒናፓ ዋይዙዋቲ።
- 11 ዒንሢ ጌስታ ዋዶና
 ታ ጌቢ ዒንሢሲ ዚቲ ጌይ ዋይዜኔ፤
 ዔራቲ ጌስቶ ጎይያ ዒንሢ ኮዓኣናኣ
 ታ ዒንሢሲ ዋይዜኔ።
- 12 ዒናፓ ታ ዒንሢሲ ዋይዜኔ፤
 ጋዓንቲ ያኣኒያ ዒዮቤ ጌስቲ ማሃኒ ዳንዳዔ ባኣሴ፤
 ዒንሢዳፓ ዒ ጌስቲ ጌኤዞም ጌዳያ ማሂ
 ዒዛም ኬኤዜ ዓሲ ባኣሴ።
- 13 ዒዮቤም ጌዳያ ማሂ ኬኤዛኒ ዳንዳዔ
 ፆኦሲዳፓዓቲም ዓሲቱዋሢር
 ዒንሢ <ዔራቶ ኑ ዴንቄኔ> ጌይ ጉሪ ሄርሺንቲፖቲ።
- 14 ዒዮቤ ማርሜሢ ዒንሢና ማዓንዳፓዓቲም ታኣናቲዋሴ፤
 ታኣኒ ዒንሢ ጌስቲ ጎይያ ዒዛም ማሂ ኬኤዛዓኬ።»
- 15 «ዴያ ዒ ጌዔሢር ዔያታ ዲቃቲ
 ጎፆንዶ ጎይሢ ባይዜሢር
 ፔቲታያ ዔኤቢ ጋዓኒ ዔያታ ዳንዳዒባኣሴ።
- 16 ማይ ሃይሾ ዔያታ ጎፆንዶ ባኣዚ ባይዚ ዚቲ ጌይ ዔቄኔ፤
 ዓካሪ ዔያታ ዚቲ ጌዔቲ
 ታኣኒያ ጌቢ ዚቲ ጌይ ካፓንዳያ ኮይሳ?
- 17 ያዲቱዋሴ! ታ ዛሎና ማሂ ታ ዒዛም ኬኤዛንዳኔ፤
 ታኣኮ ዓኣ ማሊያም ታ ዒዛም ፔጋሲ ኬኤዛንዳኔ።
- 18 ሚርጌ ታ ኬኤዛ ባኣዚ ዓኣሢር
 ማይ ታኣኒ ዚቲ ጋዓኒ ዳንዳዑዋሴ።
- 19 ጎጳ ታኣኮ ዲኡቃኒ ዑኬ
 ሺሜ ዋይኖ ዑዡ ዋሆና ሱርባጉዲ ጋኣቤኔ።
- 20 ታ ጌስቲም ዬይ ጋፖንጎ፤
 ታ ዳንጎና ማሂ ታ ዒዛም ኬኤዛንዳያ ኮይሳ።
- 21 ሃያ ጌኤዞና ያ ዛላ ማዒያኣ ታ ጌስታዓ፤

- ሃሣ ያናኣ ታ ጋዳይሳዓኬ።
 22 ታኣም ዓሲ ጋዳይሲሢ ማዑዋሴ፤
 ዬያ ታ ማዳያታቲ
 ታና ማዜሢ ዑኩና ባባይዛንዳኔ።»

33

- 1 «ዒኤዞ ዒዮቤ! ታ ኔኤም ኬኤዛሢ ዋይዜ፤
 ታ ኔኤም ጋዓ ባኮዋ ኮሺ ዒና ዒኬ።
 2 ታ ኔኤም ማሂ ኬኤዛኒ ገእጊንቴ፤
 ዒንዲርዛኣ ታኣኮ ጌሰታኒኬ።
 3 ታ ጋዓ ባካ ዒኖኮ ታኣኮ ፒዙሞ ዒርዛኔ፤
 ዒንዲርዛኣ ታኣኮ ጎኑሞ ጌሰታኔ።
 4 ታና ማዜሢ ያኦሲ ዓያናኬ፤
 ሸምፖ ታኣም ዒንጌሢ ቢያ ባኮ ዳንዳዓ ጎዳኮ ዑኡዞኬ።»
- 5 «ኔ ዳንዳዓያ ማዒቲ ታ ጋዓ ሃይሶ ማሂ ታኣም ኬኤዜ፤
 ማርማሢ ገእጊሺ ዒቂ ታኣና ማርማ።
 6 ኔናንታ ታናንታ ያኦሲ ቤርታ ኑ ሂኮኬ፤
 ለምዓሢ ኑ ማዢንቴሢ ዓጪዳፓኬ።
 7 ዬያር ኔ ታና ዒጊጫንዳያ ኮይሱዋሴ፤
 ታኣኒ ኔኤና ማርማያና ኔኤም ጌኤታዳያ ማዓኒ ኮዑዋሴ።»
- 8 «ጎኔኬ፤ ኔ ኬኤዜ ባኮ ቢያ ታ ዋይዜኔ፤
 ኔ ዒንዲርዛፓ ኬሰኬ ባኮዋ ታ ዒኬኔ።
 9 ኔኤኒ ኬኤዛዎ፡- «ዳቢንቴና ዒኤቢያ ታኣኮ ባኣያ፤
 ታ ጌኤሺ ዓሲኬ፤
 ፔቲታዖ ታ ጎሜ ማዲባኣያ ፂሎ ዓሲኬ፤
 10 ጋዓንቴ ያኦሲ ታና ሜታሳኒ
 ታ ጋዓ ባኣዚ ዋይዛኒ ኮዓኔ፤
 ዓዳ ፔኤኮ ሞርኬጉዲ ታና ማሄኔ።
 11 ቶኮ ታኣኮ ዲፆና ዓይሣኔ፤
 ታ ዓኣዳ ጎይዖዳ ቢያ ዒ ታና ዛጋኔ ኔ ጌዒኔ።»
- 12 «ዒኤዞ ዒዮቤ! ዬይ ሃይሳ ኔኤኮ ዳቢንቴ ማዒሢ
 ታ ኔና ዒርዛኒ ኮዓኔ፤
 ያኦሲ ዓሲዳፓ ቢያ ባሽኬ።
 13 ዓካሪ፡- «ያኦሲ ዓሲ ሃይሴ ዋይዙዋሴ ጌይ

- ዓይጋ ኔ ያኦሲዳ ዳጋዳይ?
 14 ዓሲ ማሊ ጰቂሠዋፓዓቱም
 ያኦሲ ዱማ ዱማ ጎይሢና ኬኤዛኔ።
 15 ዋንታ ዓሲ ፔኤኮ ሻኦሎይዳ ላሂ
 ዴኤፒ ጊንጾይዳ ዓኣነቱ
 ያኦሲ ዓውቲና ፔ ዳዋ ባኣዚና ኬኤዛኔ።
 16 ዒማና ዓሳ ዒዛኮ ቃኦሎ ዋይዛንዳጉዲ ዒ ማሃኔ፤
 ዒያቶም ኬኤዛ ላቲያና ዒያቶ ዲቃሣኔ።
 17 ዬያይዲ ዓሳ ጎሜ ማደሢዳፓ ካፒንታንዳጉዲ ማሃኔ፤
 ያቶርሙዋዋ ዒያቶይዳፓ ባይዛኔ።
 18 ሼምፓሢ ዒያቶኮ ባይሰንታፓ ዒ ካፓኔ፤
 ዳማ ዳማ ዋዳ ዶርፖፓኣ ዓውሳኔ።
 19 ጊንሣ ሃሣ ዓሶኮ ሜጌያ ጋራ ጋፑዋ ዶርዓ ጌሌም
 ሻኦሎይዳ ላሂ ሜታዳንዳጉዲ ማሃኔ።
 20 ዬያይዲ ሃርጊንቱ ዓሲ ሙኡዚ ዳንጋ ጌሠዋጉዲ ዒሣኔ፤
 ዓኣሢ ሙኡዚታፖ ዒዛ ዒዒሣኔ።
 21 ዑፃ ዒዛኮ ያኦፒ ላይታኔ፤
 ዓንዲርሙማ ባይቂ ሜጌያ ጰዳኔ።
 22 ናንጋ ዒዛኮ ጋፒ
 ሼምፓሢያ ዒዛኮ ሃይቄ ዓሶ ዓጮ ኬዳኒ ዑኬኔ።»
- 23 «ዓሲም ፒዜ ጎይሢ ዳዋያ
 ሼያና ፓይዲንታ ያኦሲ ኪኢታንቾፓ ፔቲይ
 ዒዛ ባንሢ ሙኪ ዒዛ ማኦዳንዳያ ናንዳኔ፤
 24 ኪኢታንቾሢ ዒዛ ሚጪንቲ፡-
 ታ ዒዛ ዓይሳንዳ ጎይሢ ዴንቄሢሮ
 ዒ ዱኡኪንቱዋጉዲ ዒዛ ሃሼ!፤ ጌዒ
 ሃይቢ ዓይሣንዳኔ።
 25 ዬያሮ ዑፃ ዒዛኮ ጊንሣ ናይ ዑሢ ማዓንዳኔ፤
 ዑፃ ዒዛኮ ቤርታ ዴጌ ዓኣሢጉዲ ማዓንዳኔ።
 26 ዒማና ዒ ያኦሲ ሼኢቃንዳኔ፤
 ሼኢጰዋ ያኦሲ ዒዛኮ ዋይዛንዳኔ፤
 ዒዚያ ያኦሲኮ ዓኣፖ ካሮ ዛጊ ዋዛዳንዳኔ፤
 ያኦሲያ ዒዛኮ ዒሉሞ ዛሎ
 ዒዛም ማዓ ባኣዚ ጪጋንዳኔ።
 27 ዬያሮ ዒዚ ዓሶ ቤርታ፡-

- ታ ጎሜ ማዳኔ፤
 ፒዜ ባኮዋ ታ ዋቢሠኔ፤
 ፆኦሲ ጋዓንቴ ታኣም ታኣኮ ዳቢንቶጉደያ ሜቶ ዒንገባኣሴ።
 28 ሃይቄ ዓሶ ዓጮ ከዲሢፓ ዒ ታና ዓውሶኔ፤
 ዓካሪ ሃሢ ሸምፔና ዓኣያ ማዒ ፖዒ ታ ዛጋኔ
 ጌይ ዓይናዳንዳኔ።»
 29 «ሃሢ ፆኦሲ ዬያ ባኮ ቢያ
 ዓሲም ማሂ ማሂ ማዳኔ።
 30 ናንጊኮ ፖዒ ዛጋንዳጉዲ
 ሸምፓሢ ዲኡፓፓ ዒ ዛኮ ማሃኔ።»
 31 «ዒኤዞ ዒዮቤ! ታ ኔኤም ከኤዛሢ ኮሺ ዋይዜ፤
 ሂንዳ ኔ ዚቲ ጌዔ፤ ታ ኔኤም ከኤዛም።
 32 ኔ ጋዓ ባኣዚ ዓኣቶ ማሂ ታኣም ከኤዜ፤
 ታ ኔና ዓይላቶፓ ከሳኒ ኮዓሢሮ ኔ ጌሰቴ።
 33 ሃንጎ ዚቲ ጌይ ታ ጋዓሢ ዋይዜ፤
 ታ ኔና ዔራቶ ዔርዛንዳኔ» ጌዔኔ።

34

- 1 ዒሊሁ ገንሣ ጌሰታዮ፡-
 2 «ዒንሢ ሃይ ዔር ዓሳ ታ ጋዓሢ ዋይዙዋቴ፤
 ዒንሢ ሃይ ጨንጮ ዓሳ ታኣሲ ዒናፓ ዋይዙዋቴ።
 3 ሙኡዚ ዋማዲታቴያ ዒንዲርሲዳ ዔርታሢጉዲ
 ጌኤሲ ጌሰቶ ጎይሢያ ዋይዚዳ ዲማዲ ዔርታኔ።
 4 ፒዜ ማዔ ባኣዚ ኮሺ ኑ ዛጊ ደኦሮም፤
 ኮሺ ማዔ ባኣዚያ ዋላ ኑ ዔርም።
 5 ዒዮቤ፡- ታኣኒ ጌኤሺኬ፤
 ፆኦሲ ጋዓንቴ ፒዜ ዋጊሢ ታኣም ዒፆኔ።
 6 ታኣኒ ጎኔ ዓሲታዮ
 ሉኡዚ ዓሲ ማዒ ፓይዲንቴኔ።
 ፔቲታዮ ዳቢንቲ ታኣኮ ባኣንቴ
 ፓፀዋ ከሢና ታ ሜታዳኔ» ጌዔኔ።»
 7 «ዒዮቤጉዲ ፆኦሲዳ ለቂ ጌሰታ ዓሲ
 ጎዮንቴ ጴዳንዳኣሲንታኔ?
 8 ዒዛኮ ላጎንሢ ፑርታ ማዳያኬ፤
 ዒ ፔኤቃሢያ ፑርቶ ማዳዘንሢናኬ።

- 9 ጾኑሲ ዋዛሲሢ
 ዓሲም ዓይጎዋ ማእዲዋሴ፤ ዒ ጋዓኔ።»
- 10 «ሂንዳ ዒንሢ ማሊ ጸቂሣያ ማዔ ዓሳ ዋይዙዋቴ!
 ጾኑሲ ፑርታ ባኣዚ ማዳኒ
 ዳቢንቲያ ማዳኒ ቢያ ባኮ ዳንዳዓ ጎዳፓ ሃኮም!
- 11 ጾኑሲ ዓሲም ዓሢ ማዳማ ጉዴያ ጨጋኔ፤
 ዒ ሃንቲማ ጎይፆዋ ኮይሳሢጉዴያ ማዳኔ።
- 12 ቢያ ባኮ ዳንዳዓ ጎዳሢ
 ፔቲታፆ ፑርታ ባኣዚ ማዳዋሴ፤
 ጾኒዳኣ ዒ ዋጌ ዋቢሱዋሴ።
- 13 ዓጮ ጾኑሲ ዋይሣንዳጉዲ
 ጾኑሲም ሃዳራና ዒንጌ ዓሲ ባኣሴ፤
 ዓጮ ዑፆይዳ ዒዛ ሱኡጌ ማሂ ደኣሬ ዓሲያ ባኣሴ።
- 14 ጾኑሲ ፔኤኮ ዓይናንታ ዑኡዘዋ
 ፔ ባንሢ ማሃኒ ማሉቲ፤
- 15 ዓሲ ዜርሢ ፔቲና ቢያ ባይቁያናንዳኔ፤
 ጌንሣ ዓጮ ባንሢያ ማዔያ ናንዳኔ።
- 16 ኔ ማሊ ጸቂሣያታቲ ሃያ ዋይዜ፤
 ታ ጌኤዘዋ ዒናፓ ዋይዜ።
- 17 ፒዜ ዋጌ ዒያያ ዋይሣኒ ዳንዳዓ?
 ዒላሢና ዴኤፖ ጾኣዛሢና ኔኤኒ ዳቢንቲያኬ ጋዓኒ ዳንዳዓ?
- 18 ካኣቲ ኮይላ፡- ኔ ፓሡዋያኬ፤
 ፖኦሊሶ ዓይሣ ሱኡጎዋ፡-
 «ዒንሢ ፑርታኬ» ዔያቶ ጋዓይ ያናዳይ?
- 19 ቢያሢ ማጐሢሢ ጾኑሲታሢሮ
 ዒዚ ፖኦሊሶ ሱኡጎ ዛላ ሌሊ ዔቃዓኬ፤
 ያርጎጫሢ ማንቃሢፓ ዴማሳዓኬ።
- 20 ሳዓ ጊዲሚሺ ማዓዛ ዓሲ ቤዛ ሃይቃኒ ዳንዳዓኔ፤
 ዒዚ ጎጋይቃንቲ ሸምፓሢ ዒዛኮ ኬሰካኔ፤
 ዋልቆና ዓኣ ዓሳ
 ዓሲ ዔያቶ ፔ ኩቻ ካኣሙዋንቲ ባይቃንዳኔ።
- 21 ጾኑሲ ዓሲኮ ቢያ ሃንቲያ ፓይዲ ዛጋኔ።
 ፔቲ ፔቲሢኮ ሃንቲያዋ ዒ ካፓኔ።
- 22 ፑርቶ ማዳ ዓሳ ዓኣሺንታ ቤሲ፤
 ሻኔ ዴሚያኣ ፔቲታፆ ባኣሴ።
- 23 ጾኑሲ ዓሲ ዋጌም ፔ ቤርቶ ሺኣሻኒ
 ሺኣካንዳ ኬሊ ጌሡዋሴ።

- 24 ዋይህ ዓሶ ቢታንታፓ ኬይሲ
 ዔያቶ ቤዛ ማሌ ጌሣኒ
 ዔሮንዶ ጎይሢያ ጾኦፊ ዛጋኒ ዒዛ ኮይሱዋሴ።
- 25 ዬያሮ ማዶ ዔያቶሲ ዔሪ
 ፔቲ ዋንቴና ቢታንታፓ ዒ ኬይሲ ባይዛኔ።
- 26 ዔያታ ማዶ ዋይዞ ዒያ ዛሎሮ
 ጎሞ ዓሶ ዓሲ ቤርታ ዒ ሜታሳንዳኔ።
- 27 ዬያ ዔያቶይዳ ዒ ማዳሢ
 ዒዛ ገንፆ ሃንቲያ ዔያታ ሃሼሢሮና
 ዒዛኮ ዓይሢያዋ ዔያታ ቶኦቼሢሮኬ።
- 28 ማንቆ ዓሶ ዔያታ ሄርቂሢና
 ጾኦሲ ባንሢ ዒላታንዳጉዲ ማሄኔ፤
 ጾኦሲያ ማንቆ ዓሶኮ ዒላቶ ዋይዜኔ።»
- 29-30 «ጾኦሲ ጉሙርቁያ
 ፔኤኮ ዴሮሞ ዔቴ ቦኦካ ካኦታ ካኦታዳዛ
 ጾኦሲ ዚቲ ጌይ ዛጌቲ
 ዴራ ዓይጎ ዋኦታኒ ዳንዳዓይ?»
- 31 «ዓሲ ጾኦሲሞ ሂዚ ጌዔቴ ኮሺኬ፡-
 ታኦኒ ዳቢንቴያኬ፤ ጋዓንቴ
 ሃካፓ ሴካ ታኦኒ ዳቢንታዓኬ፤
- 32 ታኦኒ ማዶ ጎማ ዋሮታቴያ ታና ዔርዜ፤
 ታ ዳቤያ ማዔቴ ማይ ላሚ ታኦኒ ማዳዓኬ፤
 ጌዔ ዓሲ ዓኦ?»
- 33 ዓካሪ ኔኤኒ ጾኦሲ ማኪ ጌሰቲያ ሃሾ ዒፄኔ፤
 ዬያሮ ዒዚ ኔና ሜታሴ ጎይሢ ዴዓንዳጉዲ ኔ ኮዓ?
 ዬያ ዛሎ ዔራሢ ኔናኬ፡ ታናቱዋሴ፤
 ሂንዳ ኔ ጋዓ ባኮ ማሂ ታኦሞ ኬኤዜ።»
- 34 «ታኦሞ ዋይዛ ዓሳ ሂዚ ታኦሞ ጋዓኔ፤
 ጾቂሢ ማላ ዓሳኦ ሂዚ ጋዓኔ፡-
- 35 <ዒዮቤ ኬኤዛሢ ዔሩዋያኬ፤
 ዒዛኮ ሃይሳኦ ካኦፒኬ»
- 36 ፑርቶ ዓሶጉዲ ዒ ማሂ ኬኤዛሢሮ
 ዒ ጋፒንፆ ሂላንዳኦና ዋይታቴያ ዛገንታቴ ዓይጎ!
- 37 ዒ ጎሚይዳ ጎሚ ቃሳኔ፤
 ኑ ባኦኮይዳታያ ቦሂሢና ኩቺ ዒ ባዓኔ፤
 ጾኦሲ ዐያይዳ ማኪሢ ጌኤሲ ዒ ጌሰታኔ።»

35

- 1 ዒሊሁ ሃሣ ጌሰታዎ፡-
- 2 «ዒዞ ዒዮቤ! ኔኤኒ ያኦሲ ቤርታ ታኣኒ ዒሎኬ ጌይዖ
ኔኤኮ ፒዜዳ?
- 3 ረጎሜ ታ ማዲባኣቱ ታና ዓይጎ ማኣዳንዳይ?
ሃሣ ዓይጎ ታ ዴንቃንዳይ?»
ጌይ ያኦሲ ኔ ያኦጫያ ናንዳኔ።
- 4 ሃሣ ታኣኒ ኔናንታ ኔኤና ዋላ ዓኣ
ኔኤኮ ላጎሞ ማሂ ታ ኬኤዛንዳኔ። »
- 5 «ሌካ ዴግ ጌይ ጫሪንጮ ባንሢ ዛጌ፤
ሌካ ዑዓ ኔኤኮ ዓኣ ሻኣሮ ኮሺ ማሊ ዛጌ።
- 6 ጎሜ ኔ ማዴቱ ያኦሲኮ ኔ ዓይጎ ዋኦታንዳይ?
ዳቢንቲ ኔ ሚርጊሼቲያ ዒዛ ኔ ዋዳንዳይ?
- 7 ዒሎ ኔ ማዒቱ ዒዛሞ ኔ ዓይጎ ዒንጋንዳይ?
ዒዚ ኔጊዳፓ ዓይጎዋ ኮዑዋሴ።
- 8 ጎሜ ኔ ማዴቱ ኔ ፑርቲሳንዳሢ ኔናጉዴ ዓሲኬ፤
ኮሺ ማዶ ኔ ማዴቱ ዓሲ ኔ ፓሣንዳኔ።
- 9 ሄርቂ ዋይሥሢ ሚርጋዛ ዓሲ ዒዒላታኔ፤
ዒያቶይዳ ዋልቃዳሢ ኩጫፓ ዒያቶ ዓውሳንዳያ ዴንቃኒ
ኩና ዓውሴ ጌይ ዒላታኔ።
- 10 ጋዓንቲ ዒያቶይዳፓ ፔቲ ዓሲታዎ፡-
«ዋዛ ዓይኩሞ ዴሞና ኩ ዓይናዳንዳጉዲ ማሃ፡
ኩናኣ ማዜ ያኦዛሢ ዓንካ ዓኣይ?» ጌይ ያኦጫይ ባኣሴ።
- 11 ቆልሞይዳፓ ባሺ ማሂ ኩና ዒርዛሢ
ካፓይዳፓኣ ዑሣ ዓኣዴ ዒር ኩና ማሃሢ ዒዛኬ።
- 12 ዒያታ ዒላታኔ፤
ዒዚ ጋዓንቲ፡- ዒያታ ያቶርቃያና ፑርታ ማዒሢር
ማሂ ዒያቶሞ ዒ ኬኤዙዋሴ።
- 13 ጎኔና ያኦሲ ዒናፓ ማዒባኣ ዒላቲ ዋይዙዋሴ፤
ቢያ ባኮ ዳንዳዓ ጎዳሢ ዬያ ዛጋያቲዋሴ።»
- 14 «ዋዚ «ታኣኒ ያኦሲ ዛጋዒ» ኔ ጌዔቲያ
ኔ ሃይሳ ዒዛ ቤርታታሢር
ኔ ዒዛ ጊቢ ዳንዳዒ ካፓንዳያ ኮይሳኔ።
- 15 ያኦሲ ዓሲ ዳጋዲ ጎሩዋያ
ሃሣ ዓሲኮ ጎሜያ ቄል ጌይ ሃሻያ ኔኤሞ ማላ?
- 16 ዒዞ ዒዮቤ! ኔ ጉሪ ሃይሴ ሚርጊሻኔ፤

ዔራቶ ባኣያ ጉሪ ዑኡሲና ኔ ጌሰቲ ሺራኔ።»

36

- 1 ዔሊሁ ሃሣ ጌሰታዎ፡-
- 2 «ፆኦሲ ዛላ ባኣዚ ታ ኬኤዛንዳ ሃጊ ሜሌ ባኣዚ ዓኣሢሮ
ቡሊ ታ ኔኤም ኬኤዛንዳጉዲ ዳካ ጊቢ ዋይዜ።
- 3 ታኣኒ ዔሬ ዔራታ ሃያኬ ጌይንቱዋኣያኬ፤
ታና ማዜ ፆኦዛሢ ዒሎ ማዔሢ ታ ኔኤም ኬኤዛንዳ።
- 4 ጌኤዛ ታኣኮ ሉኡዚቱዋኣሢ ጎናሲ ዔሬ፤
ኔኤና ዋላ ጌሰታሢ፥ ታኣኒ ኩሙሢ ዔራቶና ዓኣያታሢ ዔሬ።»
- 5 «ጎኔና ፆኦሲ ዳኤፒኬ፤
ዖናኣ ዒ ቶኦቹዋኣያኬ፤
ቢያ ባኮ ዒ ማሊ ጰቂሣያኬ።
- 6 ዒዚ ፑርቶ ዓሶ ሸምፔና ጌሡዋኣሲ፤
ሄርቂንቲ ዋርቃ ዓሶም ጋዓንቱ ዒ ፒዜ ዋጋኔ።
- 7 ፆኦሲ ኮዦ ዓሶ ካፓኔ፤
ካኣቶጉዲ ካኣቱም ዓልጎይዳ ዔያቶ ዒ ዳይሣኔ፤
ናንገና ዒ ዔያቶ ዳግ ዳጊዳኔ።
- 8 ጋዓንቱ ዓሲ ካኒ ቢራታና ቱኡቱቱ
ሃንጎ ሃሣ ሜቶ ፒሮና ዓዲንቱቱ
- 9 ዔያታ ፔኤኮ ዖቶርሙሞና ማዳ ጎሞ
ፔጋሲ ዳዋኔ።
- 10 ዔያታ ዘሮ ዋይዛንዳጉዲ ዋዮ ዔያቶኮ ዒ ቡላኔ፤
ዔያታ ፔኤኮ ፑርቶ ማዳፓ ማዒ ጎሞ ቡኡፃንዳጉዲ ዓይሣኔ።
- 11 ፆኦሲም ዔያታ ዓይሢንቲ ዒዛም ዔያታ ማዳቱ
ዔያታ ናንጋኒ ዓኣ ዋዶ ዖርጎቹሞና ዋዛና ናንጊ ዓኣሣንዳ።
- 12 ዒዛም ዔያታ ዋይዚባኣቱ ጨንቻ ዓፓሮና ዔያታ ባይቃንዳ፤
ዔኤቢ ዔሪባኣ ጎይሣ ዓኣዖ ዔያታ ሃይቃንዳ።»
- 13 «ፔኤኮ ዒኖና ፆኦሲ ኑ ዔሩዋሴ» ጋዓ ዓሳ
ቢያ ዋዳ ዋዛዲሢባኣ ናንጊ ናጋኔ፤
ዔያታ ሜቶይዶ ጌሌቲታዖ ማኣሪንቲሢ ዳንቃኒ ዒዛ
ሸኢቁዋኣሴ።
- 14 ዘኣሰካ ኮኦሚዖና ቦርሲሳ ናንጊ ዔያታ ናንጋሢሮ
ሃጊ ዳጌ ዓኣዖ ዔያታ ሃይቂ ባይቃንዳ።
- 15 ፆኦሲ ዋኣዪንቲሢዳ ዓኣ ዓሶ ዋኣዪፆፓ ዓውሳኔ።
ዔያቶ ሄሌ ሜታሢና ዔያቶ ዒ ጨንጨሳኔ።»

- 16 «ሃሢ ያኦሲ ማላ ማሊፃ
 ሜቶይዳፓ ነና ከሲ
 ዶኦሪንቴያ ማዔ ሙዖ ባንሢ ነና ዔኪ ዓኣዳኒከ።
- 17 ሃሢ ዳቢንቴ ዓሲሞ ዋጊንታ ዋጌ ኔጊዳ ዋጊንቴሢሮ
 ኔኤሞ ኮይሳ ሜቶ ኔ ዔኪሢዳከ።
- 18 ዓይሳ ዓሲያ ቆሎ ሚርጉሞና ነና ዳቢሱዋጉዲ
 ዴሜና ዒንሳ ሚኢሸና ነና ጌሹዋጉዲ ነና ዔሬ።
- 19 ኔኤኮ ቆሎና ቢታንቶና ዋዚዒ ዴጌ ማዔቴያ
 ዋኣዪሢዳፓ ነና ዬይ ዓውሱዋኣሴ።
- 20 ዴራ ፔኤኮ ዓኣ ቤዛፓ ባይቃንዳ
 ዴሞ ዋዳ ሙካንዳጉዲ ኮዒፖ።
- 21 ፑርታ ባኣዚ ኔ ማዳሢዳፓ ሜታዲ ኔኤኮ ዋኣዪንቴፃ ኮሺከ፤
 ላሚ ጊንሣ ፑርታ ባኣዚ ኔ ማዲዋጉዲ ኮሺ ነና ዔሬ።
- 22 ያኦሲኮ ዋልቃ ዋዚጉዲ ዴኤፒታቴ ማሊ ጸቂሣ፤
 ዔርዛያፓ ቢያ ዒዚ ባሺ ዔርዛያከ።
- 23 «ሃያይዴ» ጌይ ዒዛ ዓይሣይ
 «ፑርታ ማዶ ኔ ማዴኔ» ጌይያኣ ዒዛ ጎራንዳይ ያናዳይ?
- 24 ዓሳ ቢያ ዋዴ ዒ ማዴ ማዶሮ
 ዓይኑሞና ዒዛ ጋላታሢጉዲ
 ኔኤኒያ ዒዛኮ ማዶ ዓይኑሞና ጋላቴ።
- 25 ያኦሲኮ ማዶ ዓሲ ዜርሢ ቢያ ዛጌ፤
 ዓሳ ሃከና ዬያ ዴንቃኔ።
- 26 ዒዛኮ ዴኤፑሞ ያኦጪ ኑ ዔራኒ ዳንዳዑዋኣሴ፤
 ዒ ናንጋ ዋዳኣ ሃይማዴከ ጌይ ፓይዲ ዔርታያቴዋኣሴ።»
- 27 «ያኦሲ ባዘ ዋኣያ ሱኡሌና ሌካ ዔቂሳኔ፤
 ጫሪንጫፓ ዒርዚ ማሢያ ዋርቂሳኔ።
- 28 ሻኣሮይዳፓ ዒራ ዲጰጉዲ ዋታኔ፤
 ዓሶ ዑያይዳኣ ሚርጌና ዋርቃኔ።
- 29 ያዲ ማዔቴያ ያኦሲ ሻኣሮ ዋማይዲ ላይሣቴያ
 ሃሣ ጉጉንያና ማዒ ዋማይዲ ጌሰታቴያ
 ያኦኒ ዔራኒ ዳንዳዒ?
- 30 ያኦሲ ዔቶ ባዘ ካንቂ
 ዜኤሊንዋ ጫሪንጫ ቢያ ዳካ ጎይያ ዛጌ።
- 31 ዬያይዲ ያኦሲ ዴሮ ዋይሣኔ፤
 ሙኡዚያ ሚርጌና ዔያቶሞ ዒ ጊኢጊሻኔ።
- 32 ዜኤሊንያ ፔ ኩጮና ዒ ዓርቃኔ፤
 ጌይንቴ ጊንያ ባንሢ ዓኣዳንዳጉዲያኣ ዓይሣኔ።

33 ጉጉንሢ ጳሌፒ ዒርዚ ዩዓሢ ዒርዛኔ፤
ቆለሞዋ ዠኢፓ ዒርዚ ሙካሢ ዒዒራኔ።»

37

- 1 «ዠኢፓ ዒር ዋልቆና ዒና ታኣኮ ዲቃቴኔ፤
ዒጊቹሞናኣ ጎጋይቄኔ።
- 2 ዒዛኮ ጳንጋፓ ኬሰካ ዑኡዞ ዋይዙዋቴ፤
ጉጉንፆጉዲ ጉጉንሢ ቃኣሎ ዒዛሲ ዋይዙዋቴ።
- 3 ዜኤሊንፆ ጫሪንጮ ዴሞ ቢያ ዳካኔ፤
ሳፆኮ ጋፖ ሄላንዳኣና ዳኪ ሄሊሳኔ።
- 4 ዬካፓ ፔኤኮ ዋልቆ ዑኡዞ ዒ ጉኡሚሳኔ፤
ዒጊቻ ዑኡዞዋ ጉጉንሢጉዲ ማሂ ዋይዚሳኔ፤
ዜኤሊንፆ ዒዛኮ ላሚ ላሚ ዜኤሊንሣኔ።
ዲቃሣያ ማዒ ዑኡዞና ዒ ጉጉንሣኔ፤
ዑኡዞ ዒ ዋይዚሳ ዋዶና ዜኤሊንፆ ዒዚ ላኣጉዋሴ።
- 5 ፆኦሲ ዲቃሢ ሄርሺሳያ ማዒ ዑኡዞና ጉጉንሣኔ፤
ኑ ዒራኒ ዳንዳዑዋ ጳሌፒ ጳሌፒ ባኣዚ ዒ ማዳኔ።
- 6 ቫቹ ሳፆይዳ ዒ ኬይሳኔ፤
ጳሌፒ ዒርዚያኣ ዋርቃንዳጉዲ ዒይሣኔ።
- 7 ዒ ማገዜ ዓሳ ዒዛ ማዶ ዒራንዳጉዲ
ዓሲ ቢያ ፔ ማዶ ሃቫንዳጉዲ ዒ ማሃኔ።
- 8 ዒማና ካዮ ቦዓ
ዓኣሺንቲ ፔኤኮ ዓኣሺንቶ ቤዞ ጌላኔ፤
ዒያታ ፔኤኮ ዒታኣ ዒታ ዓኣሺንታኔ።
- 9 ጳሌፒ ዠባሬ ዶኦሎ ዛላፓ ዒቃኔ፤
ሺሜ ዠባሬያ ኬዶ ዛላፓ ሙካኔ።
- 10 ፆኦሲ ዑኡዛ ዋኣፆ ሺሚሻኔ፤
ቫቹ ማሂያኣ ላኣማኔ።
- 11 ቫኣራ ዋኣሢ ዓርቃንዳጉዲ ዒ ማሃኔ፤
ዬያ ባኣካ ዜኤሊንሢያ ዜኤሊንሢሳኔ።
- 12 ናንጊና ናንጋ ጎዳ ዓይሢሞ ቫኣራ ዓጮ ቢያ ሺራኔ፤
ዒ ዓይሢ ባኮዋ ማዲ ኩንሣኒ ዒያታ ሃንታኔ።
- 13 ፆኦሲ ዒርዚ ዋርቁሻሢ፡-
ሳፆ ሎጪሳኒ
ዓሶ ሜታሳኒ
ሃንጎ ፔ ናሹሞ ቤኤዛኒኬ።»

14 «ዒዞ ዒዮቤ! ሂንዳ ሊኢጊ ዋይዜ፤

- ጾኑሲ ማዳ ዲቃሢ ሄርሺሳ ማዶ
 ዒና ዔኪ ጳቂሢ።
 15 ጾኑሲ ሻኣሮ ዋማይዲ ፓይዲ ዛጋቴያ
 ዜኤሊንዎ ዋማይዲ ዜኤሊንሢሳቴያ ኔ ዔራ?
 16 ሻኣሮ ሌካ ዢባሮ ዑፃ ዒ ማሃሢና
 ቢያ ባኮ ዔራ ጾኑሲኮ ዲቃሢ ሄርሺሳ ማዶ ኔ ዔራ?
 17 ጫሪንጫ ሞኦና ዓንጊጉዲ ዶዴ ዋዶና
 ኔኤኒ ዓሲ ናንጉዋ ዳውሎ ዢባሮ ያይዶና ዓልቃንዳኔ።
 18 ጾኑሲ ጫሪንጫ ዓልቄ ለማሌኤሽጉዲ ቡሊ ዳጊዲ ሂኢሣቴ
 ኔ ዒዛኮ ኮራ ማዒ ማኣዳኒ ዳንዳዓ?
 19 ኑኡኮ ዒና ደሚ ማዒም
 ኑኡኮ ሜቶ ኑ ሺኢሻኒ ዳንዳዑዋኣሢሮ
 ጾኑሲም ዓይኅ ኑ ኬኤዛኒ ኮይሳቴያ ኔ ኑም ኬኤዜ፤
 20 ጾኑሲም ኬኤዛንዳኔ ጌዒ ያኔጪሢና
 ዒ ታና ባይዛንዳጉዲ ዓይጋ ታ ዒዛ ዔቂሳይ?»
 21 «ዢባራ ሻኣሮ ጫሪንጫፓ ዳኪ ፖዒሴ ዋዶና
 ያኒኒያ ዓቦ ጊዥ ጌይ ዛጋኒ ዳንዳዑዋኣሴ።
 22 ኬዶ ዛላፓ ዋርቄጉዲ ጌኤሺ ፖዒ ሙካንዳኔ፤
 ጾኑሲያ ዲቃሢ ሄርሺሳ ዳኤፑሞና ፔጋዲ ጴዳንዳኔ።
 23 ጾኑሲ ዛጊንታኒ ዳንዳዓያቴዋሴ፤
 ቢታንታ ዒዛኮ ዳኤፒኬ፤
 ዒዚ ፒዜ ዋጋያኬ፤ ዒዚ ያናኣ ሄርቄ ዋይሠዋኣሴ።
 24 ፔ ማሊያና ሕ ዔራኬ፤ ጋዓዘንሢ ዒ ቦሃሢሮ
 ዓሲ ቢያ ዒዛ ዒጊጫኔ።»

38

ናንጊና ናንጋ ጎዳ ዒዮቤም ማሂ ኬኤዜ ባኮ

- 1 ናንጊና ናንጋ ጎዳ ዓልኅ ዢባሬና ማዒ ዒዮቤም ሂዚ ጌዔኔ፡-
 ናንጊና ናንጋ ጎዳ
 2 «ሃይ ዔራቶባኣያ ጌሰቲንታ ጌኤሲና
 ታኣኮ ዞሮ ሸሌዒሲ ዛጋሢ ዒ ያናዳይ?
 3 ሂንዳ ታ ቤርታ ዓቲንቄ ማዒ ቱኡቲ ዔቄ፤
 ታ ኔና ያኔጫንዳኔ፤ ታኣም ማሂ ኬኤዜ።
 4 ጎዶንቱ ታኣኒ ሳዎ ማዣኣና
 ኔኤኒ ዒኢካ ዓኣ?
 ኔኤኒ ዔራያ ሃሣ ጳቂሢያ ማዒቴ ሂንዳ ታኣም ኬኤዜ።

- 5 ሳዓ ይማዲ ማዖንጎ ጌዔሢ ያናዳይ?
ዒዞኮ ዳልጉሞና ያዶሱሞና ዔራኒ
ዋርቆ ሱዞ ዓርቄሢ ያናታቴያ ኔ ዔራ?
- 6 ሳዖኮ ቱርቱር ዶዲሺ ዓርቄ ዎልቃ ዓይጌንዳዳይ?
ሳዖ ማዞኒ ቦኦኮልቄሢያ ያናዳይ?
- 7 ካሪያ ኩኦጋሢ ፔቱሞና ዓይናዳኣና
ኪኦታንቻ ቢያ ዒላሻኣና ኔኤኒ ዓንካዳይ?»
- 8 «ባዛ ሳዖ ዴማፓ ዲኡቂ ኬሰኬ ዎዶና
ዑርቱ ካሮ ዎዴሢ ያናዳይ?
- 9 ባዞ ሻኣሮና ካንቄሢ
ሻኔ ዲሞናኣ ካንቄ ባይዜሢ ታናኬ።
- 10 ባዛ ማዓንዳ ዛጰ ኮሼሢ
ካራና ቤሲና ዓኣያ ማዓንዳጉዲ ማሄሢ ታናኬ።
- 11 ሃይማ ሄላንዳኣና ሙኬ!
ሃይማፓ ዑሣ ዓኣዲፖ! ኔኤኮ ዴኤፖ ጉዳሢ ዠባራ
ሃይማካ ዔቆም! ጌዔሢ ታናኬ።
- 12 ዔዞ ዒዮቤ!
ኔ ናንጌ ዎዶይዳ ቢያ ፔቱታዖ ሳዓ ካራንዳጉዲ ዓይሢ ቤቂያ?
ሳዖ ካሪያኮ ጌኤሽካ ቤዞ ኔ ጌሢያ?
- 13 ዬይ ካሪያ ሳዖም ፖዓንዳጉዲ
ፑርቶ ዓሶዎ ዓኣሺንቱ ቤዛፓ ፔጋሲ ዳዋንዳጉዲ
ኔኤኒ ዓይሢ ቤቂያ?
- 14 ሳዖ ካሪያ ፖዓ ጌሜሮና ዶኦጮና
ጰንጨንቱ ዓፒላጉዲ ማዒ ጰዳንዳጉዲ ማሃኔ።
ዢኢጨ ዓጨና ቆኦቂ ኮሻና ማላታጉዲ ማሂያኣ ዴኤፒሲ
ዳዋኔ።
- 15 ፑርቶ ዓሳ ፖዒ ዴንቁዎጉዲ ላኣጊንቱኔ፤
ዎይዞ ዒዒሲ ጌኤታሳ ቃሳ ዔያቶኮ ሜቄኔ።»
- 16 «ሊካ ባዞ ዋኣዖ ዔቶ ኔኤኒ ኬዲያ?
ዴኤፖ ዋኣዖኮ ዴማ ዓኣ ሳዓ ኔ ሃንቲ ቤቂያ?
- 17 ሃይቄ ዓሶ ዓጮ ማዔ ዲሞ ዓጮኮ
ጌሎ ካራ ኔኤም ፔጋዲ ጰዴም ኔ ዛጊያ?
- 18 ሳዓ ዎዚዒ ዴኤፒታቴያ ኔ ዔራኒ ዳንዳዓ?
ሂንዳ ዬያ ቢያ ዔራያ ማዔቲ ታኣም ኬኤዜ። »

- 19 «ፖባ ባንሢ ዔኪ ዓኣዳ ጎይፃ
ሃሃ ደማኣ ዓንካ ናንጋቴ ኔ ዔራ?»
- 20 ፖባንታ ደሞንታ ፔ ቤዞ ቤዞ ዔኪ ኔ ዓኣዳኒ ዳንዳዓ?
ዔያቶኮ ናንጎ ቤዞ ዔኪ ዓኣዳ ጎይፃ ኔ ዔራ?
- 21 ሳዓ ማዢንቴ ዎደና ኔኤኒ ሸይንቴ ዓኣሢሮ
ጎኔኬ ኔኤኒ ዔራኔ!
ሚርጌ ለዔያ ኔኤኒ ናንጌያኬ!»
- 22 «ሻጮ ጌሦ ማኣሮ ኔኤኒ ጌሊያ?
ጊንሣ ሃሃ ቡኩሲ ጌሦና ሻጮ ኔኤኒ ዛጊያ?
- 23 ዬያ ሻጮ ያልዚ ያልታኒ
ሜቶ ዎደሞ ታኣኒ ጌሢያኬ።
- 24 ፖሲ ዳኪንታ ቤዛ ዎካፓዳይ?
ሃሃ ጊንሣ ያይዲ ዢባሬ ሳቦ ባንሢ ዳኪንታሢ ዓንካፓዳይ?»
- 25 «ዒሮሞ ኬዶንዶ ጎይፃ ጊኢጊሼሢ
ጉጉንፆና ዎላ ዓኣ ዢኢፖ ዒሮሞ
ጎይፃ ኮሼሢ ያናዳይ?
- 26 ዬያጉዲ ያኣኒያባኣ ሳቦይዳ
ዓሲ ናንጉዎ ዳውሎ ቦኦላ
- 27 ዒርዚ ዋርቂሻሢ ያናዳይ?
ካዮና ጉሮ ሳቦና ሎጪ
ሳዓ ማኣቲ ባቃልሳንዳጉዲ ማሃሢ ያናዳይ?
- 28 ዒሮንታ ያልኮንታ
ማዢሢ ያናዳይ?
- 29 ደኤፖ ሻጮንታ ዳኮንታ
ማዢ ኬሳሢ ያናዳይ?
- 30 ጪኢዢ ዎኣፃ ሹቺጉዲ ዶዲሻኔ፤
ደኤፖ ዎኣፃኮ ዴሞ ሻቺጉዲ ዶዲሻኔ።»
- 31 «ፑንጫሮ ዡኦጎ ፔቴይዳ ኔ ቱካኒ ዳንዳዓ?
ዛኦፖ ዡኦጎሢያ ጋሢንቴ ዓኣ ሱዞ ደኡዛኒ ኔ ዳንዳዓ?
- 32 ዡኦጎሢ ቢያ ፔ ዎደና ዎደና ኔ ኬሳኒ ዳንዳዓ?
ዡኦጎኮ ዓኒና ማቾና ዎላ ኔ ዔኪ ዓኣዳኒ ዳንዳዓ?
- 33 ጫሪንጫ ዎዚጉዴ ዳሞቤና ዎርቃያታቴ ኔ ዔራ?
ዬይ ዳሞባ ሳቦይዳ ማዲንታንዳጉዲ ማሃኒ ኔ ዳንዳዓ?»

- 34 «ሚርጌ ዒርዚ ኔኤም ዋርቁሳንዳጉዲ
ሻኣሮ ኔኤኒ ዓይሣኒ ዳንዳዓ?
- 35 ዜኤሊንፃ ኔ ዓይሥሣና ዜኤሊንሣ?
ዒያታ፡- <ሃይሾ ኑ ሙከኔ> ኔ ኮይላ ጋዓ?
- 36 ዒሮ ማቻ ዒርዚ ዋርቃኒ ጋዓኣና ፆኦላንዳጉዲና
ኮይዳኣ ቂኢቃንዳጉዲ ዒያቶም ከኤዛሣ ያናዳይ?
- 37-38 ፔ ዒራቶና ሻኣሬ ፓይዳኒ ዳንዳዓይ ያናዳይ?
ኩሊንቴ ዓጫ ዋዒ ቶርጴ ማዓንዳጉዲ
ዴዔ ቤዘ ጫሪንጫፓ ዋኣፆ ሊካ ላኣላሣ ያናዳይ?
- 39 ካዮይዳ ካቲ ላሂ ዓኣንቲ
ዒንዴ ዘቢም ከም ኔኤኒ ከማ?
ዒዘኮ ናይዴ ናኣቶ ሙኡዛኒ ኔ ዳንዳዓ?
- 40 ዒያታ ዴኖ ቆኦፖይዳ ካፒ ዴዓኔ፤
ዴኤሎ ካዮ ባኣካኣ ላሂኔ።
- 41 ናኣታ ዒዘኮ ሙኡዚ ባይዚ ሜታዲ
ታ ባንሣ ዒያታ ዒላታኣና
ቁራኬሎም ሙኡዚ ዒንጋሣ ያናዳይ?»

39

- 1 «ሹኡጌ ሾዓ ዎዴ ኔ ዒራ?
ዎሻ ባኒ ሾዓንቲ ኔ ዛጊ ቤቂያ?
- 2 ዎዚጉዴ ዎዴ ዒዛ ካኣሽኪ ዴዓቲ
ሃሣ ዓይዴ ሾዓቲያ ኔ ዒራ?
- 3 ጉምዓቲ ባኒ ናፆ ዒዛ ሾዓሣ
ዓይዲታቲያ ኔ ዒራ?
- 4 ናኣታ ዒዘኮ ካያ ዲጪ ዶዳኔ፤
ከስከ ዓኣዴስካፓ ላሚ ጊንሣ ፔ ዒንዶ ባንሣ ማዑዋኣሴ።»
- 5 «ሚርዳሣ ፔ ሹኔጉዴያ ናንጋንዳጉዲ ማሄሣ ያናዳይ?
ቱኡዛፓ ዒያቶ ቡሌሣያ ያናዳይ?
- 6 ዓሳ ናንጉዋ ዳውሎ ሄንቆ ቤሲ ማሂታ ዒያቶም ዒንጌኔ፤
ሶኦጋ ዓኣ ቦኦላ ታ ዒያቶ ናንጊሹኔ።
- 7 ዣላ ዑኡሲባኣ ካታማፓ ሃኪ ዒያታ ናንጋኔ፤
ጊንፃ ዓቂ ዒላቲ ዒላቲ ዒሻ ዓሲ ዒያታ ናሽኩዋኣሴ።
- 8 ዒያታ ዲኩይዳ ሄንቃኔ፤
ዒኢካ ዒያታ ሄንቃንዳ ዓኣዔ ማኣቲ ኮዓኔ። »
- 9 «ካዮይዳ ናንጋ ሜኤኒ

- ነና ማኣዲ ዔኤቢ ማዳያ ማዓንዳ?
 ኔኤኮ ባርቶ ጋራ ዋርቃኒያ ዳንዳዓ?
- 10 ማኤኒ ኔኤኒ ዋኣፃም ካዶ ጎቺ
 ጎሽካንዳጉዲ ኔ ማሃኒ ዳንዳዓ?
- 11 ዒዛኮ ዴኤፖ ዶዱሞሮ ኔ ዒዛ ጉሙርቃ?
 ዴኤፆ ማዶ ዒዛም ኔኤኒ ሃሻንዳ?
- 12 ሃኣኮ ኔኤም ዒ ጮኦራንዳያና
 ሺርኮ ቆይዶ ዔኪ ኔኤም ሙካንዳኔ ጌይ ኔ ጉሙርቃ?»
- 13 «ቱኡቴ ፔኤኮ ጋኣዘ ዑኩና ዔቂሳኔ፤
 ጋዓንቴ ዒዛ ቦኣኮጉዲ ባራኑዋኣሴ።
- 14 ቱኡቴ ጰኡላ ሳዓይዳ ጰኡላኔ፤
 ሳዖ ዴማ ዴዒ ያይዳንዳጉዲ ጌሣኔ።
- 15 «ዒኢና ዓኣዳ ባኣዚ ቶኪና ሄርቂ ዋዳንዳኔ፤
 ካይዚ ቦዖዋ ሄርቂ ጋኣጫንዳኔ» ጌይ ዒዛ ማሉዋኣሴ።
- 16 ናኣታ ዒዛርቱዋኣያጉዲ ሚጪንቱዋኣያ ዒዛ ማዓኔ፤
 ላቢፃ ዒዛኮ ጉሪ ዓቱቲያ ዬይ ዒዛኮ ዔኤቢቱዋኣሴ።
- 17 ዬያይዲ ዔራቶ ዒዛ ላኣጌሢና
 ዔኤያ ዒዛ ማሄሢ ታናኬ።
- 18 ዒዛ ዔቂ ጳሺ ጳሽካ ዋዶና ጋዓንቴ
 ፓርንታ ፓራሢ ቶጋ ዓሶንታ ሄሌሎ ዓርቃኒ ማሌቲ
 ዒዛ ዔያቶ ሚሚኢጫኔ።»
- 19 «ዔዛ ዒዮቤ! ፓራሢም ዋልቆ ዒንጌሢ
 ያዶዘ ጋኣሳሢና ዔያቶ ፓልሚሴሢ ኔናዳ?
- 20 ዓቢሢጉዲ ኮኦሚ ኮኦሚ ኩኡኪ ጫኣጊዖና
 ዓሶ ዔያታ ዲቃሣንዳጉዲ ማሃሢ ኔናዳ?
- 21 ፓራሢ ያሎ ቤዘ ቶጊ ዓኣዶዋኣና
 ፔኤኮ ዋልቆ ጉሙርቂ ካኣናዲ ታኣካኔ።
- 22 ዒጊቹሞ ጎዖ ባኣዚ ፔቲታዖ ዔያታ ዔሩዋኣሴ፤
 ዓይጎ ባኣዚያ ዔያቶ ዲቃሡዋኣሴ፤
 ዔያቶም ጩንቻ ዓፓር ቱጎናቲያ ጊንሢም ዔያታ ማዑዋኣሴ።
- 23 ዔያቶ ቶጊ ዓኣ ያሎ ዓሳ ዓርቂ ዓንጋማ
 ዓቦይዳ ፖዒ ፖዒ ዋላ ካኣሚያ ዲይንቲ ያኦላንቲ
 ዋይዚንታኔ።
- 24 ዲንካሢ ዋርቂንታኣና ዔያቶ ዋዛሳዛ
 ጫርሹሞና ሃሣ ዳጋዲ ያሎ ቤዘ ዠኡዣኔ።
- 25 ዲንካሢ ዋርቂንታኣና ዋርቂንታኣና ዋዛና ዔያታ ያኦላኔ፤

- ሃኬ ዓኣዖ ጳሄና ዔያታ ዖሎ ዔራኔ፤
 ዖሎ ዓሶ ዓይሣ ዓሳ ዓይሣ ዓይሣ
 ዖሎ ዓሶኮ ሄርሺንቶ ጌኤዞ ዔያታ ዋይዛኔ።
- 26 ጎኔና ፂላ ባራናሢ
 ጋኣዞ ፔኤኮ ዔቂሲ ዶኦሎ ዛሎ ባንሢ ባራናሢ
 ኔ ዔራቶናዳ?
- 27 ኮኣኬ ሌካ ኬሰኪ ባራናሢና
 ጳጌ ቤሲዳ ፔኤኮ ማኣሮ ማዣሢ ኔ ዓይሣምዳ?
- 28 ኮኣኬ ፑኡፒ ሹቺ ባኣካ ናንጋኔ፤
 ዒኢካ ማኣሮዋ ፔኤኮ ማዣኔ።
 ዩይ ፑኡፖ ሹጫ ዔኤቢዳፓ ዲርቂ ዒዛ ቃዛያ ማዓኔ።
- 29 ዒኢካ ዓኣዖ ዒ ዓርቂ ዔካንዳ ባኣዚ ዛጋኔ፤
 ዓኣፓ ዒዛኮ ሃኬ ዓኣ ባኣዚ ዳንቃኔ።
- 30 ኮኣኬ ዩያይዲ ሃይቂ ባኣዚ ኮይላ ቡካኔ፤
 ዔያቶኮ ናኣታኣ ዩያ ባኮኮ ሱጉዖ ዑሽካኔ።»

40

- 1 ሄለሳዖ ሃሣ ናንጊና ናንጋ ጎዳ ዒዮቤም፡-
- 2 «ዔዞ ዒዮቤ! ሂንዳ ቢያ ባኮ ዳንዳዓ ዖኦዛሢ፡ ታኣና
 ዓሲ ማርሚ ላሣንዳያ ኔኤም ማላ?
 ታና፡ ዖኦሲና ዋላ ማርማሢ ኔናታሢሮ
 ሂንዳ ማሂ ታኣም ኬኤዜ» ጌዔኔ።
- ዒዮቤ
- 3 ዩካፓ ዒዮቤ፡-
- 4 «ናንጊና ናንጋ ጎዳሢዮ! ታኣኒ ፓሡዋያ ላኣፓ ዓሲኬ፤
 ሃካፓ ሴካ ታ ዳንጎ ታ ኩጮና ታ ዓርቂ
 ዚቲ ጋዓንዳኣፓዓቲም
 ማሂ ታ ኔኤም ኬኤዛ ባኣዚ ባኣሴ።
- 5 ፔቴና ሃሣ ገንሣ ላሚያኣ ታ ጌሰቲኔ፤
 ሃካፓ ሴካ ፔቴታዖ ታ ጌሰታዓኬ» ጌዔኔ።
- 6 ናንጊና ናንጋ ጎዳ ዓልጎ ዠባሬና ማዒ ዒዮቤም ሂዚ ጌዔኔ፡-
- ናንጊና ናንጋ ጎዳ
- 7 «ዔቂጋፓ ኬርኖ ኔኤኮ ዓቲንቂ ማይ ቱኡቴ፤
 ታ ኔና ዖኦጫንዳኔ፤ ታኣም ማሂ ኬኤዜ።
- 8 ታና ኔኤኒ ዳቢንቲ ዋጋያ ማሂ ጌሰቲ ጌሰቲ
 ኔና ኔኤኒ ጌኤሺ ማሃኒ ማላ?

- 9 ዓካሪ ዋልቃ ኔኤኮ ታ ዋልቆጉዴያ ዶዲዳ?
 ሃሣ ዑኡዛ ኔኤኮ ታ ዑኡዛጉዴያ ዋልቃዳያዳ?
- 10 ያዲ ማዔያታቲ ኔ ቶኦኮ ዒጊቻያ ማሂ ለንቺሴ፤
 ለንቺና ዴኤፑሞና ኔ ዔኬ።
- 11 ያቶርቃ ዓሶ ዛጊ ዔያቶ ለርሲሴ፤
 ኔኤኮ ዳጎዋ ዔያቶ ዑፃ ጮኦሽኬ።
- 12 ቢያሢ ኮሺ ዛጊ ዔያቶ ለርሲሴ፤
 ፑርቶ ዓሶ ዔያታ ዓኣ ሴዛ ዓኣንቴ ባይዜ።
- 13 ዓጪ ዔያቶ ዑፃ ማሂ
 ቢያሢ ፔቴይዳ ዱኡኬ።
- 14 ዬካፓ ታኣኒ ታ ዛሎና
 ኔኤኒ ኔ ዋልቄና ያሊ ባሻያ ማዔሢ ማርካዳንዳኔ።»
- 15 «ታኣኒ ኔናንታ ሃይላሻሢንታ ማዜኔ፤
 ሃይላሻሢ ጌማይጉዲ ማኣቲ ሄንቃኔ።
- 16 ዒዛኮ ጊኢርይዳ ዓኣ ዶዲሞና
 ጎጶ ጋራ ዓኣ ሻዡ ዶዲሞዋ ዛጌ።
- 17 ዑንካ ዒዛኮ ዚቢቂ ሚሢጉዲ ፒዝ ጌዔያኬ፤
 ጉባዘ ሻዡ ዒዛኮ ዓንዲሪ ሃሣ ዶዲኬ።
- 18 ማጌፃ ዒዛኮ ሞኦና ዓንጊጉዲኬ፤
 ሃሣ ዓንጊ ኮኦሎጉዲያኣ ዶዲኬ።»
- 19 «ታ ማዜ ማዢንቶይዳፓ ቢያ ዒ ዋልቄና ዓኣያኬ፤
 ታጊዳፓዓቲሞ ዒዛ ባሻይ ባኣሴ።
- 20 ካዮ ለዓ ፃካ ዱካ
 ዒዛሞ ሄንቆ ማኣቶ ባቃልሳኔ።
- 21 ሚሢ ሺቢና ማጫሬና ባኣካ
 ሃሣ ጫሮ ባኣካኣ ዒ ላሃኔ።
- 22 ሺባ ዓኣ ሚፃ ፔ ሺቦና ዒዛ ዓኣቻኔ፤
 ዋሮ ዓጫ ባቃላ ዓሃያ ጌይንታ ሚፃኣ ዒዛ ዓኣቻኔ።
- 23 ዋሮይዳ ዋኦፆ ኩሙፃ ዒዛ ፔቴታፆ ዲቃሁዋኣሴ፤
 ዮርዳኖሴ ዋራታፆ ዓጮ ኬሰኪ ሄላንዳኣና ኩሜቴያ ዒዚ
 ዒጉጩዋኣሴ።
- 24 ዓኣፖ ዒዛኮ ዋዲ ሲኢዶዋ ዒዛኮ ዑሪ
 ዒዛ ዓርቃኒ ዳንዳዓይ ያናዳይ?»

41

- 1 «ሌዋታኔ ጌይንታ ባዘ ለዓሢ

- ዓንገ ከሬና ባዛፓ ኔ ዓርቃኒ ዳንዳዓ?
 ዒንዲርዘ ሱሲና ኔ ዒዛኮ ቱካንዳ?
 2 ዒዛኮ ሲኢደይዳ ዳንደ ዓኣሢ
 ባንጋሎዋ ዒዛኮ ዓንገ ከሬና ጫርጊ ዓርቃኒ ኔ ዳንዳዓ?
 3 ዒዛ ማኣሪ ሃሻንዳጉዲ ዒ ኔና ሺኢቃንዳ?
 ኮሺ ዑኡሲና ዒ ኔና ሺኢቃዳ?
 4 ናንጊና ዓይሌ ማዒ ኔኤም ማዳኒ
 ኔኤና ዋላ ዒ ጌሰቲ ጊኢጋንዳ?
 5 ካፒጉዲ ዒዛ ኔ ቱጊ ጌሢ
 ዉድር ናኣቶ ኔኤኮ ዓማልሳንዳጉዲ ቃዛኒ ዳንዳዓ?
 6 ሞላሢ ኮርማ ዓሳ ዒዛ ባሺ ዔካንዳኔ ጌይ
 ዋላ ማንዲንታ?
 ቲቂያ ዋለና ዒዛ ዔያታ ጊሸታ?
 7 ኔ ኮዔ ካራና ዒልዖ ዒዛኮ ጫርጊ ዑራኒና
 ቶኦኮዋ ዒዛኮ ኔ ዓጩ ዓንገና ጫርጊ ዑራኒ ዳንዳዓ?
 8 ሂንዳ ዳንዳዓቲ ኩጮና ዒዛ ካኣሚ፤
 ኔ ዒዛ ዓርቃኒ ማዲ ሺሬ ባኮ ፔቲታዖ ዋላዓኬ፤
 ላሚ ዒዛ ኔ ዓርቃኒያ ኮዓዓኬ፡፡»
- 9 «ሌዋታኔ ዓርቂ ቃዛኒ ማዲንታ ባኣዚ ቢያ ጉሪኬ፤
 ዒዛ ዛጌሢ ቢያ ዒጊቹሞና ጎጋይቃኔ፡፡
 10 ዒዛይዳ ፑርታ ባኣዚ ማዲሢ ዬያይዲ ሜታያ ማዔቲ
 ዓካሪ ታኣም ዋይዚ ዒፃኒ ጫርቃንዳይ ያናዳይ?
 11 ጫሪንጮኮ ዴማ ዓኣ ባካ ቢያ ታኣርኬ፤
 ዓካሪ ታ ማሃንዳጉዲ ታኣም ታልዔሢ ያናዳይ?»
- 12 «ሌዋታኔኮ ቶኮንታ ዶዶ ዋልቆንታ
 ሚዛጳ ዑዖ ዛሎ ታ ኬኤዙሞዖ ሃሻዓኬ፡፡
 13 ዒዛኮ ዶዶ ዒልዖ ሹካኒ
 ሃሢ ባንጋሎዋ ዒዛኮ ሾኦላኒ ያ ዳንዳዓይ?
 14 ኮሺ ዒጊቻ ዓጫ ዓኣ ዳንጎ ዒዛኮ ቡሊ
 ባንጋሎዋ ዒዛኮ ሾኦካኒ ዳንዳዓይ ያናዳይ?
 15 ዒዛኮ ጊኢር ዒልዓ ዋሊ ሄሊሲ ጌሦና ጊቲማጉዲኬ፤
 ኮሺ ዋሊ ዓርቂያ ማዔሢር ዓንገጉዲ ዶዳያኬ፡፡
 16 ፔቲይ ሜሌሢና ዋላ ዳዳይያታሢር
 ዔያቶኮ ባኣኪና ዠባሬታዎ ዓኣዳኒ ዳንዳዑዋኣሴ፡፡

- 17 ቢያሢ ዋላ ዓርቁንቴያታሢሮ
 ዓይኅ ባኣዚያ ፔቴታዖ ዔያቶ ደማሳኒ ዳንዳዑዋኣሴ።
- 18 ዒዚ ፒኢዝጋ ዋዶና
 ፖዒ ዜኤሊንሢ ጴዳኔ፤
 ዓኣፓ ዒዛኮ ፆርቄ ዓቢጉዲ ፖዓኔ።
- 19 ዳንጋፓ ዒዛኮ ታሚ ሎስታ ኬስካኔ፤
 ታሚ ቄንሢያ ዒንቂ ጴዳኔ።
- 20 ዲስቴ ዴይሦና ናኣቦይዳ ሻርሻ ጩባሢጉዲ
 ሲኢዳፓ ዒዛኮ ጩቢ ኬስኪ ጴዳኔ።
- 21 ዒዛኮ ዑኡዞ ሶይዲማ ቃኣጫ ዔዔኤሣኔ፤
 ታሚ ሎስታ ዒዛኮ ዳንጋፓ ኬስካኔ።
- 22 ዒዛኮ ዴዔ ባቃና ዋልቄና ዓኣያኬ፤
 ዓኣፖ ካራኣ ዒዛኮ ሚርጌና ዒጊቻያኬ።
- 23 ዓሸካ ዒዛኮ ዋሊ ዑፃ ናቴንቴያ ዳዶታሢሮ
 ዑፃ ዒዛኮ ዓንጊጉዲ ዶዳኔ።
- 24 ዒና ዒዛኮ ሹቺጉዲኬ፤
 ዶዴማኣ ዋንሢ ሹቺጉዲኬ።
- 25 ዬይ ቦዓሢ ዔቃ ዋዶና
 ዋልቆ ዓሳታዖ ዒጊጪ ጎጎጋይቃኔ።
- 26 ዓይጎጉዴ ጩንቻ ዓፓርንታ ዋርሢንታ
 ሂኢሺንታ ጫርጎ ባኣዚያ ዔኤቢ ዒዛ ዋኦቱዋሴ።
- 27 ዒዚ ዓንጎ ማኣቲጉዲ ሚንሣኔ፤
 ሞኦኖ ዓንጎዋ ሙርዔ ሚሢጉዲ ጋኣጫኔ።
- 28 ሂኢሺ ዲኮናቴታዖ ዒጊጪ ዒ ጳሽኩዋኣሴ፤
 ዋራ ሹቺ ዒዛ ኮይላ ጎቦጉዲኬ።
- 29 ኮኦሎ ዒዚ ዓዳ ማኣቲ ማሂ ዛጋኔ፤
 ዓሳ ዒዛ ዋርፆና ዶርባኣና ዒ ቦሂ ሚሚኢጫኔ።
- 30 ድቃሎይዳ ዒ ኮላዳኣና ዓጩ ማዔ ዒልዓ ዒዛኮ
 ሳዖ ማራሻጉዲ ጳላኔ።
- 31 ባዞ ዋኣዖ ፔንታ ዋኣሡጉዲ ቡርቂሻኔ፤
 ዖቲ ጋርካ ፔንታ ዛይቴጉዲያኣ ዒ ቡርቂሻኔ።
- 32 ዒዚ ዓኣዳ ጎይፃ ፖፖዓኔ፤
 ባዞ ዋኣዖ ዒ ዲባሳኔ።
- 33 ዒዚ ዒጊቹሞ ዔሩዋ ማዢንቲታሢሮ
 ዓጪዳ ዒዛ ማላ ማዢንቲ ፔቴታዖ ባኣሴ።
- 34 ሚርጌና ዴኤፖ ማዔ ማዢንቲታዖ ዒ ቦሃኔ፤
 ዒዚ ካዮ ቦዖ ቢያኮ ዑፃ ካኣቲኬ።»

42

¹ ዩካፓ ዒዮቤ ናንጊና ናንጋ ጎዳም ሂዚ ጌይ ማሄኔ፡-
ዒዮቤ

² «ናንጊና ናንጋ ጎዳሢዮ!

ኔኤኒ ቢያ ባኣዚ ማዳኒ ዳንዳዓሢ ታ ዔራኔ፤
ኔ ማሊያ ዲቂሳኒ ዳንዳዓይ ባኣሴ።

³ ታኣኒ ዔራ ባካ ኮሺ ዳካታንቲ

ዓይጎር ታ ሚርጌ ጌስታቲያ ኔ ታና ያኦጩኔ፤
ጎኔና ታ ዔራዋ ባኣዚንታ

ሚርጌና ዲቃሢ ሄርሺሳ ባኣዚ ታ ጌስቲኔ።

⁴ <ዋይዚጋፓ ታ ያኦጩሢ ማሂ ታኣም ኬኤዜ> ኔ ታና ጌዔኔ፤

⁵ ታ ሃኖ ሄላንዳኣና ኔ ዛሎ ዔራሢ

ዓሳ ታኣም ኬኤዜ ባኮ ዋይዚሢና ሌሊኬ፤

ሃሢ ጋዓንቲ ታ ዓኣፒና ታ ኔና ዛጌኔ።

⁶ ዬያር ታ ጌስቲ ባካ ታና ዒጊቼሢር

ዲቢንሢና ሲላለናዳይዳ ዴዒ ታ ቡኡፃኔ።»

ጋፒንሢ

⁷ ናንጊና ናንጋ ጎዳ ዒዮቤና ዋላ ዬንሢ ባኮ ጌስቲስካፓ ቱሜና
ዓጮ ዓሢ ዔሊፓዜ ኮይላ፡- «ዒንሢ ታ ዓይላሢ፡ ዒዮቤጉዲ ታ
ዛሎ ፒዜ ባኣዚ ጌስቲባኣሢር ታኣኒ ኔናንታ ላምያ ኔ ላጎንሢንታይዳ
ዳጋዴኔ።

⁸ ዬያር ሃሢ ላንካይ ዚያ ጌማይና ላንካይ ዓዴ ማራይና
ዔኪጋፓ ታ ዓይላሢ ዒዮቤ ኮራ ዓኣዲዋኣቲ፤ ዒኢካ ዒንሢኮ ጎሞ
ዛሎ ሚቹ ዒንጎ ዒንጊሢ ማሂ ሺኢሹዋቲ፤ ታ ዓይላሢ፡ ዒዮቤያ
ዒንሢም ሺኢቃንዳኔ፤ ታኣኒ ዒዛኮ ሺኢጲያ ዋይዛንዳኔ፡ ዒንሢ
ዳቢንቶጉዴያ ዒንሢዳ ሜቶ ታ ዓጋዓኬ፤ ዒንሢ ዒዮቤጉዲ ታ ዛሎ
ፒዜ ማዔ ባኣዚ ኬኤዚባኣሴ» ጌዔኔ።

⁹ ዩካፓ ቱሜና ዓጮ ዓሢ ዔሊፓዜንታ ሹሃዌ ዓጮ ዓሢ
ቢልዳዴንታ ናዕማታ ዓጮ ዓሢ ያፓሬንታ ዴንዲ ናንጊና ናንጋ ጎዳ
ዔያቶ ዓይሢ ጎይያ ማዴም፡ ያኦሲ ዒዮቤኮ ሺኢጲያ ዋይዜኔ።

¹⁰ ዒዮቤ ሃይሃ ዒዛኮ ላጎንሢም ሺኢቃስካፓ ናንጊና ናንጋ ጎዳ
ዒዛ ጊንሢ ያርጎቹኔ፤ ቤርታ ዒዛኮ ዓኣ ባኮይዳፓ ባሼ ጳንጩ ማሂ
ዒዛም ዒንጌኔ።

¹¹ ዒማና ዒዮቤኮ ጌርሲንሢንታ ጌርንሢንታ ቤርታ ዒዛ ዔራ
ዓሳኣ ቢያ ዒዛ ያኦጩኒ ሙኬኔ፤ ዬያታ ዒዛኮ ማኣርይዳ ዒዛና

ዎላ ሙኡዚ ሙዒ ዒዛይዳ ናንጊና ናንጋ ጎዳ ሄሊሴ ደዶ ሜታሢ
ዛሎ ያያያ ማዕሢ ዔርዚ ዒዛ ደዲሼኔ፤ ዬካፓ ፔቴ ፔቴሢ ቢራና
ዎርቁናፓ ኮሾና ዢኢሮ ዒዛሞ ዒንጌኔ።

¹² ናንጊና ናንጋ ጎዳ ዒዮቤኮ ጋፒንያ ናንጎ ቤርታኦካፓ ዑሣ
ዓኣሢ ዓንጃኔ፤ ዬያሮ ዒዮቤኮ ታጾ ያይዶ ሺያ ማራይ፥ ላሆ ሺያ
ጋኣላ፥ ፔቴ ሺያ ዋኦፃ ጌማይ፤ ሃሣ ፔቴ ሺያ ዒንዴ ሃሬያ ዓኣያ
ማዕኔ።

¹³ ዬያጉዲ ሃሣ ላንካይ ዓቲንቄና ሃይሣ ዉዱሮ ናይና ዒ ጊንሣ
ሾዔኔ።

¹⁴ ዒዛኮ ዉዱሮ ናኣቶፓ ቤርታሳዜሎኮ ሱንያ ዪሚማ፥
ላምዓሳዜሎኮ ቁፃዓ፥ ሃይሣሳዜሎኮ ቁሬንሃፑኬ ጌይ ዒ ጌሢኔ።

¹⁵ ዒዮቤ ዉዱሮ ናኣቶጉዲ ሚዛጵሞና ዔያቶ ቤቃ ላኣሊ
ዓጪዳ ሳኣያ ማዕኔ፤ ዔያቶኮ ዓዴ ዔያቶንታ ጌርሲንሢንታሞ ቢያ
ፔ ሳያ ፓቂ ፓቂ ዒንጌኔ።

¹⁶ ዬካፓ ዒዮቤ ፄኤታና ያይዲታሚ ሌዔ ናንጌኔ፤ ናኣቶኮ ናኣቶ፥
ዴንዲ ያይዶ ሾይንቲ ሄላንዳኣና ዛጋኒ ዳንዳዔኔ።

¹⁷ ሚርጌ ሌዔ ናንጊ ጋርቹሰካፓ ዒ ሃይቄኔ።

ጌኤዝ ማፃላፖ

The Holy Bible in the Maale language of Ethiopia, using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌኤዝ ማፃላፖ

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

PDF generated using Haiola and XeLaTeX on 19 Dec 2025 from source files dated 13 May 2025

bbcfb90a-3ae3-5452-983d-6c4c02375929